

第六期

第三卷

# 東方雜誌

第二期



光緒三十三年二月二十五日發行

# 售例 五月二十五日改正

丙午年東方雜誌售例

一本雜誌零售每册大洋三角，預定全年十三册大洋叁圓。丙午通閱 二外埠郵費全年六角，日本同外國郵費全年壹元五角。如零售者郵政已通之處，每册郵費伍分。外國每册郵費壹角。至未通郵政之處，民局寄資閱者自給。三凡至總發行所定購者，務請將資費送交總發行所收銀後，當付收據。惟未能照章寄足者，祇可照零售例，每册以大洋銀三角計算。寄足購得册數為止。四在總發行所定購者，本埠按期派送，不取酒資。五凡一人定購五份寄送一處者，照價九折。拾份者八折。六在總發行所定購者，如遷徙他處，務託安人代收。一面知照總發行所改寄。惟已寄原處之報，不能複寄。其在代售處定購者，自向代售處商辦。總發行所不能接寄。七總發行所按期寄送，以郵局民局回單為憑。中途遺失閱者自理。八凡在代售處購報者，報價郵費與總發行所一律。由代售處逐月函寄總發行所清理。帳項照通例以八折核算。餘二折作為酬勞。惟至少以五份起碼。代售至二百五十份者，七五折。五百份者七折。七百五十份者六五折。一千份者六折。惟郵費分文不扣。

一本雜誌總發行所在上海棋盤街中市 商務印書館內 本埠寄售處 各書坊 外埠代售處 (京都) 商務印書館分館 公債書局 有正 天津 商務印書館分館 官書局 紫氣 奉天 商務印書館分館 振華書局 錦州 同益分館 (廣東) 廣州 商務印書館 聖教書樓 英文書莊 嘉應 啓新書局 書局 (福州) 商務印書館分館 美 浦城 益記書莊 湖北 武昌 中東書社 漢口 商務印書館分館 四川 成都 商務印書館分館 廣 商務印書館分館 廣 瀘州 開智 河南 開封 商務印書館分館 總派 歸德 通新報社 懷慶 探源閣 (湖南) 長沙 集益書社 開智書局 (山東) 濟南 官書局 齊東 安邱 啓後堂 煙臺 誠文 (浙江) 杭州 崇實書社 甯波 新學會社 紹興 萬泰書樓 (江西) 南昌 開智書局 德 陳仲甫 蘇州 公益會社 來青閣 南京 中西書局 揚州 華源 白話報館 南波 新學會社 級經 紹興 教育館 (山西) 太原 齊東書局 德 蘭州 聯源 (日本) 東京 金洋堂 寶店 (保定) 直省官書局 華英山房

# 東方雜誌第二期目錄

## 圖畫

青島  
天津  
長沙  
奧斯馬加京鐵道橋  
俄國新舊京美新科  
蘇甸故京繪畫  
印度故京加爾各答

## 社說

還論附

論此後外交之方針 本社編者 佩章

抵制美約餘論 本社編者 均卿

論中國人性質不宜對外之故 維乙巳十二月二十五日 南方報

忠告篇 維丙午正月初十日中外日報

論近日人心宜重古道 維丙午正月二十日中外日報

## 諭旨

目錄

## 內務

論今日宜亟設憲法研究會 維乙巳十二月二十日時報

擬改設西藏行省策 維丙午正月初七日新聞報

政務處奏遵議盛京將軍趙奏裁改官缺更定職掌各事宜摺片

吏部戶部奏遵議署黑龍江將軍程奏湯旺河添設知縣並試辦墾荒事宜摺

巡警部奏酌擬本部官制並變通工巡局舊章改設實缺摺

巡警部奏酌擬本部及巡警廳權限章程摺

署黑龍江將軍程奏陳添改江省各官缺摺

天津府守備彭調查日本監獄習藝詳細情形呈直隸總督袁稟

天津監獄習藝所辦法

天津監獄習藝所辦理事務規程

天津監獄習藝所看守兵差務規則

日本新定韓國統監府及理事廳官制

一

丙午

各省內務彙誌  
各國內務彙誌

### 軍事

日俄戰爭之結果及中國練兵之前途 錄乙巳十二月十日 五日南方報

籌新疆形勢策 錄乙巳十二月初六日時報

練兵處奏定標旗及閱兵旗式摺

四川總督錫奏甯遠夷務劃辦事竣摺

陝西巡撫曹奏擬請裁屯併餉改編營隊以資訓練而裨軍政摺

李叔倫觀察自英國倫敦上署甯江總督周稟

克鹿卜廠總鎮連內條陳金陵以下四路破壞節略

兵部遵 旨籌設變通武備章程

各省軍事紀要

各國軍事紀要

### 財政

論國立銀行之性質 錄丙午正月初五日南方報

戶部奏試辦京津上海等處銀行酌擬章程摺

財政處戶部會奏遵 旨設立天津銀錢總廠酌擬開鑄簡明章程摺

財政處戶部會奏整頓國法改歸一律酌定各省通行章程摺

戶部奏清釐淮鹽額產據咨改奏摺

上海信成儲蓄銀行有限公司招股章程並啟

練兵處籌款清單

各省理財彙誌

各國財政彙誌

### 實業

工業改良辨 錄乙巳十一月十二日南洋日日官報

變通通九場鹽法議畧 通州縣署稿

商部奏陳鑛政調查局章程摺

聖務大臣綏遠城將軍貽奏統籌後套墾地全局兩宜

大加修治推廣利源摺

商部頭等顧問官張咨呈本部籌議沿海各省漁業辦法文

鄭觀察環球上兩江總督周條陳印緝種茶製茶暨煙土稅則事宜

江蘇海關學校公司辦理章程

各省農桑彙誌

各省鑄務彙誌

小說 俠黑奴

雜俎

目錄



五

五



百  
畫



二  
月

海

威



島

青



津

天



沙

長





奧 斯 馬 加 京 維 也 納



俄 羅 斯 舊 京 莫 斯 科



緬甸故京滿德雷



印度故京加爾各搭



# 社說

選論附

論此後外交之方針 本社譯稿

佩章

自我政府力行新政而後。外人對於我外交之方針。遂翻然一變。英之認西藏爲我領土也。美之允我收回粵漢路權也。德之還我膠州稅關及撤退山東郵局兵隊也。法之撤回柳州護商駐兵也。日本之還我東三省也。俄之許我扣留逃艦及懲辦周生有案犯也。皆外人稍見讓步之明徵也。夫曩時外人之視我政府。固所謂有求必應。惟命是聽者耳。瓜分之政策。喧騰於海外各報。其於我中國也。得尺則尺。得寸則寸。而安肯讓步。其亦何愛於我中國。而忽焉有此一二事之讓步乎。

則以吾國力之恢張與民智之增進也。曩者外人之目吾中國。一老大病夫耳。乃無何而整練陸軍矣。無何而增購戰艦矣。無何而決廢科舉而學堂遍全國矣。無何而試辦統捐而入款倍前日矣。而猶復設銀行。廣製造。興腹地。路鑛以裕利源。創國民捐會以清外債。廢者興而頹者植。朝野上下。同德一心。皇皇焉如弗及。以視曩昔之委靡不振者。蓋不可以同日語焉。及進而察吾國民之程度。則矧之不知合羣。不知愛國。比於散沙。同於睡夢者。至是竟能

社說

三十一

丙午

結團體。講公益。紛紛焉。投袂而起。語其大者。則籌款項。以收回路權之權。開議會。以抵制禁工之約。興實業。以預立商戰之基。崇學務。以恢宏教育之益。或遇有外人損我國威。侵我權利之舉動。則即電政府。以力爭。一倡百和。舉國若狂。甚至有犧牲其命。而弗顧者。不知者。或指我爲排外。抑知我國目下之民。智猶有所謂排外者哉。有國家思想焉。已耳。則自外人之規國勢者。論之我國力之恢張也。已若彼。我民智之增進也。已若此。

不甯惟是。立憲者。自強之要圖。而泰西之盛軌也。世界未開化之邦。每不知立憲爲何物。卽文明如英法德義者。或且擲百十萬頭顱爲代價。以徐購得之。我中國夙以專制聞於世界。一旦而欲仿行立憲。其誰信者。不謂自日俄構兵而後。我人民忽號於國中曰。立憲。立憲。未幾而臣鄰請之。朝廷議之。非惟議之。又將實行之。刑律之更張。警部之擬設。地方自治之試辦。親貴大臣之四出調查。政治於外洋。凡以爲立憲之預備者。率意徑行。次第舉。果外人而皆無聞見也。則已。否則烏有不矍然驚悚。然異者耶。英國紐斯加路報曰。曩曾謂中國必已睡醒。因年來久無動靜。料已無振興之望。不意觀於今日中國之行爲。實覺全局爲之一變。由是而論。彼外人所以變其外交之方針。而忽有一二事之讓步者。以此。

然則我政府今日外交之方針。亦不宜封其故步矣。晉伯宗之言曰。後之人或者將謹奉德。

義。以事神人。而申固其命。申包胥之言曰。遠吳之未定。君其取分焉。我之所以圖自強者。慮周則外人之所以謀我者亦愈。亟利權之未入握者。亟攫取之勢力之未進行者。亟擴充之。奮至而競進。汲汲焉。惟恐事機之或失。誠有如伯宗申包胥之所言者。然則我此後外交之。棘手當十倍於前。我將何所取決而定其方針耶。雖然。軍志有之。知彼知己。百戰百勝。我而欲戰。勝於外交。則現時之可從以取決者。有二端焉。一在審於列強之注意。而定其方針。一在審於國內之情形。而定其方針。

曷爲謂之列強之注意。日本當勝俄而後。意在保泰持盈。英乘勢與之聯盟。爲合力拒俄之計。而其對於我國。則皆以擴張商力爲主義。俄則中乾而外強。財力益殫。其求逞於我之野心益肆。德雖倡黃禍之說。然其志則在植其勢力於亞東。而不甘退處於英後。法素附俄者也。今則已知俄之不足恃。而極欲親暱於英。以冀此後得以壹意經營於我國之南部。惟美則與英日同其志趣。商務而外。無他奢望於我。要之列強。雖極言欲保東亞之太平。而此日對於我國之政策。則仍以瓜分於無形爲目的。我既洞燭其目的之所在。則於其所要索於我者。當與當拒。我已胸有成竹。而不煩再計。即我之所商請於彼者。爲與爲拒。我亦可以逆料而不煩再計。此則我國之外交家所不容忽視者也。

曷爲謂之國內之情形。則卽前所稱之國力與民智是已。彼外人對待於我之計畫。以我國力與民智二者之進退爲進退。辦外交者有充足之國力。完全之民智。以爲之後盾。則卽事出以強硬而不虞決裂。我國力民智雖日見發達。然方在萌芽而未臻其盛者也。我誠慮外交之或有失敗。則此後國力之薄弱者。當扶之植之。民智之幼稚者。當牖之迪之。二者雖似無關於外交。而實爲外交之要點。則居今日而欲講求我國之外交者。國內之情形固尤不可忽視也。

惟其然。我國外交之方針。固可得而言矣。外交之方針何在。曰在逆探各友邦未至之要求。而預爲之防。則事之見奪於強權者少。在利用四百兆方新之民氣。而陰助之長。則情之獲伸於公論者多。蓋外界內國之情實。我既先事而明之。則一旦爲樽俎之折衝。我亦不難當機而立應之。顧其間猶有不可缺者二端。曰神速。曰秘密。拿破崙兵力所加。如迅雷不及掩耳。神速之謂也。畢士馬克外交計畫。同列皆弗與知秘密之謂也。至是而外交之作用。已無餘蘊矣。乎曰。是不然。外交之方針。隨時爲轉移者。是特言乎我國未立憲以前之外交耳。若夫立憲以後之外交。則猶未可以一概論也。

抵觸美約餘論 本社編輯

均 類

嗚呼。二十世紀以後之世界。乃鐵血競爭主義告謝之時代。而產業競爭主義熾盛之時代也。不特武備機關。設而不用。為商業平和之保障。即一切政治機關。鈎心鬪角。經營慘淡。著者爭先。亦無非為組織商業機關完備之借徑。而國勢之強弱。人種之盛衰。實惟商業左右之。生死之風潮。澎湃。歐力東漸。於是地大物博之中國。遂相牽引而入商業競爭之旋渦中。夷然而受彼族殖民政策之豐禍。優勝劣敗。天演公例。劣與優遇。勝負之數。自不待圖窮而匕首已見。我國自通商開幕以來。進出口貨之不相抵。土貨之滯銷。遠不敵洋貨之暢銷。商埠之廣開。商約之各訂。彼方愈逞其巧捷之思。愈厚其團結之力。而我乃仍守其滯鈍渙散。上下不相過問之故習。漁我獵我。有加無已。未遂鯨吞。姑先蠶食。以有限之膏血。供無窮之慾壑。涸焉待盡。有岌然不可終日之勢。此有志時事者。所由驚心動魄。相聚而為亡羊補牢之計也。

美約之事。適觸其機。抵制之說。一唱百和。學界商界。皆表同情。奔走呼號。相戒以不賣不買。自上年以迄今日。其影響及於內地。報章所載。絡繹不絕。極其能力之所至。對外而言。已得美總統擬改工約之成言。對內而言。亦足稍稍喚醒國民愛護同胞。甯用土貨不用洋貨之觀念。宗旨所在。不主疏通。居其多數。而尤以力勸不為暴動。為近日辦事文明之進步。僕固

謂我國團體之成。於此乃小見萌芽。而倡者和者之始終不倦。又足見諸志士熱血之交會。秩序之各得焉。

雖然僕竊不揣。敬獻一言。以爲諸君抵制善後之準備。諸君之言抵制。誠善矣。極抵制之目的。必將曰。今此之爭。不僅爲上流社會中之游美者計。苟優待未能普及。工約不盡改良。則不買不賣之抵制仍不止。蓋亦思彼之苛待華工。其原因雖甚複雜。而大旨總不外生計被迫。故姑無論彼之工黨勢力之盛。非政府所能強壓。斷不能達我抵制之目的也。卽幸而如天之福。曲意勉從。而我國人之流寓他國者。實繁有徒。虐待之情形。或等於美。或甚於美。勢不能以美約之改良。曉諭之使共遵之也。於此之時。其將聽之而不與之爭耶。抑仍紛紛擾擾。以抵制美約者。移而抵制他國乎。如前之說。何恕於他國。而獨不恕於美。且於同一之僑民。顯分其厚薄也。如後之說。以我國工藝。雖陋一切實業。均未講求。核其程度。尙在天荒未破之時代。勢又不得不取資於他國之貨物。況乎排外之驚疑。屢著論說於西報。概言抵制其能無牽涉邦交。而敢政府之干涉。受政府之壓制乎。則試爲諸君陳善後之策。

蓋天下事必有其本焉。尋其本之所在。而徐徐焉有以培其本。固其本。不過十年。可以得志。諸君之言抵制。誠所謂急則治標之計也。一往直前。到底不懈。其志之堅。其氣之勇。僕固傾



倒之不暇。而又何忍言諸君之知其一未知其二。所見不無稍疏耶。雖然有形之抵制。何如無形之抵制。叫囂之抵制。何如沈靜之抵制。一時之抵制。何如永久之抵制。空言之抵制。何如實行之抵制。抵制無他。僕所禱祝而深求者。實業大公司之興是也。

難者曰。茲事體大。談何容易。向者抵制諸君。未嘗無所論列。特無如知之非艱。行之維艱耳。且獨不觀夫在上者之設施乎。今大小行省。有所謂工藝局者。有所謂習藝所者。問其名則是核其實則非。官力不足。何論商力。僕則曰。此固未可期之在上者也。以今日社會之性質。信官不如信商。就近事言之。籌款辦路。某督赫赫之勢力。七十二行商。不爲所屈。況茲所謂商者。乃即以死爭約之發起人。不特爲商界所歡迎。抑且爲學界所崇拜。丁美約期滿之時。處商會領袖之地位。得遠近響應之人和。三者既得。因勢利便。一公司之設。要自力任有餘矣。斯人乎。斯人乎。而猶曰行之維艱。僕固未信。

要之行僕之說。則沈靜無形之抵制也。實行永久之抵制也。漸次擴充。漸次發達。生聚教訓。期以十年。而招回僑民。以備利用。製造既精。我用我貨。利源不至外溢。有今日之因造異日之果。於商戰旋渦中。求自立。舍是蓋別無良策。至於辦法如何。則有先達國創立公司之成法在。茲不贅。

論中國人性質不宜對外之故。錄乙巳十二月二十五日南方報

人類自原始以來以戰勝外界得存於今茲故競爭爲人類固有之性。然以範圍於地理歷史之故。遺傳習慣不免多所改移。或則雄鷲。或則陰柔。或則活潑。或則滯弱。其銛鑄而成一種特質者。幾於國各不同。於是國與國相互之間。其強弱勝負之衡。遂恆視其民族性質之良否爲斷。晚近競爭日烈。凡智力稍絀者。將無以自立於天地間。故列強之施政教也。務審其民性質之短長。以爲補救調和之法。而使之善於競爭。蓋處此優勝劣敗之秋。非戰勝羣雄不足立國。若循途守轍。仍用閉關鎖國之所宜。正如千金之子。不識世途之險。一旦狎處衆朋。未有不遭傾仆者。故在上之補救調和。尤在洞悉大勢之所趨。時局之所宜。而別定方針。以爲用此其事。固非一時所能見效。然根本之計。不可不定之於預。固謀國者所當審慮也。中國今日之阡危。論者固莫不知由於全國之人。不能對外競爭所致。此種思想。視前之僅以爲我之不及外人。在一技一藝者。固已大勝。然其比較陳說。或曰吾國人之無教育。或曰吾國人之不尙武。此皆舉一偏而遺全體。知現象而失本原。終不概括明瞭。質而言之。中國人之所以不及外人者。在夫性質之有所缺失。與此時勢不宜該屢爭而屢敗。且由其性質之有所缺失。故雖同一圖強之事。他人爲之則有效。己爲之則無功。蓋凡百事。端皆爲

死。物。端。賴。人。之。活。用。活。用。之。者。又。必。視。其。人。之。性。質。與。此。事。相。宜。更。與。聯。屬。此。事。者。相。宜。然。後。其。效。能。如。所。期。否。則。形。式。是。而。精。神。非。雖。強。附。屬。終。無。用。也。中。國。人。之。性。質。多。所。缺。失。固。不。能。如。固。蔽。者。之。自。誇。然。亦。不。至。如。外。人。之。譏。訶。謂。其。一。無。可。取。第。數。千。年。來。事。經。萬。變。而。一。遇。外。族。無。不。輒。致。披。靡。近。今。之。事。尤。其。昭。著。顯。明。此。其。故。誠。不。可。解。以。意。斷。之。仍。數。千。年。來。政。教。所。種。之。因。隨。時。自。刈。其。果。而。已。蓋。數。千。年。來。習。於。專。制。人。民。之。志。意。幾。無。復。得。享。自。由。所。謂。英。君。明。主。務。取。人。民。之。性。質。而。變。化。操。縱。之。其。初。束。縛。馳。驟。尚。有。間。然。久。而。與。之。俱。化。遂。成。為。種。智。凡。柔。懦。也。愚。馴。也。卑。劣。也。拘。滯。也。國。民。性。質。之。缺。點。殆。無。不。根。於。斯。在。立。法。者。方。欣。於。計。之。得。售。以。為。神。祕。之。方。今。而。後。可。為。子。孫。帝。王。萬。世。之。業。也。一。旦。外。寇。侵。入。舉。此。柔。懦。愚。馴。卑。劣。拘。滯。之。民。族。與。強。敵。遇。其。勝。負。之。數。豈。待。著。龜。故。中。國。人。性。質。之。不。宜。對。外。分。也。非。不。幸。也。歷。代。以。來。重。賤。賤。繆。積。習。相。沿。其。術。愈。工。吾。民。之。性。質。遂。愈。下。不。幸。所。遇。者。又。皆。慳。悍。驚。忍。之。族。益。之。以。其。政。教。學。術。故。立。即。相。形。見。絀。而。吾。國。論。者。不。知。根。本。方。妄。指。一。事。一。物。絮。短。論。長。不。知。國。之。強。弱。視。乎。全。體。人。民。而。人。民。之。強。弱。又。全。在。規。其。性。質。今。有。東。家。日。富。而。西。鄰。日。貧。論。者。不。知。東。家。之。富。由。於。子。弟。之。佳。皆。奮。力。以。圖。進。益。而。西。鄰。反。是。而。徒。謂。彼。東。家。者。用。一。僕。之。得。法。儲。一。粟。之。合。宜。是。為。可。謂。之。知。言。今。中。國。之。衰。固。由。當。

軸者措置乖方。然國民亦不得辭其責。但所以致此本非一朝一夕之故。欲改良更化未易見功。雖然天下無無果之因。前此既可設法陶鑄以成今日之人民。後此安見不可設法陶鑄而別成一種特質前此之術工矣。然其旨差故其效左。今設不師其術而師其所以用術。雖無速效。然薰陶漸漬必有進化改良之一日。今試問國人性質之不宜對外者。約有幾乎。若志意不能堅定。團體不能固結。多保守而少進取。多輕率而少預謀。臨事則雜亂無章。事過則一閃而散。此皆最大之缺失。必宜速改者。彼外人性質所長之處。固歷歷可稽。然亦根於地理。歷史。千百戰政教之陶鑄。非可一日而幾與中國缺失之由來固正相類。且有可比附證明者。

中國行政務消挫人民勇武之心。故文武劃分兩途。而所以爲之榮譽利益者。武又遠遜於文。致人以當兵爲恥。文弱之習不可復挽。列國則尊崇武事。朝廷之宗旨社會之舊習。皆有以鼓動而獎勵之。是以人盡知兵而外侮蔑由以致。此其不同者。一中國行政務取人民之事而干涉之。致人民不得不倚賴朝廷。初不知所以自立之計。致性質日流於滯弱。列國則權利思想自昔發達。雖有暴君汚吏不能永久剝其自由。故其性質多沈毅有爲。不至受人欺慢。此其不同者。二中國立國最古。人民之暮氣已深。且牽率太多。故沈萎之形日流於外。



安有今日。往事已矣。無可言矣。觀我上下。意氣之萎靡。生計之維艱。厭絀老漁。冥頑不靈之狀。安得不速為變計。夫改造一國人之性質。此其事非易言也。語其大概。可以教育括之。而分類至繁。為法至密。今者教育方在幼稚。於精神。豪無所得。此事何可驟期。所以言之者。亦冀當軸於政教之更新。知所以定宗旨。而不至誤其駢向。庶立於今日。民族帝國主義盛行時代。尙有可以自存。方今列國民族之特色。若英之沈毅。法之活潑。德之質實。皆足以為立國之要素。人民之精神。在此即國家之精神。在此中國立國。號數千年。文明之發達。最先乃精神之腐敗。若此。即無外患。亦必內潰。如春秋所謂魚爛。矧歐風美雨。交逼而來。而以脆弱不振之病軀。當之。有不立為侵襲者哉。竊謂精神不改。雖政教一新。而優孟衣冠。猶無當也。況精神不改。政教且未能更新。至人民性質。既緣於地理。歷史。則所以改之之法。自必不能盡同。其事宜由政府社會交為之。而凡匹夫皆當引為己責。克己省察。即以盡對於國家之義務。此今日吾人所當注意者。非侈言對外交立國之本。固應如是也。不然。根本不修。徒取新政而襲附之。其益幾何哉。況近日因對外之事。頗招列強之忌。無其實。而使人疑此。豈國家之福乎。我同胞。其一省之。

忠告籙 癸卯年五月初十日中外日報

中國民氣士氣。至於舊年。不可不謂之有進步。願進步固矣。而其弊亦若隨之以俱來。夫利弊本相因。使吾人所造成之現象。社會已食其福。及積久而偏重之勢已成。遂不無不便之處。則猶可言也。乃今日之所謂利者。尙未顯然呈現。而其所謂流弊者。則已相因而至。此固由新舊禪代之交。舉吾身之上下四旁。皆足動吾之感憤。由是水火搏擊。遂有此一種之景象。抑亦由三千年之壓抑。其抑之也愈久。則其靜極思動之力亦愈甚。苟有所得。即躍躍欲試。以求達其所願望。而不暇熟思審處。以求合於中道。而期其事之有成。此固非大局之所望。抑亦非諸君子之所願也。竊維天下之事。不進則退。諸君子自待甚高。當世所以望諸君子者不薄。方將以天下之重自任。以古之天民大人自命。則自今以後。其所作所爲。當有更進於往昔者。亮必不以是爲止境。而自畫其進步。故夫所當盡之責。所當知之理。平時若何預備。臨事若何審慎。皆當局所宜自盡。而旁觀者不容不以之爲忠告者也。試爲詳言如下。

一、曰宜求自治。自古英傑之士。所由立功於當世。顯名於來許者。必不取辦於臨事之頃。而必預備於未事之先。非義勿與。非道勿取。伊尹所以建伐夏救民之績也。淡泊以明志。寧靜以致遠。諸葛所以起布衣而定三分也。蓋必其蓄積者深。而後其發現者大。亦必其養望已久。而後一出。而民心翕服。輿論景從。有以收特源以往之效。而盤根錯節。遂以顯其利器。況

乎時至今日。時局之艱難。百倍於往古。則吾身仔肩之重。亦百倍於往古。將欲改良社會。則鄉里之父老。已胥動以浮言。將欲監督官吏。則有位之庶司。更百端以相難。此必非空言所能籠絡。虛聲所能恫嚇也。故必我之學問實足以超越時流。我之才略實足以涵蓋羣倫。我之德行實足取信於蠻貊。我之操守實足盟心於衾影。而又發言盈庭。瞻言百里。初非爲一己之私計。作事謀始。動關大局。實可告無罪於衆人。而後我之自處者。高人之信我者。自深而外來之阻力亦當因之以稍減。此雖老生之常談。抑亦事理必然之驗也。

一曰宜培實力。竊謂中國今日。朝野上下。殆已情現勢絀。爲外人所窺破。幾非隻手所能掩蓋。空言所能張皇。故觀於箇人。則苦其見諸空文則有餘。徵諸實事則不足。觀其全局。則又苦於人人所抱負之思想。與其所處之現象。太不相副。夫思想與現象不能相副。實爲至危之道。當前者沈睡未醒之時。人民茫無知識。則雖內外交迫。憂患薦臻。而外人猶相與淡忘之。猶容吾之玩歲愒日。以求一日之安。今則民智既開。士氣漸奮。觀外侮之日迫。值全局之不保。勢不能不有所感觸。既有所感觸。勢不能不有爭執。而徒以實力與思想不相副之故。於是雖欲有所作爲。而瞻前顧後。卒不能達其願望。以是之故。外人即以非理相加。而我但能以空言與之相往還。不能以實力與之相抵制。夫忠信以爲甲冑。禮義以爲干櫓。古人但



有其言。今人必不能見諸實事。列強相處。但有強權。必無公理。人所共知。我即正言以教誥之大聲。以斥責之。豈足生其恐懼。而使之悔悟。抑非徒無益而已。並日增其疑忌。而益促其吞併之念。此豈中國之福哉。近日排外排日之說。屢見於東。西文各報。未嘗不因此而起。故欲為救中國計。必當期以久遠。上下同心。厚培其實力。以為自固之基礎。則不必言抵制。而自收戰勝於無形之效。此必然之理也。此固非一手一足所能為力。顧念天下大事。匹夫有責之義。則竊願為諸君子責難者也。

一曰宜戒虛聲。按古之兵謀家言曰。守如處女。出如脫兔。又曰。無謀人之心。而使人疑之者。危也。有謀人之心。而使人知之者。殆也。言乎作事者。當求實濟。而不可張皇虛聲也。以近事言之。日本甲午甲辰兩次戰略。何人不知。顧甲午以前。備我者不知幾何年。而我不知。甲午以後。備俄者幾及十年。而俄不知。即當其開戰之時。人方以為戰敗之國。必為日本。而非與日本戰之國也。則其用意之深沈。為何如。設謀之秘密。為何如。戰事有然。他事亦何獨不然。故吾人生今之世。值今之時局。必當引以為鑒。值一事之來。前苟度吾之力量。足以處辦之。而有餘。則固當迅起直追。以求其事之有濟。不必因有所阻礙。而生悔心。不必因被人指摘。而生銜意。若明知其不能有成。抑或於事之成否。尚不能自必。則萬不宜張聲勢。以動一

壯說

三十五

丙午

時之觀聽。蓋吾人作事。貴原始。以要其終。若初時過於張大。則日後之收束。愈難一也。語有之曰。良工不示人以璞。智者作事。必不容人窺其內情。今事未成。而先號於大衆。則即使有可成之理。已恐事洩。而人得以預備。若其不成。則他人反唇相稽。我益難以自處。二也。過量之言。人所不免。過實之詞。尤所時有。使其事果成人。猶或原其迹。而諒其心。若其不成。則益爲人所藉口。不以爲我自勉之詞。而以爲我相仇之證。三也。此不可不加之意者也。而其尤要者。則萬不可因人之稱譽我。而泰然自足。不可因人之附和。我而信爲可恃。誠以今日稱譽我之人。未必非異日誤事之人。今日推戴我之人。又未必非異日掣動全局之人也。此固驗之已事。而歷歷可證者矣。

一曰。宜存虛心。天下之大。事幾之衆。必非一人之識見。所能周到。一人之思慮。所能普徧也。而況丁此時艱。物情之變幻。旣繁。外讎之牽累。愈衆。一事之微。或動關全體之利害。一著之誤。或卽爲全局之得失。吾人於事物之來前。苟能思其始。以圖其終。毋昧先幾。毋貽後悔。固善之善矣。然人非聖人。孰能無過。自非清明在躬。志氣如神。勢不能於燦光之甫萌。卽洞知其結局之何若。故吾人所能自信者。惟有公其心。以待之平。其情以處之。差可告無罪於天下耳。若夫人之治事。本不能一成而不易。有初時我見爲如是。而其後乃不然者。亦有其事。

本爲我所逆料。而中道改移。忽出人意想之外者。吾人於此。惟有大公而無我。舍己以從人。乃愈以見存心之坦白。中懷之正大。而其事亦因以有濟。若誤以爲顏面所關。不可自改其前轍。抑或以爲人言不足恤。我之意見必不可改。則必致愈趨愈誤。愈陷愈深。於此而求其事之有成。是猶南行而北其轍。却行而求及前人也。而因是之故。其人之所作爲。遂不爲人所信用。而全體之聲望。亦遂因以大損。豈非大可惜者乎。竊惟天下事。不過是與非兩途。人之辦事。當置身於事之中。以要其功。而人之慮事。又當置身於事之外。而不存成見。抑且人之識見。不能盡同。有與我異趣。而同歸於至是者。有與我反對。而其實則勝於我者。若必是己而非人。則是爭意氣之私。而非求其事之有成就。世變方亟。來日大難。而吾人徒以爭意氣之故。以致坐失事機。平增阻力。亮亦非諸君子所願出也。

以上諸端。聊舉所知。貢諸社會。諸君子方負國民之望。以旋乾轉坤。自任。而望之切。則責之備。任之深。則望之愈切。此所由自忘其意之訐直。詞之懇拙。而欲爲芻蕘之獻也。

論近日人心宜重古道 錄丙午正月二十日中外日報

夫治世之道。法令其具文也。要當以人心爲本。一國人心之現象。要當察其社會之組織。宗教之陶冶。政治之範圍。而後可以見之。雖然。蒙嘗讀中外之記載矣。其治亂興衰之成迹。亦

略。窺。見。其。一。二。竊。謂。各。國。變。革。之。故。可。以。數。言。蔽。之。蓋。變。革。也。者。變。其。未。俗。而。非。變。其。本。始。革。其。弊。俗。而。非。革。其。道。要。夫。是。以。其。言。之。也。成。理。其。說。之。也。感。人。一。二。鉅。子。倡。宏。論。於。千。百。載。以。上。有。識。之。士。咸。樂。從。其。道。爭。願。爲。其。後。嗣。雖。一。時。明。夷。艱。貞。未。遂。其。願。卒。以。窮。死。而。不。悔。然。而。一。日。事。機。違。會。其。道。大。光。則。以。往。者。之。心。迹。皎。如。日。月。銅。像。巍。峨。留。於。人。目。拜。瞻。者。爲。之。流。涕。讀。書。者。愴。若。見。聞。假。令。彼。非。堅。持。其。根。極。之。見。建。設。之。力。其。又。奚。能。致。此。乎。哉。然。此。猶。祇。言。夫。經。世。之。學。也。今。且。爲。之。論。宗。教。夫。宗。教。者。觀。人。生。之。多。憂。而。欲。與。天。演。反。抗。以。爲。之。說。者。也。試。觀。西。奈。降。神。靈。驚。說。法。今。者。其。國。焉。存。其。民。且。爲。人。奴。然。而。其。法。教。之。力。一。則。由。東。印。度。而。西。漸。於。歐。美。一。則。由。如。德。亞。而。東。被。於。神。洲。一。世。之。英。君。賢。相。其。力。不。過。及。於。一。羣。一。代。而。止。而。此。則。歷。千。載。而。不。敝。巨。寰。球。而。徧。及。設。令。彼。持。之。無。本。則。其。道。又。焉。能。永。歷。千。祀。橫。被。六。合。也。若。是。竊。思。我。中。國。者。爲。四。千。餘。年。之。文。明。古。國。大。聖。孔。子。生。當。春。秋。之。季。撥。亂。而。反。諸。正。修。明。六。藝。之。道。俾。我。黃。虞。之。裔。羣。仰。日。月。而。津。江。河。蓋。可。謂。之。至。聖。矣。治。亂。之。道。具。見。於。六。經。之。中。傳。言。繁。霜。書。陳。凶。極。易。演。鼎。革。春。秋。書。災。異。此。其。用。意。蓋。亦。欲。生。人。見。夫。憂。患。之。方。始。而。恐。懼。修。改。以。窮。變。而。反。其。本。而。相。與。更。新。大。化。也。漢。儒。董。仲。舒。亦。曾。有。言。謂。三。王。道。若。循。環。窮。則。返。始。又。言。爲。治。之。道。敝。則。宜。改。絃。而。更。張。中。國。古。聖。賢。之。至。

言亦何其與他邦之改革名家名教宗主所見相同若是耶然前猶祇言夫理要也今再爲徵史乘以實之東亞之國與我近者莫日本若日本近日一戰而勝強俄遽躋大邦之列論者謂明治之維新有以致之然日人自論大政之維新則歸本於王政之復古及武士道之教育又如歐西富強之國莫英德若然英王愛德華第三時英民與王交兵以爭大憲章所許之權利而期復古七賢會議之舊而英卒以奧德王威廉第二見敗於拿破崙第一幾於不國然威廉能遇辱而奮日討其國人而訓以其祖佛勒德烈大王之武烈經營十年雪丹一戰卒以豐法而德意志聯邦以立彼其誼主秀民豈徒好爲無謂之爭哉亦誠見夫祖制之不可不復國本之不可不保而始出於此也由是而言可知國家之興視乎人心人心所繫本乎德教經世之政弊極返本修心之教彌亂益治正其本則國以日興亡其本則邦以日滅古今中外未有外是而能圖存者也吾故曰變革者革其末俗而非變其本始革其弊俗而非革其道要也而我中國改革之明效則果安在哉近十年來士夫之知識雖稍有進步而德行之衰落則日益加甚夫後生小子既未漸乎德義之純又未歷乎人事之艱其無知妄作吾亦無責焉耳獨其中一二狡黠之徒假公衆義務之名而爲私利侵蝕之計託合羣汎愛之事而行其霸持撓敗之策一集會之地一社會之中必有此等人廁乎其中憑爲

壯觀

三十九

丙午

城。社。而。肆。其。鬼。域。以。致。已。立。之。成。局。爲。其。破。壞。有。志。上。進。之。青。年。爲。其。搖。惑。此。其。行。事。在。彼。貧。賤。之。日。既。已。若。此。設。令。其。身。處。要。津。則。其。貽。害。人。心。敗。壞。國。事。又。安。知。其。所。極。哉。此。其。人。之。行。事。雖。祇。害。及。於。一。羣。然。以。國。土。之。廣。薄。俗。之。盛。如。此。等。輩。又。安。知。非。隨。在。而。有。其。人。哉。嗚。呼。吾。以。是。知。中。國。人。心。之。腐。敗。未。能。驟。去。而。改。革。之。圖。欲。變。其。本。則。必。益。加。之。厲。固。不。若。以。古。聖。賢。道。德。之。教。率。先。天。下。其。計。爲。猶。愈。也。吾。又。以。是。知。中。國。改。革。之。計。當。如。築。室。然。正。其。基。而。厚。其。壙。則。宏。規。可。度。而。起。若。但。壞。其。門。易。其。牖。則。無。以。爲。建。立。之。計。也。又。當。如。樹。木。然。厚。其。本。而。勤。其。灌。漑。則。暢。茂。可。計。日。而。待。若。但。剗。其。根。掘。其。株。則。無。以。救。枯。朽。之。弊。也。爰。論。中。外。古。今。治。亂。之。要。道。德。之。本。使。人。知。立。身。治。世。之。方。當。以。正。心。爲。先。而。以。善。事。爲。歸。改。革。之。道。自。有。其。大。本。大。原。所。在。而。非。可。以。巧。說。僞。託。勝。也。世。之。君。子。或。亦。不。謬。其。所。言。也。乎。







諭旨 光緒三十二年正月全

上諭上年順天直隸各屬被災地方業經分別蠲緩糧租小民諒可不致失所惟念今春青黃不接之時民力未免拮据  
加恩著將被災歉收之武清等州縣各村莊應徵本年春賦地丁錢糧等項並原緩光緒三十一年及節年地丁錢糧等  
項分別緩至本年麥秋後及秋後起徵其坐落武清天津二縣地方之津河廳奉漁課納糧地租並歸入該二縣災歉村  
莊一律辦理以紓民力該督即將原奏所開詳細數目刊刻謄黃循行曉諭務使實惠均沾毋任吏胥舞弊用副朝廷  
體布政嘉惠畿疆之至意該部即遵諭行欽此 光緒三十二年正月初二日

上諭二月十一日祭社稷壇朕親詣行禮欽此 旨蘇州織造仍著崇啟接管欽此 上諭關鴻書奏查明被水田畝  
洲請分別蠲緩遞緩錢糧盧課等項一摺湖南南州澧州安鄉等縣本年夏間湖河泛漲濱湖隄塘間被沖潰低窪  
田畝盧洲悉被淹沒收成均形歉薄若將應徵錢糧盧課等項照常徵收民力實有未逮加恩著照所請所有南洲澧州  
安鄉等縣州縣均著照勘明被災輕重情形將應徵錢糧盧課等項分別蠲緩遞緩以紓民力該撫即將所開詳細數目  
刊刻謄黃循行曉諭務使實惠及民毋任吏胥舞弊用副朝廷軫念民艱之至意餘著照所議辦理該部知道欽此 上  
諭周馥等奏江甯等屬秋不被災請將新舊錢糧懇恩蠲緩一摺江甯等屬上年收成歉薄若將新舊錢糧照常徵收民  
力實有未逮加恩著照所請所有上元等三十二州縣應同淮安等四衛歸併各州縣經徵屯田被災歉收及未墾荒地  
營壘廢廢各田應徵三十一年地丁錢糧均著分別蠲緩其上元等州縣應併所管年未完原緩遞緩各款暨盧課等項  
銀兩均著分別展緩帶徵以舒民力該督等即照所奏詳細開明區圖村莊頃畝數目刊刻謄黃循行曉諭務使實惠均  
沾毋任吏胥舞弊用副朝廷軫念民艱至意餘著照所議辦理該部知道欽此 上諭周馥等奏蘇州等屬秋收歉薄請

諭旨

十七

丙午

將應徵錢漕分別蠲減緩徵一摺江蘇蘇州等屬上年入夏以後久晴缺雨八月初旬風潮陡發沿海各田同被淹浸收成均形減色若將應徵錢漕照常徵收民力實有未逮加恩著照所請所有長洲等二十七州廳縣拋荒坵廢等田銀米吳縣等縣被淹被歉無收田銀米丹陽縣被歉各田下忙條銀崑山等縣拋荒蘆價田條銀新陽縣展緩二十八年新懇田銀米川沙等縣被淹被歉蘆田課銀著一律蠲免其震澤等縣歉收田條銀漕米各等項均著分別減免以舒民力餘著照所議辦理該督等即照所奏詳細開明區圖村莊頃畝及應行蠲免細數刊刻謄黃徧行曉諭務使實惠均沾毋令吏胥舞弊用副朝廷軫念民艱至意該部知道欽此

上諭同體等奏江甯等屬秋禾被災請將上年漕糧分別蠲緩一摺江蘇江甯等屬上年夏間亢旱日久秋後多雨積潦難消收成歉薄應徵新漕若令照常完納民力實有未逮加恩著照所請所有上元等五縣歉收田地並山陽等二十五州縣勘不成災田地應徵上年漕糧及改徵折色銀兩均著緩至光緒三十二年秋後分作二年帶徵其上元等五縣未墾荒田同江都縣及揚州衛營壘廢田地除墾熟畝徵外其餘拋荒地畝應徵漕糧及折色銀兩均著一律蠲免以舒民力餘著照所議辦理該督等即照所奏詳細開明區圖村莊頃畝及應行蠲免細數刊刻謄黃徧行曉諭務使實惠均沾毋令胥吏舞弊用副朝廷軫念民艱至意該部知道欽此

上諭張曾敷奏查明杭州等府廳屬各場未墾灶蕩田地請蠲免灶課錢糧一摺杭州嘉興松江各場所屬荒蕪灶蕩墾復無多若將應徵灶課錢糧照常徵收灶力實有未逮加恩著照所請所有仁和海沙鮑郎蘆泔橫浦浦東等場荒蕪未墾灶蕩應徵上年灶課錢糧准其全行蠲免以紓灶力餘著照所議辦理該撫即刊刻謄黃徧行曉諭務使實惠均霑毋任吏胥舞弊用副朝廷軫念民艱至意該部知道欽此

初八日

上諭御史劉汝驥奏仕途蕪雜保舉過濫請除積弊一摺保舉一途原為朝廷鼓舞人才之意惟必須真知灼見確係勞績卓著名實相符方可登諸薦牘凡有保人之責者應如何詳慎遴選愛惜名器若如該御史所奏近來濫保各節種種

情弊實堪痛恨嗣後各省將軍督撫等保薦人才務當力除積弊不得徇私濫保以杜倖進至應如何嚴定限制之處著  
政務處會同吏戶兵等部妥議具奏欽此 初九日

上諭張曾敷奏請將浙江各屬荒廢未種田地山塘溝澮蠲免應征地漕等項並新墾之產分別征蠲一摺浙江杭州等  
各屬荒廢未種各田向未全行墾復若將地漕等項照常征收民力實有未逮加恩著照所請所有仁和等三十六州縣  
暨杭嚴衢三所仍荒未種暨沙淤築塘挖掘墾墾廢並報墾缺額民屯學籍沙牧各田地山塘溝澮應徵上年地丁等  
項正耗錢糧漕白等項著一併全行蠲免其臨安等七縣新墾田畝著上年全蠲本年半蠲仁和等縣及杭嚴衢三所民  
屯田地山蕩著酌征五成蠲免五成以紓民力餘著照所請辦理該撫卽刊刻謄黃徧行曉諭務使實惠均霑毋任吏胥  
舞弊用副朝廷軫念民艱之至意該部知道欽此 上諭張曾敷奏查明兩浙被災場灶舊田及仍難墾復灶蕩請將應  
征灶課錢糧分別蠲減緩征一摺兩浙鹽場灶蕩上年夏秋間節被口雨潮蟲以致禾棉受傷若將灶課錢糧照常征收  
民力實有未逮加恩著照所請所有海沙蘆蕩杜濱橫浦浦東下砂二三六場成災灶蕩並海沙場潮患艱墾杜濱場新  
墾復荒各灶蕩田地應征上年灶課錢糧均著全行蠲免其下砂二三場歉收灶地照額減免二成其勘不成災之海沙  
等場歉收田地應征上年灶課錢糧一律緩至本年秋後啟征以紓灶困餘著照所請辦理該撫卽刊刻謄黃徧行曉諭  
務使實惠均霑毋任吏胥舞弊用副朝廷軫念民艱之至意該部知道欽此 初十日

上諭陸元鼎奏禮部右侍郎朱祖謀假期屆滿病仍未痊懇請開缺據情代奏一摺朱祖謀著准其開缺欽此 十六日

上諭禮部右侍郎著胡燏棻調補伍廷芳著調補刑部右侍郎外務部右侍郎著唐紹儀補授欽此 上諭御前大臣及  
御前行走侍衛乾清門行走侍衛等日侍左右出入扈從當差勤苦著分別賞給津貼以示體恤此項津貼一併由戶

諭旨

十九

丙午

部籌撥自此次加恩之後如有懶惰自安罔知振作者定予懲處其各慎之欽此 上諭軍機處為用人行政樞紐關係  
 綦重尤宜優加體恤以清治源所有該處行走之王大臣及滿漢章京等均著賞給養廉用資津貼經此次優賞之後該  
 王大臣等必能整躬率屬砥礪廉隅內外一切饋贈自應永遠禁絕各避嫌疑倘仍有揣摩嘗試情事著該王大臣即行  
 據實嚴參懲辦如或瞻徇容隱一經發覺與受同罪以瀾政體而挽頹風此項養廉著戶部按年籌給欽此 諭旨著戶  
 部每節交進銀二萬兩備賞內廷當差各項人員欽此 十七日

上諭工部左侍郎仍著胡燏燾兼署欽此 上諭醇親王載瀅之第一子著命名溥儀欽此 十八日

旨英俊璞玉世格均著加恩賞給委散秩大臣欽此 上諭胡廷幹奏查明上年江西被災各屬分別緩徵遞緩新舊錢  
 漕等項開單呈覽一摺江西南昌等府所屬各屬州縣上年夏秋之交被水被旱情形輕重不同收成均甚歉薄若將應  
 繳新舊錢漕等項照常徵收民力實有未逮加恩著照所請所有勘實被災之新建等屬州縣並九江府同知所轄之南  
 九二衝及勸未成災民困未蘇之南昌等縣並安義寄莊建昌等縣均著將應繳新舊錢漕課屯餘分別緩徵遞緩以  
 紓民力該撫即按照原單所開各屬州縣村莊頃畝分數暨應緩銀兩米石各數刊刻牌黃徧行曉諭務使實惠均沾毋  
 任吏胥舞弊用副朝廷軫念民艱至意該部知道單併發欽此 二十日

上諭湖南永州鎮總兵員缺著張慶雲調補四川重慶鎮總兵著張士翰補授欽此 二十一日

上諭翰林院編修李家駒著以四品京堂候補充京師大學堂總監督欽此 上諭昨日召見之委散秩大臣英俊人欠

安詳著開去委散秩大臣回旗當差欽此 二十二日

上諭廂黃旗漢軍副都統毓權正白旗漢軍副都統溥侗委散秩大臣阿克東阿屢次託故告假實屬當差懶惰有曠職  
 守缺補擢均著開去副都統阿克東阿著開去委散秩大臣以示薄懲欽此 上諭出入履從各項當差人員應如何

勤慎供職嚴肅整頓乃近來直班各員每多疎誤甚至例應傳班人員亦復任意不到並時有無故請假情事實屬不感  
事體除候補等已有旨懲處外嗣後御前乾清門侍衛等散秩大臣大門侍衛等如再有懶惰偷安曠誤職守者著御前  
大臣隨時查明不准賄徇情面據實嚴參欽此 上諭西安將軍長春著開缺來京當差欽此 二十三日

旨廂黃旗漢軍副都統著德麟補授正白旗漢軍副都統著樸壽補授欽此 旨松澁著補授西安將軍欽此 上諭三  
載考績爲國家激揚大典中外滿漢諸臣有能共濟時艱勞勩最著者允宜特加甄叙其平庸衰病者亦難曲予優容茲  
當京察屆期吏部開單奏請朕詳加披閱軍機大臣總理外務部事務慶親王奕劻謹慎忠純力持大體竭誠籌畫悉協  
機宜著交宗人府從優議叙吏部尚書鹿傳霖外務部尚書程鴻勳協辦大學士學部尚書榮慶巡警部尚書徐世昌戶  
部尚書鐵良同心襄贊共矢慎勤均著交部議叙大學士王文韶敝歷中外夙著勤勞大學士孫家鼐老成厚重乘望交  
孚直隸總督袁世凱經畫快閱勤勞懋著兩江總督周馥辦事實心不憚勞瘁湖廣總督張之洞謀慮精詳力任艱鉅  
署兩廣總督岑春煊任事勇往勞怨不辭均著交部議叙協辦大學士禮部尚書徐蔭桓精力就衰工部右侍郎李昭煊內  
閣學士兼禮部侍郎銜貴昌印敢都察院左副都御史奕欽才具平庸均著原品休致倉場侍郎劉恩溥江蘇巡撫陸元  
鼎均著開缺另候簡用餘著照舊供職欽此 二十四日

上諭袁世凱奏浙江按察使王仁寶因病呈請開缺一摺王仁寶著准其開缺欽此 上諭倉場侍郎著吳重熹補授欽  
此 旨廂紅旗蒙古都統著壽春補授廂紅旗漢軍都統著崇勳補授欽此 上諭禮部尚書著戴鴻慈補授未到任以  
前著陸寶忠署理欽此 上諭荊州將軍著載卓補授欽此 上諭工部尚書著松壽調補清銳著補授兵部尚書未到  
任以前著松壽兼署欽此 上諭陳壁著調補戶部右侍郎商都左侍郎著唐文治補授欽此 上諭江蘇巡撫著陳夔  
龍調補張人駿著調補河南巡撫山西巡撫著恩壽補授欽此 上諭張之洞奏特參不職各員一摺湖北試用知府楊

諭旨

二十一

丙午

諭旨

二十二

二月

汝康性情在妄抽捐不實通城縣知縣汪邦柱糊塗卑陋縱丁病民大挑知縣劉漢雲承辦賑務帳目不清均著即行革職漢陽府通判宋鼎勳猥鄙見小不稱府佐著以縣丞降補截取知縣吳星映專任私人難膺民社惟文理尙優著以勳職歸部銓選襄陽縣知縣李祖蔭規避出洋妄求差與山縣知縣樓汝濟不諳吏治尙欠學習均著開缺另補另片奏委武營劣員等語湖北署水順協副將提標右營游擊李占繁嗜好甚重兵缺徇私署錢西營游擊補用游擊向文揚庸老廢弛形同木偶水順協中軍都司劉耀官衰老昏憤不願職守均著即行革職提標中軍都司傅懋凱縱兵生事人地未宜著開缺留省另補湖北德安營中軍守備張殿揚冒餉剝兵欺騙孤寡著革職提省審訊按律懲辦餘著照所議辦理該部知道欽此 上諭工部右侍郎著劉永亨補授欽此 二十五日

上諭刑部左侍郎著紹昌補授欽此 上諭單鴻禱著以外務部尙書協辦大學士欽此 上諭都察院左副都御史黃伊克坦補授欽此 上諭浙江按察使者顏鍾騷調補離昌著補授湖南按察使欽此 上諭此次京察引見三品以下京堂各員宗人府府丞王培佑才具平庸大理寺卿王福祥久病未愈均著原品休致順天府府尹李希杰難勝煩劇著開缺另候簡用餘著照舊供職欽此 旨孚琦著調補廂白旗滿洲副都統所遺廂黃旗漢軍副都統著毓秀補授欽此 旨著派善耆管理圓明園八旗官兵并烏槍營事務欽此 旨溥偉著補授閱兵大臣欽此 旨著派載澧管理健銳營事務欽此 二十六日

上諭順天府府尹著袁樹勛補授未到任以前著陳璧兼署欽此 旨太常寺卿著管廷鶴補授欽此 二十七日  
 上諭江蘇按察使者朱家寶補授欽此 旨商都左丞著紹英轉補王清穆著補授右丞左參議著楊士琦轉補照舊著補授右參議欽此 二十八日

## 內務

論今日宜亟設憲法研究會 節錄乙巳十二月二十日時報

人之元氣不實。則不足以禦外至之災。國之內力不充。則不足以抵外力之侵入。此一定之公例也。自民族主義發達以來。我國志士。恫國勢之陵夷。皇皇然以收回利權。抵制外侮。呼號奔告。共謀存立。聞者響應。亦既稍有其效矣。雖然。無實力而有空言。其弊也。微特不足以集事。而反使聞者咸有戒心。或將乘其萌芽之甫起。而合力以摧折之。此則我國前途莫大之隱憂也。今欲儲實力以圖自強。莫要於立憲。以除二千年之痼疾。而謀百度之維新。此亦人所共知。無待言矣。顧我所欲問者。設令如天之福。我國竟能免革命流血之一階級。而朝廷肯鑒於世界各國之趨勢。一旦宣布憲法。以議政選舉之權。分於我民之後。其現象當爲如何。乎。斯不可不先爲研究之一問題也。

主速行立憲之說者。則曰中國士夫開明者漸多。勝議員者。當不乏人。一旦行民選議院之制。不患有治法無治人也。主緩行立憲之說者。則曰民智未開。教育未普。驟行憲法。必有弊無利也。二說相持。固各有其理。然就近事觀之。則開明之士。苟無眞實之閱歷。往往易激於

感情一往而不知所返。則其所持政論必有偏宕而不得其中。適以僨事者有之。此前說之未可信也。教育普及非十年二十年不辦於救亡之道固嫌其過遲。而欲謀教育之普及。尤非改良行政之機關。不足以圖進步。是教育與立憲二者正互相資而非可互相待者。是則後說雖近似而未可據爲實行之方針也。竊謂今日欲速得立憲之利而免其害。莫若使已受教育之人。於憲法上加以討論研究之功。準備二三年後。即可實行立憲。彼已受舊教育者。其於舊日之學說民俗知之較多。固可爲參酌融化之助。其曾受新教育者。加以實地研究之學力。更可以坐而言者起而行。欲求速效之方法。蓋莫逾於是矣。

各國立憲之始。亦多由其國民之一部分。出而擔任其責。必非俟全國之民有國民之資格而後爲之也。惟我國之民。其一部分之翹然秀出於衆者。厥惟士人。然以久伏於專制政體之下。干預外事。議論時政。一切有禁。故舍科舉利祿以外。不復有他志向。是之謂無政治之思想。當其爲士。則所習者詞章訓詁之學。及其爲官。則所亟者鑽營趨奉。其於民生之利弊。國勢之強弱。與夫優勝劣敗不可逃之公例。俱非所知。是之謂無政治之閱歷。無思想。無閱歷。而付之以國家之重任。則其僨厥敗事也固宜。是之謂無政治之能力。是等之人。雖與之同享憲法之利益。而必不能保守其故無他。不知憲法之權利與其所以自任之義務而已。



彼東西各國其民之宜於立憲政體者豈皆有高深之學問哉不過明於憲法之權利與其所以自任之義務而已故今日欲以教育速達立憲之目的非使已受教育之人於憲法上加

以討論研究之功不可

且歷觀各國變法之史凡憲法之成立未有不出自其民之要求者也要求之法不一有以激烈者有以和平者日本憲政之成立號稱由明治之英明矣然自慶應四年發萬機決於公論之誓詔後至明治七年副島板垣等上書請立民選議院政府爲大勢所迫乃有先開地方官會議之論又經在野諸名士盛倡民權自由之說乃以八年議定立憲政體之制然猶未見實行也其後諸志士創立各社開政談演說會論列其是非得失競上書請開國會政府知不可遏乃以十四年下詔期以二十三年開設國會是知欲政府舍其平日專恣之大權以分於民人蓋若斯其艱難也我國專制政體之沿襲最久願欲希冀政府之廓然大公一旦盡以其大權分寄於平日視同奴隸之民而不待其民之要求竊恐未必得也故我國民而誠切望憲政之成立也不可不急爲預備以謀所以要求之方法

雖然所謂要求之方法非必謂出於激烈舉動而徒恃囂張之氣也必先使國民中之一部分有政治之思想有政治之閱歷有政治之能力而後可以言要求今日朝廷之於憲政

雖。隱。有。是。意。然。猶。遲。遲。未。發。不。肯。公。言。承。認。者。非。以。民。智。未。開。為。藉。口。乎。所。謂。智。者。非。他。即。憲。法。上。之。知。識。而。已。夫。憲。法。上。知。識。之。缺。乏。誠。我。一。切。國。民。之。所。短。而。不。必。自。諱。即。一。部。分。號。稱。有。教。育。之。士。人。其。於。憲。法。之。知。識。果。已。講。求。有。素。乎。我。有。以。知。其。未。可。許。也。上。既。以。此。為。遲。延。變。法。之。藉。口。而。我。民。猶。不。急。起。直。追。取。憲。法。之。得。失。利。弊。速。自。研。究。以。儲。其。知。識。而。待。實。行。之。期。抑。何。責。人。厚。而。責。已。薄。乎。

且。立。憲。政。體。之。所。以。勝。於。舊。法。者。非。特。在。上。之。能。有。公。天。下。之。心。肯。以。政。權。分。授。於。民。人。之。足。貴。也。尤。貴。在。下。之。人。能。接。受。其。分。與。之。政。權。而。善。用。之。故。昔。之。論。治。者。有。責。君。之。言。有。責。臣。之。言。而。無。責。民。之。言。今。之。論。治。者。則。以。責。民。為。重。而。政。府。次。之。何。則。一。國。政。權。之。所。自。出。即。為。治。亂。安。危。大。關。鍵。之。所。在。故。其。責。不。得。獨。輕。今。立。憲。甫。露。萌。芽。朝。廷。既。派。大。臣。出。洋。考。察。各。國。政。治。又。於。京。師。設。立。考。察。政。治。館。雖。未。明。布。立。憲。之。說。已。隱。然。以。預。備。立。憲。之。舉。動。昭。示。於。人。民。窺。其。審。慎。躊。躇。之。意。固。未。可。謂。其。本。無。是。心。而。姑。為。此。以。掩。飾。天。下。之。耳。目。也。然。則。前。日。之。危。言。聳。論。所。以。責。難。於。朝。廷。而。無。所。不。至。者。今。已。略。見。其。影。響。然。朝。廷。雖。有。預。備。立。憲。之。心。而。靜。觀。今。日。國。民。之。舉。動。議。論。則。於。立。憲。一。事。猶。未。見。其。有。所。預。備。夫。沾。沾。焉。以。朝。廷。有。立。憲。之。心。為。喜。而。延。頸。企。踵。以。竢。之。者。是。但。以。立。憲。之。事。委。之。於。朝。

廷。而不知國民之擔任尤重也。知國民之與有擔任而不知所以預備之。是視立憲之事。過輕而不知其經緯萬端。斷不可以美錦爲學製之試驗也。二者俱非。則預備立憲之方法。誠不可一日緩矣。

凡一學問之發達也。必聚全國之學子。殫智竭精。合羣力以研究之。斯其精義於以出而應用之。可以大益於其社會。又一學說之新自外邦輸入也。必經其國之有學識有經驗者。熟察而同化之。使新理想與舊風俗有對病發藥之效。而無扞格不入之憂。斯能應用之。而不至爲害於其社會。此東西各國學會之所以林立也。我國沈痼之疾。種之者二千年。一旦改政體而驟躋富強。與列強並駕。固未敢爲是豫期。然使立憲之知識。不先輸入於國民之腦中。而深喻其利弊之所在。我恐政體變而國民之心理。猶未能相應。而與之俱變。利未得而害先見。未可知也。欲避其害。非講明其學不可。欲講明其學。非設會研究不可。此所以有設立憲法研究會之議也。

我國學會之發達。當明之季。東林復社。隱然以民黨之勢。而持朝廷之重輕。自入本朝。禁網嚴密。儒者以立會結社爲大戒。民氣之衰靡。國勢之不振。有由來矣。今誠以立憲問題之重要。而各省志士。設立專會以研究之。是可使政治之思想。普及於士人。設令異日。燭竈之

小。人。不。便。於。立。憲。而。陰。阻。其。成。或。有。其。名。而。無。其。實。則。合。全。國。之。人。以。上。書。力。爭。不。可。不。於。此。先。為。預。備。此。其。不。可。緩。者。一。也。中。國。各。省。山。川。阻。隔。風。氣。異。宜。施。政。之。方。因。之。不。能。一。律。驟。以。憲。法。行。之。方。枘。圓。鑿。齟。齬。必。多。有。研。究。會。則。審。其。先。後。較。其。異。同。因。民。族。之。性。質。以。及。本。省。之。例。章。若。者。宜。革。若。者。宜。因。咸。了。然。於。胸。中。於。以。得。政。治。之。閱。歷。而。不。至。有。隨。埴。索。塗。之。患。此。不。可。緩。者。二。也。地。方。自。治。制。度。為。立。憲。國。之。最。要。元。素。設。令。無。之。則。憲。政。為。形。式。耳。為。具。文。耳。今。欲。使。我。國。民。有。政。治。思。想。有。政。治。閱。歷。舍。其。向。日。空。言。之。積。弊。進。而。與。語。實。行。之。方。以。擔。任。地。方。自。治。之。責。此。非。頒。布。一。定。制。模。倣。一。成。法。所。能。奏。效。也。必。洞。知。憲。法。之。理。由。與。其。所。以。施。行。之。方。法。而。後。能。結。地。方。小。團。體。以。合。成。國。家。大。團。體。此。其。不。可。緩。者。三。也。夫。不。知。其。為。當。務。之。急。而。膜。視。之。猶。可。言。也。今。憲。法。之。於。我。國。如。解。倒。懸。夫。人。而。知。之。願。未。聞。有。重。視。其。事。而。立。會。研。究。之。者。豈。非。可。怪。歟。

我。觀。日。本。輸。入。西。洋。文。明。之。速。也。多。得。力。於。各。種。學。會。精。深。之。學。無。論。矣。即。下。至。一。藝。之。微。一。語。言。之。粗。莫。不。設。有。研。究。會。此。無。他。焉。曰。不。可。以。不。學。故。我。國。近。日。學。會。漸。起。若。教。育。若。理。化。若。體。操。莫。不。有。會。以。研。究。講。習。之。此。無。他。焉。曰。不。可。以。不。學。故。若。憲。法。者。其。精。奧。博。大。什。伯。於。一。藝。一。語。言。之。微。末。其。試。之。而。為。害。為。利。也。關。繫。之。鉅。又。什。伯。於。各。種。科。學。其。非。可。

以不學而知冒昧輕試也明矣。朝廷之派大臣出洋考察政治也。各省之派官紳出洋學。習速成法政也。豈不以此故乎。然實行憲法之責任。既上與下共擔之。且不可不由全國之士民共擔之。則坐待此區區數十百人考察學成返國之後。以頒布憲法組織新政體。其果能洽全國民之意志而勝任愉快乎。假立憲之名以行專制之實。國民程度未高之國。已數見之。洵若是其於我國救亡之道。固未見其有所裨也。故憲法上之知識。爲我國士大夫。今日普通知識之必不可缺者。較之其他各種科學。尤爲急焉。他種科學知識之缺乏。關於一身者。居多。憲法知識之缺乏。關於一國之前途者。不小。故曰堯舜之知而不徧物。急先務也。我願有志之士。姑以其研究他學之功。先用之於研究憲法。儻亦急先務之義與。

擬改設西藏行省策 錄丙午正月初七日新聞報

土地侵削之禍。伏於數十年之前。而發之於數十年以後。當其將發也。能早籌補救之策。則土地猶可保全。其已發也。能急籌補救之策。則土地亦尙可保全。至侵削之禍。既發。補救之策。朝不待夕。而泄泄者。猶安步拯溺。假衣救焚。是日前僅爲人所侵削。而異日必爲人所兼併。西藏侵削。其機早伏於哲孟雄之爭界。中國漠然視之。不甚措意。蓋中國以西藏爲本國之羈縻州。而非爲本國之管領地。我朝入藏之始。不改其政俗。不易其宗教。但以一

臣。爲。之。監。督。使。之。永。爲。不。侵。不。叛。之。藩。封。故。中。國。在。藏。祇。享。主。權。之。虛。名。而。喇。嘛。在。藏。轉。獲。政。權。之。實。用。以。致。敢。人。覬。覦。癸。卯。冬。乃。有。外。兵。入。藏。一。案。藏。力。不。敵。遂。爲。城。下。之。盟。聽。客。所。爲。幾。於。爲。他。人。之。保。護。國。至。研。究。所。訂。條。約。中。國。幾。不。能。自。認。在。西。藏。有。絲。毫。之。主。權。以。中。國。數。百。年。之。藩。服。一。旦。爲。人。刦。去。且。又。關。係。兩。川。之。利。害。烏。得。不。起。而。相。爭。於。是。特。簡。專。使。磋。磨。數。月。始。有。認。中。國。爲。主。國。之。說。嗣。又。糾。葛。橫。生。至。今。未。定。是。中。國。在。西。藏。之。主。權。尙。不。能。必。其。能。保。也。然。而。西。藏。臣。服。中。國。已。近。三。百。年。矣。外。人。兵。力。雖。強。亦。斷。不。能。不。於。形。式。予。中。國。以。虛。名。之。主。權。借。以。杜。羣。雄。之。口。而。施。將。取。故。予。之。謀。爲。中。國。計。惟。有。於。藏。約。未。定。之。先。急。起。直。追。爲。伐。謀。未。然。之。舉。宣。告。各。國。改。爲。行。省。以。止。今。日。之。侵。削。而。免。他。年。之。兼。併。近。聞。政。府。於。西。藏。改。設。行。省。一。說。頗。不。謂。然。中。國。藩。服。琉。球。縣。安。南。滅。緬。甸。亡。朝。鮮。傾。彈。丸。逼。逼。僅。能。自。保。所。存。者。祇。有。西。藏。今。又。爲。人。所。挾。制。攝。位。之。喇。嘛。潛。行。疆。外。出。亡。之。喇。嘛。逗。遛。中。途。西。藏。無。主。內。變。將。起。外。患。必。來。藏。事。將。不。可。爲。也。中。國。若。再。不。改。設。行。省。收。其。政。權。萬。一。有。人。或。攜。潛。出。之。喇。嘛。擁。之。而。入。抑。或。質。出。亡。之。喇。嘛。挾。與。俱。歸。號。召。諸。番。郡。縣。土。地。大。勢。一。定。中。國。雖。欲。過。問。而。已。無。從。措。手。矣。記。者。曾。於。癸。卯。秋。九。月。十。一。日。著。有。保。藏。策。其。第。一。款。即。係。改。西。藏。爲。行。省。當。時。外。兵。尙。未。入。藏。政。府。若。立。時。採。用。或。可。杜。禍。於。幾。先。乃。政。

府熱視無睹。遂使外人得著先鞭。釀成今日困難之交涉。悔可追耶。今藏約雖未議定。而中國主權。外人固未嘗明目張膽。直接不認。中國在藏主權。一旦全失。人即可以從容收其地。中國在藏主權。一日猶存。人即不能談笑奪其國。故中國不欲保西藏。西藏可以不改爲行省。中國若欲保西藏。爲兩川之屏蔽。使人之勢力不能由印度以直達西藏。長驅而入貫通於揚子江。諸行省。則保藏。即所以保兩川。保兩川。即所以保湘鄂皖豫甯蘇六省之腹地。西藏改爲行省。一策萬不能坐失事機。再緩須臾。雖然。藏地七千餘里。番衆數百餘萬。風俗不同。宗教大異。礦產路政。尙無基礎。資財又復支絀。一切經營佈置。事屬開創。頗多棘手。然而政府不能因其難而又忍置不問。使玉宇金甌。復爲他人所有。記者不敏。爲條分縷晰。試借箸而代籌之。

一設官 藏地延長七千餘里。道路崎嶇。山谿重雜。聲勢不聯。若照內地行省之例。設督撫司道州縣提鎮總兵等官。則一切衙署消用費。支付甚難。鄙意設一總督。管理全藏。財政。兵政。一切事宜。其餘錢糧。則設徵收同。詞訟。則設訊讞同。教育。則設學務局。保護。則設警察局。而司道州縣等官。不須另設。至防衛營兵。則按照練兵處章程。編爲標鎮。以藏地如此之延長。又與內地懸隔。一旦有事。徵召不靈。非有四五鎮土著之練兵。決不能絕覲覲而守疆土。

而彈壓地方之武弁。即以鎮統各官任之。歸總督節制。而提督總兵副參游等官。亦不必設。官制簡便。非徒節糜費。亦所以一事權也。

一練兵 藏番篤信鬼神。不修武備。外兵一旅。長驅直入。勢如破竹。若改爲行省。非有久練之兵。作無形之保障。將來覆轍。仍與朝鮮等耳。然土番愚魯。言語不通。訓以新式操法。扞格不入。今宜飭令川督。急編川兵兩鎮。命兩川留學畢業陸軍學生爲兩鎮隊官。從速訓練。限以六月。藏事調入藏地。以川兵鎮藏。事半功倍。然後規模稍定。急宜多開普通武備小學堂。仍以兩川武備學生爲師長。訓以官話。通其言語。教以圖繪。開其智識。十年後。即以武備小學堂畢業生爲四鎮練兵。勿須再調川兵。至養兵經費。則不外大墾荒地。現在兩川兵糧 多開礦山。礦利爲兵餉亦救急之一策也。各省開礦無實正宜急開礦也。每省第一知兵大 員爲總辦。所有礦丁除區時日開辦外。餘暇則訓以新式操法。既得礦利。又迅造鐵路。藏中土 官兵習古有鑿屯以防匪突。今立礦屯以防分疆。政府不可不留意於此。又迅造鐵路。藏中土 入鐵路。通則以貨出者。以銀數端。然有兵無器。與無兵同。不幸有事。軍火接濟。轉運甚艱。此機 器局尤不可不亟亟籌設也。

一教育 藏番數百萬。迷信神權。習俗相沿。不易攻破。今宜用極淺極新之國文課本。教導番童。行強迫教育。使之漸化。迨漸化以後。再以精進之教育純化之。此非旦夕所能收其效。



者也。然而異日必能大獲鄙意。無論何等小學堂。均宜以兵式體操爲製造鐵血種子之爐。一巡警。僧番性情暴戾。與內地人民不同。改設行省。驟施約束。必不馴服。非多設巡警。萬不能銷患未萌。相安無事。宜多募川人之識字。馴良者爲警卒。分佈要害。凡錢糧詞訟等交涉事件。均派警卒爲之。不必雇用差役。然後相度情形。徵募純謹之士。著設巡警學堂。以教之。預備爲地方巡士之用。

以上四端。乃治藏之大略。若夫一切詳規細則。非親歷其地。察核情勢。不能研定也。藏事急矣。我不著手。彼明劫之者。已以兵力相挾。彼潛劫之者。又以賄賂相誘。不爲甲之保護。國卽爲乙之管轄。土設一旦而爲明劫者。所得則鐵路。由印邊而直達西藏。由西藏而直抵兩川。迨川漢鐵路銜接。浦信鐵路聯貫。彼之勢力。竟由印達川。由川過湘。以達漢。由漢至信。以達浦。直駛於揚子江下游。諸行省與海線之勢力。幾有合水陸爲一線之望。中國南部。欲不爲印之續也。其能得乎。不特此也。印路由川達漢。漢以後北駛。則由漢達津。由津而達營。榆。由營榆。則達東清。中國西北部。亦可危。旁駛。則由津以達濟。分駛。則抵汴洛。西駛。則抵正太。南駛。則由津以達鎮。由鎮則直達滬。橫駛。則通贛。達浙。達閩。或達粵。中國東南部。亦可危。中國能保西藏。扼其主權。使印路之勢力。不能上澈下貫。則中國全部。可保。否則二十年後。西

藏。不。可。保。二。十。年。後。川。湘。不。可。保。再。閱。二。十。年。鄂。贛。魯。汴。甯。蘇。閩。浙。兩。粵。以。及。直。晉。諸。行。省。尚。能。金。甌。無。缺。耶。二。十。世。紀。以。後。謀。人。國。土。有。水。線。而。無。陸。線。終。必。失。敗。吾。國。柄。政。者。宜。注。意。於。此。不。可。稍。忽。然。則。改。西。藏。爲。行。省。尙。可。築。室。道。旁。聚。訟。不。決。也。耶。

政務處奏遵議盛京將軍趙奏裁改官缺更定職掌各事宜摺片

九月<sub>廿</sub>日准軍機處鈔交盛京將軍趙爾巽奏裁改官缺更定職掌各摺片奉 硃批政務處議奏片三件併發欽此原奏內稱盛京將軍舊兼 三陵總理事務大臣而典禮工程款項驛遞則分隸於戶禮兵工四部現各部既裁應請以盛京守護大臣定爲承辦事務首領衙門原設關防以下官兵等悉歸兼管又禮部之讀祝官八員贊禮郎十六員戶部六品官二員禮部六七品官各一員工部四五六品官各一員應改隸 三陵總理事務衙門並歸首領衙門兼管所有應供各項品物悉歸督催應送 永陵祭品一切典禮及每年供獻 東陵 西陵祭品暨東省 山川祠廟各祀均由首領大臣督率承辦各員役妥慎籌備一切公牘儀節由首領大臣主稿仍送將軍稽核等語俱係爲慎重 陵差統一事權起見自應准如所請惟盛京守護大臣既兼管 三陵承辦事務應卽定爲 三陵承辦事務衙門大臣所請改稱首領衙門大臣之處應毋庸議戶禮工部既裁原設之讀祝贊禮四

五六七品等官均歸 三陵總理事務衙門管轄應即改爲 三陵總理事務衙門讀祝贊禮四五六七品官不必更冠以各部舊稱以符名實原奏又稱各官丁應付別項差徭仍由將軍督催官員馳驛貢送祭品亦由將軍飭屬應付並商由鐵道運送至恭送 永陵 祝版祭品均請由 永陵守護大臣自行備辦其必須由奉省備送者仍照向章辦理又 與京守護大臣應辦他事仍徑咨將軍等語應如所請責令敬謹妥辦另片稱戶禮工外郎二十缺請裁十一而留九缺以現任外郎九人改隸 三陵總理事務衙門之五六七品官幫辦差徭管丁一切事務作爲領催升階此項額缺由將軍會同守護大臣選襲升補又戶部六品官二缺請免其滿漢兼揀作爲本屬外郎升補專缺又裁撤戶部管理喇嘛丁銀委六品官一員及戶禮工三部郎中以下各員缺咨部改用又戶禮工四五六七品官屬有領催三十五員均有催差管丁之責此項額缺應改隸 三陵衙門並守護大臣兼管三年無過咨部照裁缺部員例改用又片稱兵部所設驛丞二十九員改歸州縣管轄驛丁事務暫由驛巡道經理原設之正副監督及兵部郎中以下各缺一律裁撤驛巡道請兼按察使銜承轉通省刑名案件刑部司員概行裁撤分別咨部改用各節均應照准其奉錦山海道所兼按察使銜在當時專爲辦理外交准其專摺奏事而設與辦理刑名本不相干該將軍所奏

內 署

三十九

丙午

請將該道所兼按察使銜裁去之處應毋庸議謹 奏奉 旨依議欽此

再正在議覆間十月<sup>年乙巳</sup>初四日又准軍機處鈔交趙爾巽奏請裁軍糧同知改設省會知

府一摺奉 硃批政務處議奏欽此查奉天省城事務殷繁應如所請設奉天府知府一缺

歸驛巡道兼轄金州一廳遼陽復州二州承德興仁海城蓋平開原鐵嶺六縣悉歸該府專

轄定爲衝繁疲難請 旨揀調要缺每年支給俸銀一百五兩養廉照開封等府例支給並

另給津貼辦公銀五千兩以上各款均准照奉天新設各缺之例支給實銀以示體恤軍糧

同知一缺應行裁撤卽以該署爲奉天首府衙門現在同知應照裁缺例另行請補俟奉

旨後卽由臣等知照禮部鑄發印信其餘一切未盡事宜悉由該將軍奏咨辦理謹 奏奉

旨依議欽此

吏部戶部奏遵議署黑龍江將軍程奏湯旺河添設知縣並試辦墾荒事宜摺

內閣鈔出署黑龍江將軍程德全奏稱竊查湯旺河荒段前經勸辦荒務大臣延茂等奏請

出放奉 旨允准均以領戶無多未著成效查該處係在吉林三姓以下松花江北岸實爲

兩省東邊要隘曾於本年<sup>年乙巳</sup>四月奏蒙 恩准專設行局推廣辦理乃數月以來迭據該局

報稱雖有領戶半屬貧民殷實大戶尙多視爲畏途莫若急設民官以廣招徠擬於該處設

知縣一員名曰湯原縣所有墾荒事宜即責成該縣自行經理查前將軍恩澤曾於變通該處荒務摺內聲明將該處膏田劃出仍交押租聽民自行採佔其礮瘠之田概免押租但收經費錢四百文此次變通荒務添設民官擬請無論肥瘠一律免交押租仍聽民自行採佔只交經費四百文以備地方官辦公之用俟六年升科每歲約可增租鉅萬現委辦理該處荒務委員候選知縣劉虞卿先行試辦惟每响收錢四百文經費恐不敷用擬請仍支行局薪餉嗣後如果辦有成效經費充裕即行停支等因光緒三十一年十月初四日奉 硃批該部議奏欽此欽遵鈔出到部吏部查籌邊之策莫善於屯墾果使荒蕪盡闢則居民膏聚自成繁富之區且設專官以經理民多趨附招徠尤易爲功該署將軍請於湯旺河地方設知縣一員名曰湯原縣係爲推廣墾荒防固邊圉起見應即准如所請至所請無論肥瘠概捐押租並委員仍支行局薪餉之處戶部查湯旺河荒務於光緒二十二年間經查辦事件大臣延茂等奏請仿照通肯克音放荒章程辦理每响徵收押租正款經費錢二吊一百文自領地之日起限六年升科每响收大小租錢六百六十文等因在案今該署將軍以湯旺河距省窳遠領戶仍不踴躍奏請添設民官即責以經理荒務無論肥瘠一律免交押租聽民自行採佔只交經費四百文以備地方辦公之用等語原爲移民實邊起見但官之所在

民爭趨之若無論肥瘠一律免交押租恐領戶一多即啟爭訟之端所擬似未平允除碾瘠之田應准免徵押租外所有該處劃出膏田應仍令另定等則或即照前定章程減半徵收庶不失招徠之意至新設縣治即委荒務委員劉虞卿先行試辦請仍支行局薪餉一節查另文咨稱湯旺河行局薪餉自光緒三十年七月初三日起支等因迄今一年有餘仍請先行試辦則上年既設行局其實無所事事薪餉一切當已停支應令查明聲覆並將此次係由何日試辦起除所收經費充作辦公之用外尙應支行局薪餉若干嚴定數目咨部核辦以杜冒濫如蒙 俞允俟 命下之日臣等知照該將軍欽遵辦理其一切未盡事宜仍由該將軍體察情形奏明請 旨謹 奏奉 旨依議欽此

巡警部奏酌擬本部官制並變通工巡局舊章改設實缺摺

竊維各國警政精密整齊所以保全國之治安定人民之秩序臣部奉 旨設立統率各省警務自應通籌全局先求合於現在中國政俗之宜以漸臻夫東西各邦公安之治今當創建伊始設官分職最爲至要必使大小相維事權相屬迺能各專責成徐圖美備臣等參酌外商兩部官制章程並考求各國警察規則掣綱要以綜其成析科目以副其實擬設左右丞各一員左右參議各一員分設五司十六科隸焉以期統屬定而各有等差任使專而無

由鹽卸且京師地方遼闊從前工巡局辦事人員皆係兼差心力既分職非專界故數年以來一切規模尙未完密茲既設立專部且將整頓各省之警制京師爲首善之區自應先定額缺俾昭久遠擬請變通舊章改設額缺內外城各設廳丞一員參事知事各官分隸焉廳丞爲地方表率與各省警務同轄於臣部以一事權所有臣部司員及廳員額缺臣等公同商酌擬就官制章程謹分繕清單恭呈 御覽伏候 欽定再臣部設立伊始事同草創如嗣有應行增減變通之處及部廳各員升轉廉俸一切詳細章程隨時由臣部酌量情形奏請辦理至警務事繁責重各國郡縣村町均設有警務專官自應酌擬各省巡警官制以期與部廳內外相通考驗實績卽由臣等續擬詳細規制另行奏陳謹 奏奉 旨依議欽此謹將臣部酌擬官制章程繕具清單恭呈 御覽 計開 一臣部擬設左右丞各一員位正三品統率各司佐臣等整理全國警政籌議警察制度設左右參議各一員位正四品分判各司事務稽核司員以下功過所有京外警章均歸丞參詳審覆核呈由臣等奏咨 一歷考中外官制皆謂宜多設專理之官不宜多設總轄之官臣等詳加酌度丞參職掌頗皆近於總轄宜令各分責任而郎中員外郎品秩略等同辦一事亦恐互相牽掣難於整理查日本各省所轄分同分署之長品秩皆略如京堂是以職業易舉臣部甫經設立自未便於

一司設一京堂除左右丞已酌定職掌外左右參議擬仿唐以侍郎判分曹辦法酌擬設五司一切職業以類相從分令左右參議管理以專責成凡所管之司一切稿件暨司員書記功過均由該參議核定考察呈由臣等辦理以重事權而杜牽礙嗣後警章陸續擬定部務日繁仍當添設參議以資分理統俟屆時由臣等察酌情形奏明辦理 一臣部擬設五司曰警政司曰警法司曰警保司曰警學司曰警務司司中應設各科分列於下 警政司 行政科 掌凡關於警衛保安風俗變通及一切行政警察事項須飭傳內外各廳及各省遵辦者均歸該科辦理并會同編輯科商訂一切行政警察章程 考績科 掌考核各省警官之能否及舉劾之事並各省警官選用記名及奏補事項又管理部廳各員一切升轉事宜 統計科 掌各省警務之款項考核部廳各處支發俸餉購辦物件及豫算決算列表之事其各司各科所辦警政分類統計每年編成總冊刊布 戶籍科 掌審定稽查戶口章程管理各省地方戶籍報告戶口計凡各省寺院僧道人數教民人數外國人入國籍皆隸之 警法司 司法科 掌審定司法警察辦事章程凡司法警察官之配置及考核成績與調查罪犯種類等事均歸核辦 國際科 掌審定國際警察事務規則調查各省租界警政情形與一切交涉及繙譯事件 檢閱科 掌查閱報章書籍如有違報律出



板者隨時檢舉并管京外各報館書坊一切事宜會同商部學部分別辦理 調查科 掌  
調查各省政法民情及地方習慣風尚會同各司各科審定一切警章 警保司 保安科  
掌凡豫防危害保持公安宣布應行告誡禁止之一切命令併查禁奸民棍徒結會拜盟  
扶乩等事 衛生科 掌考核醫學堂之設置醫生之考驗給憑並清道檢疫計畫及審定  
一切衛生保健章程 工築科 掌京城內外道路工程均歸計畫調查各省都會及商埠  
修路工程並審訂京外各警廳房屋式樣與工廠戲館建築之檢查凡公私營造皆隸之  
營業科 掌市中一切營業開張申報存案並審定舖捐車捐各項捐章及市場紳董公所  
辦事章程將來京城內外所設電燈自來水市街鐵路均歸核准保護 警學司 課程科  
掌審定各省巡警學堂章程考核警官學業之成績及給憑註冊等事 編輯科 掌編  
譯各國警察法規及各種警學專書 警務司 文牘科 掌辦緊要奏稿及關涉全部事  
體之文件並電報電話及報告機要事項其各司專件仍歸各該司辦理 庶務科 掌理  
部中一切雜項事務稽核部員廳員功過簿冊並考查司書生勤惰及約束夫役人等以時  
報告藉憑考核 以上各科皆就目前擇要設立嗣後如有增減改置之處當隨時 奏明  
辦理 一擬每司設郎中一員總理司事每科設員外郎一員主事一員辦理科務主事以

內 署

四十五

丙午

下擬比照筆帖式設一二三等書記官位七八九品按司之繁簡酌設不定額缺臣部不用書吏更擬設司書生若干員分別等次隨時酌派不定額數其額外候補主事繁司不得過四員簡司不得過三員 一擬設機務所凡開用印信收發文件接給電話值日值宿遞摺等事皆隸之擬設七品小京官四員輪流管理 一擬比照商部顧問官之例設一二三四等採訪官如各省各埠有深通警務之員灼知其品行端謹辦事認真及著有成績者無論官紳由臣部分別派爲一二三四等採訪官以便偵訪要務俾消息靈通且可隨時考校各省警務以時報告 一擬內外城各設一豫審廳歸臣部直轄除犯尋常違警罪可由各分廳訊結外其刑事訴訟之案皆歸訊斷如遇徒流以上重大之件須先由豫審廳訊明情由再分別奏咨送交刑部擬每廳各設正審官一員位正五品視郎中總理廳務陪審官一員陪聽訟獄檢察官一員檢查證據協同審訊更附設民事審判官每廳各一員專理錢債案件位皆從五品視員外郎記事官每廳各三員臨時聽審繕稿位正六品視主事再每廳置譯員三人須法英日三國文字醫官二員其司法警察巡長巡捕等員弁隨時酌定人數至地方裁判本應歸刑部辦理惟現在新律未頒裁判章程未定內城工巡局向設有發審處辦理詞訟外城係沿五城理訟之例亦辦審判且詞訟關係民事最重之件勢須隨到隨結

不容稽緩擬暫由臣部設立豫審廳俾案犯便於讞訊將來新律頒行應如何變通之處屆時奏明請旨 一路工局仍擬照舊辦理逕歸臣部管轄不設專官俟將來路工告成應卽酌量歸併 一巡警學堂習藝所教養局消防隊等應統令逕歸臣部管轄惟如何派員經理及詳細章程再由臣部妥議具奏請旨 一無論部員廳員補缺後皆不得兼充各衙門差使以專責成 一現擬設各司郎中及內外城巡警廳丞均止一員責任較重設遇該郎中等請假及出事故恐致候員接替貽誤要公擬責成每司首科員外郎每廳首處參事官平時隨事參理一切遇該郎中及廳丞有請假等事卽暫行代辦再候派員接署以重職務

謹將酌擬變通工巡局舊章改設官制章程繕具清單恭呈 御覽 計開 一原設內外城之兩總局擬俱改爲巡警廳曰內城巡警總廳外城巡警總廳總理內外城一切警務 一原設之內外城各分局擬俱改爲分廳內城擬設五廳曰內城中分廳內城東分廳內城南分廳內城西分廳內城北分廳外城擬設四廳曰外城東分廳外城南分廳外城西分廳外城北分廳各歸內外城巡警廳直轄 一原設之內外城監督擬俱改設廳丞位正四品親府丞 一廳丞以下擬每廳設參事官三員承廳丞指揮分理一切事務曰總務處參事

內務

四十七

丙午

官位正五品視郎中曰警務處參事官曰衛生處參事官位從五品視員外郎以下擬設六七品警官若干員分理庶務臨時酌定 一每分廳擬設廳知事一員位正五品視郎中總理分廳地面事務知事以下擬設六七品警官若干員臨時酌定 一分廳以下各按照地圖劃分區域每區擬設區長皆以八九品警官充之員數臨時酌定 一內外城巡警廳丞以下衙署公所擬酌定名稱內外城廳丞曰巡警總廳知事曰分廳各項警官曰巡警所各巡長曰巡警公所以示區別 一參事官應管各股分列於下 總務處 警事股 掌酌定所屬分廳及區所應設各項警官之額缺暨辦事細則並巡長巡捕之賞罰進退及考核訓練稽查之事 機要股 掌管理印信電報電話各廳機要事之報告及廳員升退派差請假事項 文牘股 掌各項公牘審議繕寫收發編存事項 支應股 掌收發一切款項及薪餉物件修築房屋置辦器具管束股役人等 統計股 掌分類統計巡警廳所各項事件年終報部刊布全國以考成績 警務處 護衛股 掌管理 警衛 鑾輿出入及恭備 蹕道差並中外大員來往之須保護者所有臨時一切添設巡捕等事均歸辦理 治安股 掌督察街市站店大眾集會並新聞紙出版暨商民刊布傳單告白等事所有一切保持治安預防危險潛察奸宄諸務皆隸之 交涉股 掌調查公使館員役及寓居

內外城之各國官商教士等戶口並一切交涉繙譯 刑事股 掌督捕追贓搜查護送罪人司法警察服役事務及遺失物件之檢查 戶籍股 掌考查保護一切市政及稽核路燈電線電話等事 正俗股 掌稽查廟宇市場各店戲茶煙酒等館並娼優聚住處所一切賣技彈唱妨害風俗等事 交通股 掌車馬通行之督察道路橋梁危險之預防鐵路車站之檢察 建築股 掌調查衙署公所及民間建造之應准應駁並測繪警察分一區地圖 衛生處 清道股 掌督察掃除道路通洩溝渠整理廁所會同路工局辦理 防疫股 掌檢查痘種預防獸疫並考查市脯飲食用具及瘞埋等事 醫學股 掌查核病院並檢查各種病情及死生人數之統計 醫務股 掌考驗巡捕及消防隊之體格檢查路途病倒及鬪殺傷者之急治藥物並消毒法稽察工場衛生兼辦化分事務 以上每股設長一員爲正六品警官視主事副二人爲七八品警官視小京官及各部司務其工醫等股自須擇其專門之學者調充俾收實效 一分廳職掌可因各地面事之繁簡按照總廳職掌之分類酌量增減 一不論警官巡長巡捕等凡在外場執事者均須一律服制定衣服在廳內則聽便 一分廳署屋宜在通衢必須軒敞並應限定辦公一準時刻以添精神而昭勤恪

內務

四十九

丙午

巡警部奏酌擬本部及巡警廳權限章程摺

竊維行政之要職任責有專司權限尤宜明晰從前大學士臣那桐管理工巡局事務本係兼差故遇各部院衙門來往公牘皆由局逕行咨覆現經改設廳丞轄於臣部若仍照舊章直接不但文牘滋繁且事權分屬窒礙必多擬請自臣部改設廳丞後所有兩廳與各衙門來往公事統由臣部核轉分別咨行另鑄廳印以昭信守局中舊有關防廳俟廳印鑄成開用後即行撤銷其部廳各員概不准兼各衙門差使俾專責任惟巡警廳與地面直接事務既繁責成尤重所有各員容臣等慎加遴選隨時察看陸續分別請 旨派署如能勝任再行請 旨補授以昭慎重而免貽誤至各缺未經補署以前擬先按應設官員職務酌派差委各員試辦仍當隨時考核分別去留無論已未補署廳缺各員部廳權限必須遵守方免紛歧之弊謹 奏奉 旨依議欽此

謹將酌擬臣部及巡警廳權限章程繕具清單恭呈 御覽 計開 一巡警部係統管全國警政自應照部制辦理京城內外巡警歷係專辦京城地面事務自應歸巡警部統轄以清界限 一巡警部有督察之責內外城巡警廳有施行之任自應各設專官所有部員廳員不准兼攝以分權限而重責成 一內外城各設廳丞一員位正四品由臣部奏請補授

一內外城廳丞均歸臣部統轄辦理地面警務所有地面應行奏銷事件均由臣部具奏惟係條奏事件不關部務者仍准專摺具陳以符向來京堂體制其部丞參議亦仿此例

一凡總廳分廳七八品警官及巡長巡捕等之進退賞罰均由廳丞專辦後隨時申報臣部其上五六品實官之須奏補者仍由臣部奏請補授 一凡地面尋常告示其事屬城內或城外者可專用廳示仍將該告示底稿於發貼前兩日送部考核其關京城地面全局及會銜各衙門告示須由臣部領銜閱定刊發 一以後廳丞所出公文可即用廳丞官銜另鑄廳印以昭信守舊有關防應俟廳印鑄成後即行撤銷與各衙門來往公牘均須由臣部核轉咨行不得由廳丞逕覆以期劃一如有緊急公文各衙門逕行咨廳者准其迅速辦理一面申部辦結後仍由臣部咨覆 一凡關於各國使館交涉者廳丞申請臣部酌辦事關急速者由廳丞一面應付一面電達臣部或請咨外務部以免遲誤事小者仍由廳辦理申報臣部 一凡分廳送總廳之公文俱用稟申廳丞送臣部之公文則用申隨時專行各司者可用咨片臣部交廳者則用札 一俟內外城豫審廳設立之後其舊設之發審處應即裁撤除詞訟成案之件歸豫審廳訊辦外其尋常違警罪可由分廳知事斷結 一凡事關驛路警衛及地面整理與稽察一切事項均逕歸總廳或分廳管理臣部惟有督察指導之

內 務

五十一

丙午

責 一巡警學堂習藝所教養局消防隊等既統歸臣部管轄如有改置添設應行商酌之處均准廳丞與議以收集腋之效

署黑龍江將軍程奏陳添改江省各官缺摺

竊照上年十一月前署將軍達桂與奴才以黑龍江省地方遼闊生聚日繁非多設地方官不足以治今日之邊疆而規久大當就闔屬地方情形配擬於齊齊哈爾省城呼蘭綏化通肯各處及札賚特蒙荒添設道府同通州縣正佐各缺奏奉 諭旨飭由政務處會同吏部議准先行派員試署其餘詳細章程應令隨時體察情形奏明辦理等因於光緒三十年十二月二十一日具奏奉 旨依議欽此欽遵咨行到江因江省人不敷用參仿新疆設官章程就本省現有各員並鄰省候補人員逐加遴選先將道府同通州縣各缺陸續奏請試署欽奉 諭旨允准一面派員前往各處將戶口錢糧界地妥爲勘查詳加區別去後茲查奏准試署各員多已到省飭赴新任自應籌擬詳細章程請 旨定奪俾各屬知所遵守奴才維爲政之道因時變通事不師古與拘泥古法而不知權宜地方皆受其病此建官設治之初所當審度時勢參仿成規稍事變通以期盡利者也方今 朝廷百度維新各部書吏悉予裁汰江省設治伊始事事草創正可乘此奉行新政即舊有呼蘭綏化各官署規模粗



備尙易更張現已飭令各署不設六科不用門簽另選司書分股承辦而以委員總其成書吏去而憲國病民之害除門簽去而臆官舞弊之源絕優予各署津貼庶可共礪廉隅酌給員司薪公可望收效指臂是則要端既握積弊自祛其餘如寬籌學費以育人材明訂訟費以杜訛索酌減差役另設壯勇以行警察皆有新法可循至於定缺分支廉俸建衙署修城垣以及審斷等第講求緝捕舊章具在均可參考而定謹將以上籌擬各節繕列清單繪具輿圖恭呈 御覽伏候 欽定以便遵行其未盡事宜容再體察情形隨時具奏謹 奏奉

硃批著照所請該部知道片單併發圖存欽此

謹將酌擬江省新設道府廳州縣等官缺分廉俸役食勇糧及變通一切事宜十八條繕具清單恭呈 御覽 計開 一定缺分新設分巡道兼按察使銜駐守省垣管轄黑水大賚兩廳總司通省刑名驛傳參知一切政務提綱挈領任重事繁擬定爲衝繁疲難 題補近邊最要之缺分守綏蘭海兵備道統轄綏化呼蘭兩府海倫一廳巡查邊防兼理營務督征租賦政務殷繁責成綦重擬請定爲衝繁難 題補近邊最要缺綏化府知府管轄一縣並自理地面各事民物殷阜治理繁難呼蘭府知府自理地面並管轄一州兩縣水陸要衝事繁責重擬請均定爲衝繁難 題調近邊最要缺黑水廳撫民同知兼理事銜地居省會要區旗

民雜處事務殷繁擬請定爲衝繁疲難 題調要缺海倫直隸廳兼理事銜管轄一縣邊荒  
初闢旗漢錯居擬定爲繁疲難 題調要缺大賚廳撫民通判茅茨初闢地當衝要蒙民雜  
處擬請定爲繁疲難 題調要缺並加理事同知銜巴彥州知州旗民雜處事務殷繁擬定  
爲繁難 題調要缺並加理事同知銜餘慶縣知縣生聚日蕃旂民兼理擬請定爲繁難  
題調要缺蘭西縣知縣土沃人稠旂民兼理鐵路所經交涉尤重擬請定爲衝繁難 題調  
要缺木蘭縣知縣山林叢雜地廣民稀青岡縣知縣草萊初闢旂民錯居擬請均定爲疲難  
中缺與餘慶蘭西兩縣並加理事通判銜至府經歷庫大使巡檢等官或分司巡緝或專司  
監獄或職守帑藏均關緊要擬請將綏蘭海道廣盈庫大使呼蘭綏化海倫各府廳經歷塔  
子城上集廠各分防經歷黑水大賚兩廳巡檢巴彥州吏目蘭西木蘭兩縣巡檢均加六品  
銜俱作爲沿邊要缺趙胡窩堡分防經歷餘慶青岡兩縣巡檢均加六品銜定爲部選之缺  
以上兩道缺遇有缺出由現任知府內擇其人地相宜者揀選升補如無合例堪以升補之  
員請於候補並揀發曾任實缺委用人員內不論滿漢揀員題補仍照例三年俸滿著有成  
效由將軍出具考語開缺送部引 見由軍機處開單以應升之缺請 旨簡用毋庸回任  
候升其知府同通知縣等缺如係 題調要缺遇有缺出升調兼行由外酌量具題如實無

堪以升調之員卽於候補並揀發委用人員內揀員題補如係中缺遇有缺出歸部銓選如本省有應補人員扣留由外按照章程揀選題補均俟三年俸滿著有成效由將軍等出具考語知府則送部引見候旨升用同通州縣等官保請入於卽升班內升用仍在任候升庫大使經歷巡檢等官如係要缺遇有缺出於通省人員內揀選調補或於候補並揀發人員內酌量咨補如係部選之缺遇有缺出歸部銓選若本省有合例應補之員應請扣留由外照例按班序補均俟三年俸滿如無違礙處分由將軍等出具切實考語咨部開缺以應升之缺升用未升以前仍以原官補用其無原官可補者令其在任候升凡升補調補之員如不稱職隨時分別撤參以示勸懲 一支廉俸查江省新設道府同通州縣暨佐雜各缺與奉吉新疆等省事同一律所有各官廉俸擬照該三省章程酌定今擬分巡道兼按察使銜養廉銀三千兩俸銀一百三十兩辦公銀七百兩按察使銜援照新疆章程辦公銀二千兩分守綏蘭海兵備道養廉銀三千兩俸銀一百三十兩辦公銀七百兩綏化府知府呼蘭府知府養廉銀各二千兩俸銀各一百零五兩辦公銀各四百兩海倫直隸廳同知黑水廳同知養廉銀各一千兩俸銀各八十兩辦公銀各四百兩大寶廳通判養廉銀八百兩俸銀六十兩辦公銀四百兩巴彥州知州養廉銀八百兩俸銀八十兩辦公銀二百兩餘慶木

蘭蘭西青岡四縣知縣養廉銀各八百兩俸銀各四十五兩辦公銀各二百兩道庫大使養廉銀七十一兩五錢二分俸銀三十一兩五錢二分綏化呼蘭兩府府經歷兼司獄海倫廳經歷兼司獄上集廠趙胡窩堡塔子城三處分防經歷共六員養廉銀各一百二十兩俸銀各四十兩巴彥州吏目黑水大賚兩廳巡檢兼司獄餘慶木蘭蘭西青岡四縣巡檢兼典史共七員養廉銀各七十一兩五錢二分俸銀三十一兩五錢二分以上共需銀二萬五千九百三十四兩三錢二分現無的款可撥先由荒價項下提動按季開支實銀毋庸計閏惟荒價可暫而不可常擬仿照吉林章程試辦斗稅以備將來開支如不敷用再由大租項下動支其餘祭祀銀兩及囚糧柴薪均照章分別由大租雜稅留支按年報銷 一定役食衙署人役名目繁多例定工食甚微萬難養贍既不能仰給於官自不得不擾累於民現擬將各署萬不可少之人酌留數項其餘概行裁汰卽如轎夫一項最易窩賭江省初設民官卽可乘此永遠革除將應領工食改爲車馬夫以供驅策皂隸係署中掌刑之役現聞 朝廷法外施仁笞杖輕罪准予納贖應請將皂隸一項併入民壯以備不時之用馬快爲捕賊而設近轉爲賊之護符江省竊案尙少馬快暫可不用又如正佐各署之門子道署之廳事吏有名無實亦可從刪今擬定分巡兵備道將轎夫改爲車馬夫並傘扇夫各七名各五十兩四

錢遇閏各加四兩二錢鋪兵各二名各十四兩四錢遇閏各加一兩二錢兵備道應用庫丁八名五十六兩六錢遇閏加四兩八錢兩府三廳一州四縣例定民壯二十名今將皂班併入用民壯三十二名各一百九十二兩遇閏各加十六兩轎夫改車馬夫並傘扇夫各七名各四十二兩遇閏各加三兩五錢禁卒各四名各二十四兩遇閏各加二兩件作各二名各十二兩遇閏各加一兩更夫各五名各三十兩遇閏各加二兩五錢鋪司各十四名各八十四兩遇閏各加七兩道庫大使民壯例定四名今改爲八名四十八兩遇閏各加四兩馬夫一名六兩遇閏加五錢六府經歷民壯例各十六名今改爲各二十名六兩遇閏各加五錢一吏目六巡檢民壯例各四名今改爲各八名各四十八兩遇閏各加四兩馬夫各一名六兩遇閏各加五錢計分巡道應支銀七十兩零二錢無閏除銀五兩四錢兵備道應支銀一百三十二兩六錢無閏除銀十兩二錢兩府三廳一州四縣應支銀四百十六兩無閏除銀三十二兩庫大使應支銀五十八兩五錢無閏除銀四兩五錢六府經歷各應支銀一百三十六兩五錢無閏除銀十兩五錢一吏目六巡檢各應支銀五十八兩五錢無閏除銀四兩五錢以上各缺共應支役食銀五千六百四十九兩八錢無閏除銀四百三十四兩六錢亦暫由荒價項下動支將來歸入斗稅或大租按季支領 一籌學費新設府廳州縣暫時不

內 務

五十七

丙午

設教官曾經奏明在案查興賢育才近以學堂爲急務江省大亂甫平無從籌款尙未舉辦今擬由荒價項下提銀十萬兩發交廣信公司作爲股本以每年所得紅利撥充省城學堂經費惟邊地荒陋師範無所取資擬多設蒙養學堂開民才智此項經費亦屬不貲擬請於現放荒段內酌留學田招佃開墾食租以爲各處設立蒙養學堂之用省城擬留學田六千响綏化呼蘭兩府黑水海倫大賚三廳各留學田四千响巴彥州以及木蘭蘭西餘慶青岡四縣各留學田三千响墨爾根布特哈黑龍江呼倫貝爾四城現雖未設地方官而學堂不可不立亦擬各酌留四千响其餘各處荒段勸放時亦請隨時酌留以備異日創辦學堂之用所留學田現交押現各租其詳細辦法另行具奏 一設捕勇江省地方遼闊盜風素熾原有不敷分布所有新設府廳州縣擬各設捕盜營將舊章外委改爲哨官一員步勇五十名歸該府廳州縣管帶以資巡緝分巡兵備兩道又將快皂兩班裁去應請各設親兵五十名哨官一員以備差遣以上弁勇親兵所需餉乾均照巡警軍章程開支年終造冊報銷 一定審斷分巡道既兼按察使銜所有通省府廳州縣有關罪名案件應卽統歸勸核俾昭畫一然幅員遼遠解犯頗難亦應稍事通融如黑水大賚兩廳斬絞遣軍流犯及人命擬徒之犯自應解由分巡道審轉其尋常外結徒犯卽由該兩廳審擬詳道核轉批結毋庸解勸

綏化呼蘭兩府海倫一廳凡罪應斬絞及由死罪減等並命案內遣軍流犯解由綏蘭海兵備道覆審後解省由分巡道勸轉其過失殺擬絞並尋常遣軍流及人命擬從各犯雖例應解省止解該管道覆審移由分巡道覆核詳咨免其解省巴彥州蘭西木蘭餘慶青岡四縣凡應解省解道之案卽由該管府廳審解照前項章程分別辦理至該府廳州縣之尋常徒犯均應免其解勸凡府廳於審明定擬後詳由該管道核轉州縣於審明定擬後詳由該管府廳核轉仍於詳結時分詳分巡道稽核若秋審人犯各府廳州縣照例逕解首道覆勘一面分報該管上司備查以期便捷 一核名實分守綏蘭海兵備道業經奏明兼理營務不設道標所有綏蘭海三屬駐防各軍應准該道就近調遣緝捕以專責成 一議建置既設民官凡衙署監獄倉庫均宜分別興修查奉天道署估銀八千兩府署估銀七千兩州縣署估銀五千五百兩佐雜署估銀一千三百兩監獄估銀一千五百兩倉庫估銀每間八兩江省百物翔貴迥異常時若照例價興修實屬不敷應用擬請例價外不敷若干一併由荒價項下提撥實用實銷免造細冊以期迅速嚴事 一修城垣查奉天修建城垣章程周圍均築土牆城門用磚堅砌門上各蓋門樓一座每城估修價銀一萬四千兩外桃城濠估價四千兩以上江省現在工料核估萬不敷用若一律興修實係無此財力擬請先其所急核實

估價興工實用實銷以期鞏固並於各城修蓋兵房以爲捕盜兵棲止之地 一鑄印信江  
省新設道府通州縣等官於試署之日暫刊給木質關防鈐記遇有詳稟事件以供隨時  
鈐用俟一年期滿奏請實授自應分別頒鑄印信所有分巡道兼按察使銜分守綏蘭海兵  
備道綏化府呼蘭府海倫直隸廳同知黑水廳同知大賚廳通判巴彥州餘慶縣木蘭縣蘭  
西縣青岡縣廣盈庫大使綏化府經歷兼司獄呼蘭府經歷兼司獄上集廠分防經歷趙胡  
窩堡分防經歷海倫直隸廳經歷兼司獄黑水廳巡檢兼司獄巴彥州吏目餘慶縣巡檢兼  
典史木蘭縣巡檢兼典史蘭西縣巡檢兼典史青岡縣巡檢兼典史各印信應請 旨飭部  
豫爲撰擬字樣鑄造頒發以昭信守 一設承辦處江省新設各缺擬援前奏文案處章程  
不設科房以杜弊端所有各衙門均改設承辦處一所一切應行公事均由該處承辦設正  
副委員各一員正委員以熟悉例案之員派充副委員幫同辦理仍按吏戶禮兵刑工分爲  
六股每股掌案司事一名副司事一名正書二名副書四名所有應行新政均按事之繁簡  
分隸各股吏股兼辦交涉戶股兼辦商礦禮股兼辦學堂兵股兼辦巡警工股兼辦工藝街  
道以專責成 一設收發委員查各省地方衙門向用門籤若輩平日專以舞弊索賄爲事  
衣鉢相傳由來已久欲爲地方造福自宜屏除若輩始江省新設各缺應不用門籤卽蘭綏



兩處原有者亦盡行改革以破積習擬設收發委員一員兼充承辦處稽察凡署中應行公事一出一入均由該員摘由登簿簿用二本一該員自存一送承辦處備查如承辦處有稽歷公事並索賄情事准該委員隨時稽查指名稟揭該委員倘有前項情弊方准承辦處員司稟揭如此互相糾查庶免扶同徇隱之弊該委員暨承辦處委員均由印官自行檄委稟明立案如不得力隨時稟請撤換司書亦由印官自行揀用以期呼應靈通惟責任既專不可不酌予升途以資策勵擬承辦處正副委員及收發委員如候補人員當差三年無過實係出力者由本管官查明加具切實考語詳請註冊准其酌署酌委投効人員准其奏留如係本省之人擇尤彙案保獎其司書人等除有缺出以次進升外亦應一律核給獎敘一定薪公各地方衙門現不設六科不用門簽一切公事均歸承辦處暨收發委員辦理所有員司書差均應酌給薪水以資辦公正委員每月薪水銀三十兩副委員每月薪水銀二十兩收發委員薪水銀二十四兩掌案司事十二兩副司事十兩正書八兩副書六兩心紅公費一百兩所需薪公就地籌給年終彙報將軍查核一給津貼江省地處極邊異常瘠苦加以創修東省鐵路人口驟增以致物價較前騰踴何止倍蓰若新設地方各官專恃廉俸實不足以資養贍彼貪墨者無論已卽廉潔自愛之員若令內顧增憂亦安能盡心民事自

應優給津貼庶可勵其上進之心以策其日新之氣但江省物力艱難上年舉行貨捐田產稅契民情尙屬安謐若再加增租稅不獨力有未逮亦且無此政體奴才通盤籌畫此項津貼惟就本地原有之款另行派員征收力加整頓果有贏餘再按各缺繁簡酌量酌給俾資辦公偷地方各官猶有不知自愛以賄爲政者定行從嚴究辦以肅官常 一設壯勇查民壯馬快皂役三項名曰三班地方衙門於額設外掛名充役者動百數十人甚有不掛名而亦充役者謂之白役其數更覺難稽額役工食本不足以養一身何能再養無數官役其一切用度取給於民或多方需索遇事訛詐勢所必至今設各官既不用馬快並將皂役歸併僅有民壯三十二名萬不敷用勢必仍多用白役以擾民擬仿照直隸奏訂警察章程就江省現在力能舉行者參酌舉行由城而鄉以次推廣先由四鄉各選壯勇十名以土著良善之民有身家者充之試行警察所需工食就地籌給設立壯勇局一所派差官一員鈐束歸承辦處節制凡有調遣均回明本官以一事權至緝捕盜賊等事仍責成捕盜營勇不派壯勇如是官民聲氣既通而民間亦少受差役之累 一訂訟費民間涉訟到官書役多方勒索弊竇疊疊難以言狀各省皆然東三省尤甚江省新設地方各官既不用門簽不設六科以防弊竇不能不另籌津貼以資養贍擬仿照直隸總督奏定章程酌收訟費其餘陋規差

費一概禁止違者處以重刑惟江省情形與直隸不同直隸人煙輻輳訟者多而資亦多江省地廣民稀自不可同日而語訟費劃分三等擬請酌收上戶交中錢三十吊中戶交中錢二十四吊下戶交中錢十六吊貧戶酌量免交和息案亦分三等上戶交中錢六十吊中戶交中錢五十吊下戶交中錢四十吊貧者酌減遇有控追欠債統按追出之數酌提二成作為辦公經費已飭地方各官酌量試辦如一年期滿行之無弊即飭永遠遵守 一旗官不得干預公事查乾隆四十四年曾經刑部奏定旗民詞訟悉歸州縣審理旗員不得干預等因會於上年<sup>庚申</sup> 奏設地方官摺內聲明在案自應恪遵成憲辦理所有新設地方各官如遇旗民交涉之案皆可歸其審斷旗員不得稍事參預嗣後各城副都統以下協佐等官無地方之責者除各旗過繼子嗣例應加結詳咨控分家產憑旗存戶口冊檔照舊辦理外其賭博姦盜等事比照奉天援各省協防例應由各界一體嚴拿即送地方官訊問不准該界官等訊供禁押亦毋庸會同審訊其餘人命鬪毆及錢債戶婚田土一切旗民詞訟無論有關罪名與否悉歸各府廳州縣審斷不准旗員擅受呈詞倘該管所屬旗人不遵傳喚及有抗拒容隱等事准地方官移提審訊不得藉詞推諉稽延如有包庇牽掣強行干預准各府廳州縣稟報嚴參如此劃清界限庶不至有牽混之虞 一蒙旗不得干預公事大賚廳地

藏蒙廳應查照奉天昌圖洮南兩府章程蒙民兼理所有已放荒段以內無論旗民蒙古命盜交涉詞訟案件均由該廳勘驗審訊其未放荒段以外仍照舊章辦理如遇命盜重犯逃匿該旗卽由該廳移知該旗一面邊派兵勇前往查拿該蒙旗亦當派人會同協緝至派充鄉約創辦巡警凡在廳治界內亦歸該廳自行辦理均不准蒙員攙越以專責成奉 硃批覽欽此

天津府凌守福彭調查日本監獄習藝詳細情形呈直隸總督袁稟

前奉憲札以日本大阪監獄習藝法良意美飭令前往查考一切詳細記載以資仿倣等因蒙此卑府隨卽搭長門丸前往日本由馬關登岸馳抵東京始至之日往見外務部長官備述奉檄東來之意情誼極爲款洽於監獄等事尤能推誠布公並派令藤井恆久同往東京監獄士谷監獄巢鴨監獄堀川監獄大阪監獄五處逐一查看其司獄各官知卑府此行出於憲臺盛意欲將獄制改良亦不復如從前之秘密一一引示詳細相告每處皆將現行章程及建造圖式相贈積書成帙燦然大觀凡所設施皆已親驗而目親約其要領有四曰沿革曰法度曰建築曰經費謹爲憲臺縷細陳之日本德川氏時美人以兵劫盟立約將鈴印美使巴爾蘭士吾之曰約中所載寓居日本商民歸我領事管轄此爲領事裁判權兩國皆

有不便然東方刑律太重非西人所能堪今日不能不爾願自今發奮自強修明法律後日改訂此約美當爲各國倡是爲日本獄制改革之緣起至明治二年刑部省遂設囚獄司刻除舊時殘虐陋習及明治四年刑部省改爲司法省頒布新律定刑徒之制各地方設立徒場爲監獄囚徒之所課以工業分其備錢爲二一爲衣食藥料之資一爲期滿釋放後營生之資又招聘儒教佛教有道之士以爲之師勸其遷善改過蓋其獄制改良進步基於是時矣其後特派大臣山原重哉氏至香港新加坡各處調查英領地方監獄制度明治五年定監獄則及監獄圖式頒行全國其緒言曰獄者所以仁愛人也非以殘虐人也所以懲戒人也非以毒害人也用刑者爲國除害不得已之事也可獄官當體此意以待遇囚徒然府縣地方建築監獄尙不能如制及明治六年廢笞杖之刑明治七年令各府縣監獄均歸內務省統轄輔以警察之法監獄制度由此漸密明治十四年頒改正監獄則明治二十二年頒第二次改正監獄則體裁繁簡大約參酌於歐美而折其中律法輕重刑期遠近仍按之本國政俗而歸於禁民爲非典章頗爲完備至明治三十二年遂與各國改訂條約收回領事裁判權凡各國居住人遇有違犯日本政令皆置監獄中一例懲辦此日本監獄沿革之大畧也日本監獄之制名目甚繁其大別有四一曰未決監二曰已決監三曰民事監四曰懲

內務

六十五

丙午

治監被人告發豫審者爲未決監審實定罪示期監禁者爲已決監債務詞訟則歸民事監游惰無賴則歸懲治監其管理之法各不相同而其精神主義則在羣分而區別之使之不能相通海陸軍之犯法者爲軍獄監抑制甚嚴防其翻越商民犯法者均歸於民事監入監以後不帶鐐鎖教之習藝其工場操作分別罪之輕重輕者使之習織布織草蓆裁縫刷印等工稍重者使之搓麻繩琢石硯更重者使之濯糞具其尤重者則爲糧首行刑之地在獄中另建一屋每年犯罪者一國中不過二三十人囚徒不率教者減其食料食料麥四稻六分爲九等以木量乘之減至九等不過麥飯一丸耳飢苦之餘雖有桀驚不馴者不能不俯首就法囚徒可以寄信家屬先呈監獄官看過允許方發獄牘有石穴數處隔以鐵網囚徒有親屬來監看視警兵引穴中與囚徒面談不能傳遞各物入監之日洗濯易衣未定罪者尙民服已定罪者一律衣赭衣上下服皆一色囚徒未定罪戴以草笠笠深覆面不令人見以養其廉恥查考監獄祇看男監其女監僅能外望監中不許接談闕寂無聲工場中祇聞機織聲鋸木聲琢石聲捶鐵聲不聞人語巡官佩刀擊槍有破越逃走者准其拔刀放槍格殺勿論囚徒犯案事由書以竹簽懸之獄門命盜等案十之一僞銀幣假文書等案十之六七有童子十五歲而爲僞官文書者獄囚多少無定數東京一獄乃收至一千九百人餘可

類推然而出入雜作熙熙焉無怨容無倦色寬而有制嚴而不虐此日本監獄制度之大畧也監獄之建築與巡警相為表裏有四宜六忌宜潔以資衛生宜整以便瞭望宜分以絕引誘宜堅以防破越忌穢疾病傳染死亡必多忌聾人聲嘈雜易滋事端忌暗深夜昏黑難於巡察忌近市囚犯之地四圍必須隔絕勿使惡習染人忌引火之物冬爐夜燭當置之監門之外忌與瀟水沼澤相接夏秋霖雨牆壁易於傾倒故建築監獄必先擇地其圖式有扇面形十字形八角形卍字形星形各種而便於巡察宜於衛生者以十字形扇面形為最蓋即西人所設分房法也監房工場之外有事務室接見室教誨堂訊問堂浴室黑屋各有位置皆與監房相連絡便於巡視惟庫房及陳列工藝所在監牆之外大門之內監房有中央看守所如馬路形則在中間巡官巡兵晝夜輪班察看外牆高約十六尺無城梁而有木屋設於四角以便巡兵站崗牆垣不必厚蓋監內嚴於戒護則外牆厚一尺六寸已足限制其病監另建一處與監房工場離隔約可容在監人百分之五其運動場癩在室屍室設於牆內一隅之地犯法之劫重請看失案錄另建一所監房工場不相混雜有體操及教書各課查看至此監獄官請閱其體操尙能如法女監亦另建一處其司理者為中年寡婦與男監有別全監之中必有一樓可以俯瞰全獄此日本監獄建築之大略也日本監獄改良始

內書

六十七

丙午

於明治二年遲之又久至明治二十二年始能大定其進步之緩固改革之不易亦經費之難籌也明治六年之前全國監獄僅東京及埼玉縣兩處監獄照新法建築餘尚仍舊故法令之施行尙多窒礙蓋狃於舊習有名無實其後定監獄費由國庫支辦會議而決行之然後規模始能畢具查東京監獄畧如刑部建築之費實用十五萬三千六百二十二元然此其極大者耳大阪府爲通商縮殺之地人煙稠密甲於全國考其年表犯法者亦以大阪爲最多故大阪監獄之外又增堀川監獄兩處相連其常年經費自言曰十六萬元囚徒所出貨品可以約價八萬元稍資彌補然則兩獄實用八萬元耳自餘各府縣經費不能如此之多而且日本各物價值昂貴囚徒日用之需倍於中國巡警之法細如牛毛有違法者卽置監獄中故東京監獄一處囚徒多至一千九百餘名蓋有犯必懲並無寬假民人之畏法在此盜賊之衰息在此經費之浩繁亦在此此日本監獄經費之大略也以上四條均經卑府逐細考求或於目擊或於問答或於章程圖籍旁搜博采窮一月之力似畧有所得其餘監獄官之職任囚徒之遵守工場之賞罰教師之感化年表之比較各有細章分條眉列復經卑府招致法科學生數人連日繙譯成書惟中東政俗各有不同現擬再選熟於中律發審委員數人分門比對參酌損益以期事之可行行之可久伏維憲臺偉畧匡時身膺艱鉅方今各



國環峙非修內政無以定外交內政之要首在刑律監獄一日不改則刑律一日不能修現在保定天津兩處巡警之政已行外人犯法者一律拿究爲明效大著鐵基待時正在今日至直省民風質樸儉而不動游惰者多且每年依災依賑習以爲常遂至流爲乞丐而不自知懲警場之設事不得已卑府前奉憲諭將教養局與育黎堂合辦現已粗有端倪大抵講求工藝以關其生機修改刑律以寬其手足明罰敕法禁民爲非監獄中多一囚徒則閭里中少一匪類工場中多一手業卽塵市中少一惰民似於治理不無裨益

天津監獄習藝所辦法

第一條 監獄分爲二種 一拘禁監凡軍徒流罪犯非常赦所不原者及犯事受罪已定監禁年限者一例收入 二懲儆監凡地痞惡丐及無業游民或年輕子弟不遵父兄教訓者由地方官及巡警局送監收禁一例收入 第二條 監獄之建造 一每監房各設牆壁以防逃走及與他監房交通往來等事 二另設工場數處分別拘禁及懲儆兩種人及已成丁未成丁之犯法人 三設立監房及工廠必須使見日光映射天氣流通與衛生防疫等事相宜爲要 四監房及工場建造必須使遇有水火風雨非常之災易於防救爲要 第三條 監獄內所設之巡官及巡兵 一典獄官督率官弁匠兵辦理獄中一切事務

實無勞賃 二會計官掌管監獄出入銀錢措辦物品等事員數多少隨時加添約囚犯三百名置一員 三看守官掌管巡兵指揮看守等事員數多少隨時加添約囚犯百名置一員 四看守兵承看守官之指揮而警查在監人犯者也額數多少隨時加添約囚犯五十名置一崗不分晝夜輪流站崗看守官與巡警局副巡官等看守兵與巡兵等其服裝及餉章約畧相準 五教誨師每星期令在監囚犯默坐聽受教誨應取土音相近之人設置一員 六工師教授監禁人工業設置四名 七醫師療治監禁人疾病設置一員 第四條 分別囚犯罪名輕重及其年歲已成丁未成丁者 一罪情之分別 甲罪名較重犯監禁在十年以上及發邊遠煙瘴充軍者 乙罪名雖不甚重難以悔改再犯三犯者如偷竊剪絡賭博等罪 丙罪情較輕初次誤犯者 以上三項初犯從輕再犯從重三犯加重詳列後載懲治各條 第五條 工業之課程 一囚犯進監察其身體體力宜作何項工業因定其每日之課程使之服役 二免其服役日期開列於後 元旦令節歇工一日 萬壽節歇工一日遇有父母大故歇工三日 第六條 作業之工錢 一囚犯作業過三月者酌定工錢分爲十成以六成充監獄之用餘歸囚犯自得由會計官分別摺存 二囚犯放免之日應得工錢按摺存多少支付不得分文剋扣 三若囚犯願將應得工錢寄回父

母者聽之由監獄官問明住處安交父母之外不能允准 四囚犯逃走及病故該囚犯所得工錢另款存儲以作地方善舉 第七條 給與囚犯之衣食 一食糧米麥雜糧鹽菜由官給與看其服役之難易及體質之強弱分等照給惟元旦令節及 萬壽節加給葷食以廣 皇仁若囚犯有病則聽醫官調治不在此例 二衣服及臥具皆由官貸與 第八條 通信及接見 一准囚犯通信與父母及親屬送信時交委員發看若無妨礙即交郵局分送 二准囚犯之父母及親屬來監看視祇得見面接談不能傳遞什物凡衣食藥餌等事監獄中一律由官給與囚犯之父母親屬不准遞送如囚犯欲看書籍亦須經管官許可並查驗書籍有無妨礙 第九條 囚犯疾病及死亡之矜恤 一若有囚犯疾病醫官移之於養病所加意療治以不使傳染爲要 二若有囚犯死亡由地方官驗明其遺骸或標葬或聽親屬領回如係不遵父兄教訓送監收禁者病篤時可通知其父兄取保調治 第十條 賞罰之法 一囚犯謹守規則勤力作業且自知改悔者與以賞牌得賞牌三次者酌減監禁年限 二囚犯若犯禁規量其輕重照後開之例罪處 甲照其服役工作時間二分之一使之直立二分之一使之作極苦之工 乙減食糧三分之一至二分之一丙使之入閤室照前減食糧且不與臥具作極苦之工不過兩月減食糧不過一月入閤室

不過五晝夜凡處罰時由醫官診視之不使傷身體 丁若犯監規而不受罰或有逃走之虞者加以鎖鑰若翻越獄牆卽行槍斃 戊若有賞牌者犯禁處罰之時依其情狀褫奪其賞牌 己犯禁規而處罰者深知悛改初犯者可以放免 第十一條 教誨囚徒使之改過遷善 一拘禁監內囚犯每星期一次懲儆監內囚犯每星期二次使教誨師宣講 聖諭廣訓及古今人嘉言懿行聽講之時免其工作務使之啟發悔過以開其遷善之機 二年幼之囚犯教之習算識字

天津監獄習藝所辦理事務規程

第一章 各員辦理職務 第一條 監獄官承總辦之命令督率部下各員辦理所中一切事務並考察各員功過勤惰 第二條 會計官書記官教誨師醫師看守官等官分屬各科應辦理科中一切之專司事務並監督所屬科員兵丁之功過勤惰 第二章 分科以專職守 第三條 所中分設五科一曰總務科二曰會計科三曰教誨科四曰醫科五曰看守科 第四條 總務科二員以書記官充之應辦事務列左 一專司往復文書及編纂號數並登錄簿冊等事 二管理員兵之進退賞罰等事 三登記收放被押人之人數並載其姓名年歲籍貫親屬事業形貌及刑期罪犯等事 四檢查工師技藝之優劣人

品之邪正授業之動情等事 五定作業之方法製作品之訂約及改換等事 六遇有未經列入各科之事務均歸本科辦理 第五條 會計科二員以會計官充之應辦事務列左 一專司各項銀錢款項之收發及修理局中房舍保護損壞等事 二經理看守軍裝槍械及糧餉等 三工作材料之置辦及廠中應用之器械籌算等事 四定製作品之價目及作業之工錢並於工錢內抵銷算記帳保存等事 五被押人之糧食及收發衣服臥具等事 六所有出入各種款項統於月底造冊彙報等事 第六條 教導科二員以教誨師充之應辦事務列左 一教誨被押人學習一切等事 第七條 醫務科二員以醫師充之應辦事務列左 一專司所中衛生等項並監查室房溝渠廁屋掃除等事 二考查被押人之衣被飯食沐浴等事 三檢查被押人身體之強弱形體之長短等事 四為有病者之診治調配藥劑等事 第八條 看守科二員以看守官充之應辦事務列左 一所內外之警護及檢查被押人之出入並舉動等事 二令被押人遵守各項之規則並調查作業之動情及賞罰等 三管理被押人如有稟訴或往來信函或親友探望等事 四點查看守兵之當差並服役之善否及傳訓命令等事 第九條 各科事務繁劇之時於科員之外臨時宜有配置相當之補助 第三章 辦理事務 第十條 各科員應將

內務

七十三

丙午

本科之事務辦理整齊歸其責任 第十一條 各科既有專管責任之科員所辦事宜須分緩急先後先儘急要之事辦理次及尋常事務惟無論何時何事須將其事緣委應作如何辦法詳細書明登記以便查考 第十二條 所中經費款項貨值材料於收發時必須確實遇有出入之項隨時登記帳簿一目了然總期有常無致錯誤 第十三條 如遇緊要事件必須秘密以防洩漏 第十四條 各科應辦事宜已詳載前條其所辦事項之情形統於每月底彙報總辦一次

天津監獄習藝所看守兵差務規則

第一條 看守兵須遵守看守辦公章程其他各項之規則且承上官之指揮差遣 第二條 看守兵之配置列左 瞭望臺警守三名 工廠警守六名 大門警守三名 巡邏三名 炊事場當差一名 埽帚當差一名 備用一名 第三條 差務須分三班以一班為值班每上班三點鐘後交換休憩六點鐘但炊事所及掃除當差每日晝間當值於午前午後各休憩一點半鐘夜間全行休憩 第四條 瞭望臺警守無論晝夜於值班時不得離既定之立哨地位又於囚人吃飯及聽教誨之時於值班之外交互休憩者以一名作為幫助 第五條 工廠警守值班者於囚人就業時須在工廠門口立哨就業後巡邏各

警房下若值班二名以上之時交換一名巡邏監房外及圍牆內 第六條 大門警守無論晝夜於值班時不得離既定之立哨地位 第七條 巡邏值班者於指定時間巡邏線路 第八條 炊事場當差須查看糧食之計量及烹調并掃除炊事場及一切他事 第九條 掃除當差須查看掃除污水穢物及監房內外並他所內與浴室各處之掃除等事 第十條 備用於各處警守當差有缺欠者即充補及臨時差遣等事 第十一條 看守部長須爲看守兵之表率督勵其差務兼可爲補助上官監督所不及 附作業工師服務規程 第一條 作業工師須遵守上官之指揮誠實服務 第二條 作業工師須督勵囚徒之作業且於所酌定之日課檢查其完否 第三條 作業工師平常須查勸就業囚徒之勤惰作業之優劣及作工之進否每於月底申報一次 第四條 作業工師須監督製作之材料勿使濫用 第五條 作業工師須教囚徒學習各樣器具之用法且須留意保存該器具勿使損壞 第六條 作業工師於監督作業時勿令各囚徒空手閒待若有不從命者或濫用材料器具者或無稽之交談者須將其情狀稟報上官 第七條 作業工師者於前條之外當看守勤務各項規程服務皆須按定準則

日本新定韓國統監府及理事廳官制

內務

七十五

丙午

第一條 韓國京城置統監府 第二條 統監府置統監一人 統監爲親任 統監直隸天皇關於外交事務由外務大臣經內閣總理大臣上奏裁可關於其餘事務直經內閣總理大臣上奏裁可 第三條 統監在韓國代理日本政府除由日本駐劄外國代表者外統轄關於在韓國之外國領事館及外國人之事務併監督韓國之行政事務有關係於外國人者 統監基條約而行監督在韓國之日本官憲及公署執行之凡百政務與其餘從前屬日本官憲之一切監督事務 第四條 統監爲保持韓國之安甯秩序有時認爲必要之際對韓國守備軍之司令官得發用兵之命 第五條 韓國之行政事務基條約而行有時爲履行義務之必要統監可移文韓國政府以求其執行但在急施之際可直移文韓國當地之地方官憲使之執行後再通知韓國政府 第六條 統監監督日本官吏及其餘人等受韓國政府之傭聘者 第七條 統監發統監府令得行禁錮以下及罰金二百元以內之罰則 第八條 統監認所轄官廳之命令及處分有違條約或法令害公益及犯權限等情得停止其命令與處分及取消 第九條 統監統轄所部之官吏凡奏任官之進退經內閣總理大臣上奏之判官以下之進退可由統監主之 第十條 統監經內閣總理大臣奏請所部官吏之敘位敘勳 第十一條 統監之下統監府應置之官員



如下 總務長官一人任勳農商工務長官一人任勳警務總官一人任勳又 祕書官專任一人任勳書記官專任七人任勳警視專任二人任勳技師專任五人 通譯官專任十人任勳屬人 警部 技手 通譯生專任四十五人任勳統監府又囑託所轄官廳事務之韓國人得爲高等官及判任官之待遇 第十二條 總務長官輔佐統監總理府務 第十三條 統監遇有事故時依統監之所定韓國守備軍之司令官及總務長官得代理臨時統監之職務 第十四條 農商工務長官承上官之命掌管農商工及關於其餘產業之事務 第十五條 警務總長承上官之命掌管警察事務 第十六條 祕書官承上官之命掌關於機密之事務 第十七條 書記官承上官之命掌府務 第十八條 技師承上官之命掌技術 第十九條 通譯官承上官之命掌繙譯文書及通譯 第二十條 技手承上官之指揮從事技術 第二十一條 統監得令統監府技師及通譯官與技手就職理事 以上職員執行各項職務均承上官之指揮監督而行 第二十二條 韓國國內之要地置理事廳 理事廳之位置及管轄區域統監定之 第二十三條 各理事廳應置職員如下 理事官任勳副理事官任勳屬人任勳警部任勳通譯生任勳以上職員之外由統監認爲必要之理事廳時得置警視官奏任行之 置副理事官二人以上之理事廳其一人主掌法律

事務 理事廳職員之定員另定 第二十四條 理事官承統監之指揮掌管以前就職  
韓國領事所屬之事務並基於條約及法令理事官應執行之事務 第二十五條 理事  
官爲保持安甯秩序有時認爲緊急必要之際不暇請命監督可直移文駐劄當地日本軍  
隊之司令官請之出兵 第二十六條 理事官爲韓國之行政事務認基於條約履行之  
義務有必要者且要緊急施行者不暇請命統監可直移文韓國當地之地方官憲使之執  
行後再行通知統監 第二十七條 理事官發理事廳令得行罰金十元以內及拘留與  
處罰之罰則 第二十八條 副理事官承理事官之命掌廳務遇理事官有事故之時得  
代理臨時職務 第二十九條 統監府及理事廳警視承上官之命掌警察事務 第三  
十條 統監府及理事廳屬人承上官之指揮從事庶務 第三十一條 統監府及理事  
廳警部承上官之指揮分掌警察事務指揮監督部下之巡查 第三十二條 統監府及  
理事廳通譯生承上官之指揮從事繕譯文書及通譯 第三十三條 統監府及理事廳  
置巡查爲判任官之行遇 巡查之定員統監定之

各省內務彙誌

京師 內閣近議仿照各部辦法化私歸公將所有供事中他各款如諮詢等項各定價自每年約可得銀七八百兩

貼各員以資辦公 巡警部奏定官制分爲文武兩途文者仍冠服袍褂武者短衣單裝皮冠皮靴均用西式並截去辮髮三分之二已歷頒諭自巡記以下一律截辮改裝 乙巳秋出洋考察政治大臣由京啟程方抵車站有刺客擲放炸彈致洋公紹大臣及隨員等均受微傷並死觀者數人當由直督袁慰帥派偵員至京嚴行查察始知該刺客姓吳名樹係安徽桐城縣人並無親族 朝廷以該刺客業已當場轟斃免予追究其因案拘獲之奉天人張榕本擬處以重刑旋由巡警部趙侍郎查得張所擬之保衛公所章程於警務尙爲有益故請將其罪名改輕乃定以永遠監禁之罪云 壬寅年訂定中英商約本有嚴禁嗎啡入口一條滬道前經示禁而英使堅請外務部收回茲聞警部近擬特立條例將各項毒藥一併檢查若有必須應用之處亦必經警吏許可始能購用並議將嗎啡一項列入此中實行稽驗務令不致害民以此事爲警察應有之權無關交涉不患各國過問云

山東 魯東運康訪以保甲之法助自唐宋行至 本朝已積久弊生故事奉行毫無實際特擬將各州縣保甲仿照濟南現行巡警及天津四鄉巡警章程略爲變通改爲巡警以開日後裁判所之始基地方分治之先導已擬就章程八條詳奉魯撫楊帥批准通飭各屬遵辦 曹州府各處兵勇近年以來屢加裁汰兼以逃勇甚夥往往糾結逗遛攜帶精利器械肆行無忌丁太守因仿臨清州清鄉辦法期收實效擬將議定章程稟准魯撫照辦

江蘇 甯淮趙潤都轉近因詳務兩廳整頓而利弊所在耳目難周特擬定章程准各屬員於進見時敷陳得失並可作爲簡明說畧隨筆開陳期於鹽務利弊洞悉周知然後隨時整頓措手較易云 徐州界連東豫民悍盜熾自徐州道袁觀察蒞任後即在郡城與辦警察匪徒爲之稍戢惟鄉間偏僻之區仍爲盜賊淵藪近聞袁觀察已擬定章程先由銅山首邑辦起以爲各屬標準各設警察分局一所於四鄉每所設所長一巡弁五四局共募巡勇五百三十名扼要分巡並由各路另舉公正董事會同辦理已稟明督撫核示派員前往會同辦理 蘇管轄通判一缺前經蘇撫陸帥奏准改爲靖湖通判移駐太湖西洞庭山茲聞該處新署業已落成當由陸帥飭令前往布置一切以資防範

湖南 常德府保商警察因經費不繼改歸商辦經各商董集議辦法稟請府尊周太守委員接辦並擬將各分局之委員委弁一併裁撤僅用委紳一人以省經費惟總局須用委員以爲各分局之總制云 桃源縣羅麟閣大令振興新政

內務

七十九

丙午

不遺餘力運召三十六村請紳來縣集議調查戶籍規條分別良莠為甲乙丙三等按村設立警務分局隸屬於縣城總局以期氣脈聯貫民隱宜通云

廣東 粵省開辦水面巡警計分四局以海珠為總局黃沙為西路分局南石頭綏定礮臺為南路分局瀛嶼為東路分局每局招水勇六十名用洋槍板六號總巡各段 惠州開辦巡警早有成議茲聞已由沈觀察檄委歸善劉明府為督辦楊君道政為總理官商合辦頗覺和協已招得巡兵四十二名先由水東街一帶開辦

蒙古 肅親王近 奉朝命前往蒙古視察聞其注意之端有四一詳查各部有無售地於俄或被俄僥倖佔情事一商開各蒙王用新法教練編制蒙兵軍隊一振興學務開化蒙民使知時勢之可危外人之難恃一勸察邊利有無可與以拓蒙民生計以廣漢民利源此外並擬察核情勢開濬河套以通舟楫而免水患云

各國內務彙誌

日本 日本文部大臣久保田奏請辭職蒙日皇允准以總理大臣桂太郎攝之

英 英首相巴爾福近已率其僚屬上表辭職嗣由班若門從新組織一內閣茲將班若門外各大臣銜名錄下 樞密院大臣克羅伯爵 樞密院掌印大臣利本伯爵 工部大臣哈庫爾脫 戶部大臣愛司閣夫 外部大臣萬雷 軍部大臣貝爾 內部大臣赫巴格爾司登 刑部大臣利德 陸軍大臣阿爾丹 海軍大臣脫冒夫 商部大臣佐治 農部大臣卡林敦 郵部大臣柏斯敦 郎卡斯打公爵封邑總理福拉 地方行政部大臣奔司 蘇格蘭部大臣新克利阿 愛爾蘭部大臣勃來斯伯爵 愛爾蘭法部大臣華克爾 藩部大臣愛爾根伯爵 印度部大臣摩利美 美國議院近已開議美總統魯司華爾致議院書有謂議院規例須改者當督率改之又謂國家雖宜節費惟裁撤海軍及緩辦巴拿馬運河工程二問題則關係甚大未可輕議又謂中國抵制美貨之原因皆由學商兩界中人反對美國對於已受教育華人之苛例而起是以此等華人當與其他外國人一體相待其應驅禁者不過華工而已魯氏又以日本能保全中國深表同情蓋因此事足使世界共享和平之幸福也

上海商務印書館新出各種圖書

|            |       |             |        |                |
|------------|-------|-------------|--------|----------------|
| 政治哲學歷史地理各書 | 京師 奉天 | 天津 廣州       | 福州 成都  | 重慶 漢口 開封       |
| 政治一班二册     | 洋七角   | 歐洲最近政治史     | 洋五角    | 嚴又陵先生新譯各書      |
| 萬國憲法比較     | 洋三角五分 | 日耳曼史        | 洋七角    | 羣己權界論          |
| 聯邦政治學      | 洋四角   | 泰西民族文明史     | 洋八角五分  | 社會通說           |
| 歐美政體通覽     | 洋二角   | 泰西學案        | 洋三角五分  | 孟德斯鳩法意第一二三四册   |
| 歐洲財政史      | 洋二角   | 俄羅斯卷一       | 洋四角    | 孟德斯鳩法意第四册      |
| 歐洲新政治史     | 洋八角   | 俄羅斯卷二       | 洋四角    | 孟德斯鳩法意第五册      |
| 憲政論        | 洋四角五分 | 俄羅斯卷三       | 洋六角    | 政治講義           |
| 地方自治財政論    | 洋三角五分 | 日俄戰記 卷五至三十册 | 洋二角五分  | 各種五彩地圖         |
| 日本監獄法詳解    | 洋四角五分 | 新聞學         | 洋五角五分  | (甲) 布裝掛軸洋三元五角  |
| 日本明治法制史    | 洋九角五分 | 催眠術講義       | 洋五角    | (乙) 布裝掛軸洋二元五角  |
| 政治汎論二册     | 洋一元二角 | 俄國通商銀行管理法   | 洋二角    | (丙) 彩裝掛軸洋一元二角半 |
| 議會政黨論      | 洋五角   | 海參崴公署局地誌    | 洋二角五分  | 坤輿方圖 (乙) 布裝洋二元 |
| 哲學要領       | 洋二角   | 華英字典        | 洋七元五角  | (丙) 彩裝掛軸洋八角    |
| 哲學新論       | 洋三角五分 | 商務華英字典 四萬餘字 | 洋一元二角半 | 大清帝國全圖         |
| 萬國商業歷史     | 洋六角   | 商務華英字典 全幅圖  | 洋六角    | 萬國輿圖           |
| 日本政治地理     | 洋七角五分 | 商務華英字典 詳述史  | 洋一元二角半 | 西洋歷史地圖         |
| 滿洲地志       | 洋五角   | 商務華英字典 詳述史  | 洋一元二角半 | 滿洲朝鮮地圖         |
| 世界近世史      | 洋八角   | 商務華英字典      | 洋一元五角  | 京城詳細地圖         |
| 希臘史        | 洋七角五分 | 商務華英字典      | 洋一元五角  | 京城詳細地圖         |
| 俄羅斯史       | 洋五角   | 商務華英字典      | 洋一元五角  | 京城詳細地圖         |
| 世界文明史      | 洋六角   | 商務華英字典      | 洋一元五角  | 京城詳細地圖         |
| 埃及近世史      | 洋四角五分 | 商務華英字典      | 洋一元五角  | 京城詳細地圖         |

此外尚有新出各種書籍圖畫陸續出版日益繁多不及備載另省詳細書目敘述各書大旨並刊明定價以便選購諸君子之採擇如蒙函購本館索閱書目者本館即行奉贈不取

上海商務印書館各種小說

|           |       | 分設          |       | 京師 奉天     |       | 天津 漢口   |       | 廣州 福州     |       | 成都 重慶 |     | 開封      |       |
|-----------|-------|-------------|-------|-----------|-------|---------|-------|-----------|-------|-------|-----|---------|-------|
| 佳人奇遇      | 洋七角   | 老翰奇冤        | 洋五角   | 秘密電光艇     | 洋三角五分 | 紅柳娃     | 洋一角   | 天方夜譚四冊    | 洋一元五角 | 香囊記   | 洋二角 | 紅柳娃     | 洋一角   |
| 經國美談前後編   | 洋五角   | 火山報仇錄二冊     | 洋九角   | 禮荒誌異      | 洋六角   | 紅確靈藥錄二冊 | 洋八角   | 魯濱孫飄流續記二冊 | 洋五角五分 | 三字獄   | 洋二角 | 紅確靈藥錄二冊 | 洋八角   |
| 夢遊二十一世紀   | 洋二角   | 雙指印         | 洋二角五分 | 研中花二冊(白話) | 洋五角   | 海外斬腥錄   | 洋三角五分 | 魯濱孫飄流續記二冊 | 洋五角五分 | 素囊記   | 洋二角 | 海外斬腥錄   | 洋三角五分 |
| 佛羅華生包探案   | 洋二角   | 魁山狼狽傳二冊     | 洋一元   | 素牡丹三冊(白話) | 洋四角五分 | 煉才爐     | 洋二角   | 三字獄       | 洋二角   | 香囊記   | 洋二角 | 煉才爐     | 洋二角   |
| 小仙源       | 洋一角五分 | 曇花夢         | 洋二角   | 素牡丹三冊(白話) | 洋四角五分 | 七星寶石    | 洋二角   | 三字獄       | 洋二角   | 香囊記   | 洋二角 | 七星寶石    | 洋二角   |
| 案中案       | 洋二角   | 指環燕         | 洋三角   | 素牡丹三冊(白話) | 洋四角五分 | 通靈衣     | 洋二角五分 | 三字獄       | 洋二角   | 香囊記   | 洋二角 | 通靈衣     | 洋二角五分 |
| 環游地球      | 洋三角   | 巴黎奪命記(白話)二冊 | 洋一元   | 素牡丹三冊(白話) | 洋四角五分 | 黃金山(白話) | 現印    | 天方夜譚四冊    | 洋一元五角 | 素囊記   | 洋二角 | 黃金山(白話) | 現印    |
| 吟邊燕語      | 洋三角五分 | 斐洲煙火愁城錄二冊   | 洋八角   | 素牡丹三冊(白話) | 洋四角五分 | 黃金山(白話) | 現印    | 天方夜譚四冊    | 洋一元五角 | 素囊記   | 洋二角 | 黃金山(白話) | 現印    |
| 萬里尋親記     | 洋三角   | 魯濱孫到後英雄傳二冊  | 洋一元   | 素牡丹三冊(白話) | 洋四角五分 | 黃金山(白話) | 現印    | 天方夜譚四冊    | 洋一元五角 | 素囊記   | 洋二角 | 黃金山(白話) | 現印    |
| 黃金血       | 洋二角   | 桑伯勒包探案      | 洋二角   | 素牡丹三冊(白話) | 洋四角五分 | 黃金山(白話) | 現印    | 天方夜譚四冊    | 洋一元五角 | 素囊記   | 洋二角 | 黃金山(白話) | 現印    |
| 金銀島       | 洋二角   | 東緣(白話)      | 洋二角五分 | 素牡丹三冊(白話) | 洋四角五分 | 黃金山(白話) | 現印    | 天方夜譚四冊    | 洋一元五角 | 素囊記   | 洋二角 | 黃金山(白話) | 現印    |
| 回頭看(白話)   | 洋三角   | 車中奪針(白話)    | 洋二角五分 | 素牡丹三冊(白話) | 洋四角五分 | 黃金山(白話) | 現印    | 天方夜譚四冊    | 洋一元五角 | 素囊記   | 洋二角 | 黃金山(白話) | 現印    |
| 尼本迦爾小傳二冊  | 洋一元   | 寒桃記三冊(白話)   | 洋七角   | 素牡丹三冊(白話) | 洋四角五分 | 黃金山(白話) | 現印    | 天方夜譚四冊    | 洋一元五角 | 素囊記   | 洋二角 | 黃金山(白話) | 現印    |
| 降妖記       | 洋二角五分 | 玉雪留痕        | 洋四角五分 | 素牡丹三冊(白話) | 洋四角五分 | 黃金山(白話) | 現印    | 天方夜譚四冊    | 洋一元五角 | 素囊記   | 洋二角 | 黃金山(白話) | 現印    |
| 珊瑚美人(白話)  | 洋三角   | 魯濱孫飄流記二冊    | 洋七角   | 素牡丹三冊(白話) | 洋四角五分 | 黃金山(白話) | 現印    | 天方夜譚四冊    | 洋一元五角 | 素囊記   | 洋二角 | 黃金山(白話) | 現印    |
| 賣國奴(白話)   | 洋四角   | 洪罕女郎傳二冊     | 洋七角   | 素牡丹三冊(白話) | 洋四角五分 | 黃金山(白話) | 現印    | 天方夜譚四冊    | 洋一元五角 | 素囊記   | 洋二角 | 黃金山(白話) | 現印    |
| 金塔割尸記三冊   | 洋一元   | 白巾人三冊(白話)   | 洋四角五分 | 素牡丹三冊(白話) | 洋四角五分 | 黃金山(白話) | 現印    | 天方夜譚四冊    | 洋一元五角 | 素囊記   | 洋二角 | 黃金山(白話) | 現印    |
| 懺悔記二冊(白話) | 洋五角   | 澳洲歷險記       | 洋一角五分 | 素牡丹三冊(白話) | 洋四角五分 | 黃金山(白話) | 現印    | 天方夜譚四冊    | 洋一元五角 | 素囊記   | 洋二角 | 黃金山(白話) | 現印    |

另有繡像小說

材料豐富圖繪鮮明全年二十四冊 價洋四元  
每冊二角現出至五十一期

## 軍事

日俄戰爭之結果及中國練兵之前途 錄乙巳十二月十五日南方報

滿洲奇譎壯麗之戰雲。倏湮滅於朴子茅。黯淡之和議。日本軍人。犧牲身命之血戰。以此不滿足之條約而告終。嗚呼。此不僅日本軍人恨之。即世界表同情於日本軍人者。無不恨之。雖然。創此近世紀一大戰爭。戰員及百萬。人戰線。亘千餘里。其所收之戰果。固不僅以一紙之平和條約而限定其價值也。其伴於此而貢獻於日本軍界。以及世界軍界者。實大有所在。盡觀之。近來日本陸軍省。籌畫軍備擴張。開陸軍調查委員會。議改正各兵科操典。及野外要務令。而前日決議數條。一增編常備軍為二十師團。一步兵聯隊中添設機關砲隊。一騎兵中附入輕砲。一鐵道大隊之獨立。一輕氣球隊之獨立。其他猶未決定者。一騎兵師團之編成。一二年現役兵之改正。夫日本有此弘大之改絃更張。其於本國軍事界。必有一大異動。夫豈漫然而為此哉。必積兩年來交換砲火之經驗。於戰關中必要之需求。而對付以不可缺之資料。以各方面的感觸。各地點的觀察。各狀態的訓誨。而後始知以前操典及要務令。有不完全之點。兵隊編制。有不得不變易之點。迫於時機之推移。應於戰術之進步。故

軍事

二十七

丙午

敢。有。此。改。絃。更。張。也。其。影。響。於。戰。術。軍。制。上。者。實。巨。日。本。於。此。後。軍。事。界。上。必。更。放。一。異。采。以。爲。將。來。演。壯。大。戰。鬪。之。地。步。誠。有。不。可。限。量。者。還。觀。我。中。國。則。何。如。哉。夫。受。日。俄。戰。事。之。影。響。其。直。接。有。力。者。莫。如。中。國。中。國。政。府。未。嘗。不。動。心。於。此。次。龍。爭。虎。鬪。之。壯。劇。而。戮。力。於。練。兵。一。事。練。兵。之。說。上。主。持。於。二。三。重。臣。下。洋。溢。於。國。人。之。口。外。張。皇。於。外。人。之。視。聽。然。就。年。來。所。謂。練。兵。之。施。設。者。而。下。一。觀。測。竊。未。敢。謂。其。舉。動。至。當。也。夫。練。一。國。之。兵。以。衛。一。國。不。先。在。其。根。本。之。地。定。一。基。點。以。全。力。經。營。之。而。徒。粉。飾。其。表。面。是。愈。用。力。而。愈。無。效。也。夫。今。日。練。兵。之。成。蹟。最。優。著。者。莫。如。北。洋。湖。北。湖。北。軍。之。步。武。槍。操。誠。舉。動。齊。一。精。練。特。出。矣。然。兵。無。鬪。心。聞。開。差。之。令。卽。逃。則。見。仗。時。更。無。論。矣。北。洋。之。河。間。演。習。其。得。外。論。之。褒。獎。誠。中。國。前。此。所。未。有。然。竊。聞。日。本。將。校。中。有。參。觀。者。云。是。太。平。時。壯。國。威。之。長。具。耳。是。形。式。上。之。最。美。觀。者。也。嗚。呼。彼。日。人。何。因。而。下。此。貶。詞。又。以。何。觀。察。而。下。此。貶。詞。此。在。我。國。之。有。心。人。所。不。可。不。自。知。者。也。夫。操。練。兵。大。柄。之。二。三。重。臣。凡。組。織。軍。隊。所。要。求。之。要。素。無。一。豫。爲。之。備。具。軍。制。不。釐。定。是。以。軍。予。敵。也。戰。術。不。研。求。是。使。敵。殺。人。也。軍。紀。之。遵。守。不。嚴。戰。鬪。之。觀。念。不。擊。是。驅。市。人。而。使。之。鬪。也。不。此。之。感。而。惟。變。面。目。不。變。骨。骼。重。形。式。不。重。精。神。以。獻。言。於。天。下。曰。練。兵。練。兵。是。殆。葉。公。之。所。謂。好。龍。伏。波。之。所。謂。畫。虎。耳。日。本。軍。隊。之。振。興。也。實。



基於明治五年徵兵令之公布。其軍制戰術。大都效法西歐。而最得力於德國。各兵科操典及野外要務令。殆無一不原本於德。其他戰術諸學說。譯自德者尤夥。日人能利用德人軍制之成規。戰術之經驗。遂造成日本之軍隊。隱隱隆隆。以至今日。挫敗強俄之兵。而收至大最高之名譽者。蓋能得德人軍隊之真價值而用之。適得其宜也。我中國現在取法外人之語。已充耳厭聞矣。然其實在取法之道。亦未盡可以厚誣。北洋湖北之練兵。不僅步法槍法。取法日本。即號令與軍用語。殆無一不與日本肖。現使用以前國之操式已漸改正惟然求其最高之結果。不過步法槍法一改舊觀耳。即充其極量。亦不過粗淺之戰術輸入一二已耳。夫既取法日本。而日本之所以壓倒俄羅斯軍隊。挫之蹶之於滿洲原野者。抑僅恃此區區之具否耶。日本軍隊。據勝利之勢。翹然於世界上。占一陸軍國之真價值。固已為世界所公認矣。吾甚望吾國操練兵大柄之二三重臣。尋其真價值。以效法之。而造成吾中國軍隊也。真價值者何。曰現行用之軍制。新出產之戰術。曰一般軍人對軍紀之服從。及戰鬪之觀念是。

籌新疆形勢策 續乙巳十二月初六日時報

新疆古西域也。東界安西州。東北界阿拉善及喀爾喀蒙古。北界科布多。西北界哈薩克。西

南界布魯特及浩罕安集延。南界西藏。東南界青海。東西七千餘里。南北三千餘里。周二萬餘里。天山橫亘其間。就山之陰陽。分南北兩路。南路則回部。北路則舊之準噶爾部。而統受制於伊犁將軍。蒙嘗統全局而籌之。伊犁將軍駐北路之極西。而不虞呼應不靈者。以伊犁善塔斯達巴罕之通喀什噶爾。穆蘇爾達巴罕之通阿克蘇。烏魯木齊之七箇達坂之通土魯番。古城小南路之通哈密也。以北路論。則巴里坤口也。古城咽喉也。烏魯木齊胸膈也。塔爾巴哈臺肩背也。伊犁腹心也。以南路論。則土魯番口也。喀喇沙爾庫車咽喉也。阿克蘇胸膈也。烏什肩背也。喀什噶爾腹心也。合南北論。則天山如人之脊骨。爲五臟六腑所繫。而烏魯木齊阿克蘇尤制命之穴道也。漢唐往事不備論。謹就本朝之事言之。大抵欲制南者。必先制北。往者準部。鴟張則和卓木父子。悉爲奴虜。康熙六十一年。大軍逼烏魯木齊。則策妄阿拉布請罪。雍正中。我軍分兩路。一軍北路出阿爾泰山。一軍南路駐哈密。乾隆二十年。二十二年。兩次戡定。準部所謂兩路進兵者。大致亦無以異。中間大小和卓木雖叛而不能得阿克蘇。則兩孽逾時而因此可知形勢之梗概矣。同治三年。布魯特回部逆酋金相印等陷喀什噶爾。一時叛回四起。天山南北諸城全陷。所恃以抗拒官兵者。北路則烏魯木齊南路則喀喇沙爾。光緒元年。特命大學士左宗棠出關進剿。其用兵也。亦先北而後南。蓋經

營年餘。乃克烏魯木齊。又閱數月。乃克瑪納斯。至光緒三年夏。乃克土魯番。九月朔。乃克喀喇沙爾。於是扼吭拊背之勢已成。不二十日。而庫車。阿克蘇。烏什。皆克。阿克蘇。既克。則於十一月望分兵爲二。一正一奇。直搗喀什噶爾。不半月。而喀什噶爾。英吉沙爾。羗和闐。皆克。所謂正兵者。巴爾楚克之臺路。奇兵者。烏什之樹窩子。卽乾隆二十四年。將軍兆惠攻喀城之路也。難易遲速先後懸殊。諱非地利使然哉。雖然。此特籌勦撫於疆圉之中。而未籌防禦於疆圉之外也。今各國陸路與我交涉者。惟俄羅斯而西北利亞一部。荒寒不毛。又隔以外蒙古。喀爾喀四部。求逞不易。東海濱阿穆爾兩省。去其國都。陸行一萬五六千里。水行六七萬里。求逞亦不易。況近又遭日本大創。長蛇封豕之心。舍新疆別無可冀。觀中國既定。逆回彼卽踐還我伊犁之約。其故何哉。霍爾果斯河一帶。新疆之肘腋也。則索以遷居民矣。哈薩布魯特。霍罕。新疆羽翼也。則議分界立土爾吉斯坦。總督重鎮於塔什干矣。喀什噶爾者。南路之寶藏古城者。北路之精華兩處。設領事則繚回可以牢籠。而額爾齊斯河無限制矣。固不必強據伊犁。急一時之利也。嗚呼。有藩部而不資捍禦。與無藩部同。有卡倫而不行稽察。與無卡倫同。今日之事。惟以恩信維持。哈薩克等部。振其衰弱之氣。堅其內向之心。庶幾爲我屏蔽。卡倫雖已任其往來。而嚴兵整飭。示以不可犯之勢。則未爲不可。或亦解其謀於潛

軍事

三十一

丙午

籬之外。而不至相持於庭戶之間。乎總之不知境內之形勢。不能馭外藩。不足以保境內。王公設險。太平時猶不可無。矧有外人在內地哉。是終無以易吾形勢之說矣。若夫離形勢言邊防。舉凡新奇可喜者。徒以勞民傷財爲邊防害。而顧侈然曰。吾所以籌邊防也。則不如其不籌。

練兵處奏定標旗及閱兵旗式摺

竊臣等上年奏定新軍章制標旗制畧內載步馬各隊每標應有標旗一面。平時設專弁奉持之。戰時標統擁以偕行。進退攻守視爲標準。各國標旗向由國主頒發。將士見之儀如謁君。我亦宜畧仿其意。由練兵處擬定式樣請旨頒發。旗到軍中。統將以下列隊虔迎。敬謹供奉等語。現在各省軍隊已按照奏定新章。以次改編。所有此項步馬隊標旗。自應由臣處擬就式樣恭候。欽定以備頒發。又臣等恭閱大清會典內所載武備各圖。如八旗自都統以至護軍校。綠營自督撫以至什長。莫不定有旗幟之制。繪列簡編。凡所以肅觀瞻而別等威者。鉅典鴻規。至爲詳備。方今各省所練新軍。一經編定。均應奏請簡員校閱。所有派出之大臣。體制較崇。責任較重。亦應請旨頒發旗幟。如古者大臣假節之例。方足以振軍氣而壯國威。臣等謹查照皇朝禮器圖式內所載旗幟各營。彙制參互。考訂分別。

擬就陸軍標旗及閱兵大臣旗等項旗式繪具圖說恭呈 御覽如蒙 俞允卽由臣處恭照製備敬謹存儲其標旗一項俟各省步馬標考驗合格編定號數後隨時請 旨頒發一面札知該鎮派令各標掌旗官前來恭迓俟 命下之日由練兵處堂官將該標標旗親授該員並授以軍中訓誡各辭令爲傳述旗到軍中該鎮應如何領受及平時應如何保存各事宜並由臣處按照奏定章程另擬詳細節目札飭遵照辦理至此項標旗係屬綢質將來行用年久如須更換卽由該鎮申報臣處隨時奏明請 旨從新換給該鎮不得擅自更製以昭鄭重又標旗內空白之處係留備記載將來該標所得戰功惟無論何項戰功均應由臣等考核詳實奏明註冊行知該鎮方准於旗面註載其閱兵大臣旗俟每屆 欽派大員閱兵時再由臣處咨送該大臣祇領行用一經差竣仍繳由臣處收藏以慎名器至各鎮標所隸各營其旗式亦應分別釐定俾各省不致紛歧容由臣酌擬定式咨行各該督撫查照辦理再此摺係練兵處主稿會同兵部辦理合併聲明謹 奏奉 旨依議欽此

四川總督錫奏甯遠夷務勦辦事竣摺

竊查本年巳正月奴才因署甯遠府知府黃兆麟等辦理夷務勦撫均未盡力以致馬家夷支復出焚劫西昌縣屬大興場請 旨將黃兆麟暫行革職與署建昌鎮總兵英秀一併撤

任留營並將英秀摘去頂戴均俟立功後再爲仰懇 恩施一面添派常備軍營務處候選知府高培焜帶營前往會督進剿俾夷務真心警慄不致旋撫旋叛等情奏奉 硃批著照所請等因欽此高培焜到甯後測繪地圖儲積糧糗選募土勇佈置咸定分道進攻該夷吉哷等支初據於碗廠河我軍旣逼退保四塊壩而尤以勺勺梁地稱天險強悍之衆扼守於此塹山湮谷又復削竹編刺阻絕人迹我軍先於三月十五六等日擊之於碗廠河濫壩等處已獲小勝二十一日三路進發陟峻履危弩石弗避開礮破壘縱火焚林斃夷百餘獲械不少該夷膽落勢潰紛紛竄散由是狙伏深遠雖曾出而阻刦糧馱然不敢復與我軍迎敵我乃毀其空廬擾其耕牧發其倉窳搜其叢箐該夷等進退失據暴露不安屢次乞降未之遵許六月又有漢民土匪誤殺里換摩西等支十餘命之事迨該鎮府查撫完竣而吉哷等支歸誠愈切適值委署建昌鎮總兵孫萬林到任該鎮威名夙著謀略本優民夷畏而懷之該鎮察羣夷悔罪之誠遂於九月初七日准吉哷各支次第鑽皮自誓繳出兇夷器械等件歲以里夷換班作質查照向辦規例悉遵約束並由土司嶺鎮榮出具保認該夷不再滋事印甘各結當將前後所獲兇夷等併在軍前正法以示懲戒昨據甯遠府知府李立元等稟稟完案前來伏查此次阿什支與馬家吉哷等支先後出巢肆擾蹂躪地方若非休以兵威

將慮釀爲邊患卽黃兆麟等懲創未能痛切仍恐羈縻稍急變故環生然大涼山附近諸夷種族蕃滋巢居荒散限於地形之奇險迫以雨潦之將至冰雪之重積宜用兵者其時甚暫倘必窮迫遠襲終虞勝算難操歷來勦撫兼施不以癘疥而勞鉞石也當此餉源匱乏更非所宜故募兵不敢過多策功不敢過急惟當奪據其要隘平毀其窟穴使彼歸路阻絕生計艱窘較諸疆場獲勝尤足攻心疊據該府等切陳該夷窮蹙情形既知悔罪畏威以後自能安帖並稱近自甯遠屬境夷氛已戢地方平靖當經奴才等商明准如所請辦理俾便將常備軍調回操練並將添募之士勇分別裁留以節餉需而資鎮懾謹會同成都將軍奴才綽哈佈四川提督奴才馬維祺恭摺合詞由驛馳陳謹 奏奉 硃批該部議奏欽此

陝西巡撫曹奏擬請裁屯併餉改編營隊以資訓練而裨軍政摺

竊維屯田之法實古來寓兵於農之盛軌而行之有效有不效者則以天時人事不可預知不能執以爲咎亦不能執而不變自古迄今大抵然矣陝西屯軍據布政使會同督練處司道詳稱經升任撫臣升允於光緒二十七八年間先後具 奏請以議裁之兵六旗並添撥三旗於西北數州縣試辦屯墾兼顧操防聲明以後有應變通之處隨時 奏請更正仰蒙 兪允在案彼時原議章程屯本則分年節還常餉則遞年遞減嗣因迭被天災難收成效

又於三十年三月，奏請改發全餉而以田中所入悉收歸公旋經部議令將資本何日可以還清兵餉何日可以全減確估報部正覈議間適升任撫臣去陝事途中輟竊查屯田一事其始有不得不開辦者其繼有不得不變通者今則又有不得不裁撤者當其試辦之初正部議裁餉之日兵隨餉減關輔空虛而十餘州縣之荒地棄之尤爲可惜故不得已而有興屯節餉之議既而屯地迭災所獲不足以養兵兵若無餉將有悉化而爲農之勢故不得已而又有改發全餉收利歸公之議然有所慮者屯地所在或濱臨濁渭或遠處北山河水爲災霜雹疊稜則限於天而裕餉難屯軍所戍或分駐遠州或僻在邊徼調操甚爲不便即令農隙自練而三時力田一時講武亦有一暴十寒之虞則限於地限於時而訓練難前已將添發之三旗改屯爲防分巡北山及鳳翔各處所遺屯地暫由各該縣經租收利計屯軍九旗之內現存六旗歲需薪餉八萬五千餘兩此六旗者兼屯兼操亦兵亦農以練兵論而臨時調操平時訓練其難既如此以籌餉言而天災之不可豫料又如彼覈與興屯本意收效既難自應思所變通此所謂有不得不裁撤者也況近日屢奉諭旨飭練新軍以期共圖振勵力抵精強而陝省步隊除分防各屬外其常駐省城教練新操者尙不足一協之數值此庫帑奇絀又不能另籌大宗的餉思維至再惟有移緩就急挹彼注茲擬請將現存屯



軍六旗汰弱留強按照定章編爲步隊兩營調駐省垣切實訓練卽以原支全餉撥歸該兩營支給如有不敷再行設法勻撥俟編列成軍之日卽截止舊餉起支薪餉另行核實估計奏咨立案至六旗屯軍所遺地畝擬委熟悉農務之員前往各屯查明已墾未墾分其等則由各地方官就近招民承領斟酌輕重納課歸公庶已墾者不至荒蕪卽未墾者亦可徐圖推廣如此一轉移間同一餉兵也而一能練一不能練同一種地也而一費餉一不費餉將來卽以所納之課抽還屯本而公款亦復有著似於陝省軍政庫儲兩有裨益以上各節經該司道等具詳請 奏前來臣復加察核去屯軍之名仍不廢屯地之實借屯軍之餉卽可收新軍之效且與前撫臣原案聲明隨時變通之議亦先後符合謹會同陝甘督臣升允恭摺具陳謹 奏奉 硃批練兵處知道欽此

李叔倫觀察自英國倫敦上署兩江總督周稟

敬稟者竊職道攜帶各員匠出洋考察製造刻下行抵英國倫敦業經先後電稟各在案茲據洋匠柯尼司稟稱造礮宜用上等鋼料該料必用格致之法逐件試驗方可應用否則卽不合式如造十四生的適當卽一百磅子又十二生的適當卽四十五磅子兩種快礮應全用鋼料造成且照阿姆司脫耶廠新法添配一手關閉之後膛機件凡礮臺及戰船所用之

大礮均以此種最爲合用若過山及野戰等礮應照七十五密里卽十二磅子約須三十倍長者方合於野戰礮之尺寸約須十五倍長者方合於過山礮之尺寸現在新式野戰礮配有直門後門較爲便利合用英國政府曾將該礮演試數年自西歷一千九百零一年起直至一千九百零四年始將演試情形報告陸軍大臣其演試時所放出數共計一萬五千出英政府當卽飭令陸軍全部一律購用此項礮位共價英金二兆鎊有餘合中國規銀一千六百萬兩至於七生五克鹿卜過山礮德國政府並未錄用恐不如野戰礮之相宜也又滬局所造之槍係仿照西歷一千八百八十八年毛瑟造法畧爲變通所用手工以代機械者未免太多刀具等項均不合式且不鋒利應由歐洲延請上等精造刀具之人來華教導一切此係專門手藝甚非易再應仿照外洋名廠設廠工處一所各項工程逐件完畢之後卽由該處隨時查驗愈嚴愈佳不可候全槍造成始行演試滬廠機器共二百十六具約有一半可供造新式槍件之用其餘應請在外洋添配至於槍之口徑七密里九不可再行改小此次日俄戰事日本所放槍子實嫌太小也又造無煙藥之法與造黑藥粟藥迥然不同蓋黑藥粟藥兩項祇須將藥料配合互相攪和而無煙藥配合之法非徒用實料攪和必用化學考究材料之冷熱潔淨力量其用料之分割若干亦關緊要造藥所用之水務必清而

且多最好設在近山之處山水可以源源接濟非但添購新式機器而已也又瀝局礮彈槍子兩廠應一律添配機器設法擴充如鋼質彈羣子彈及礮彈所用銅壳拉火等件均須添造多出若干槍子則宜精造新毛瑟一種出數愈多愈佳所有造拉火銅引等件之處應與礮彈廠相連庶工作較爲便當等情職道復核所陳各節不無可採理合據情轉稟仰祈訓示祇遵

克鹿卜廠總鎮連內條陳金陵以下四路礮臺節略

總論 長江天塹古來爲中原南北之限海禁既開尤恃爲內防門戶屏藩川漢襟帶湘淮紛注支流蜿蜒且萬餘里轉輸豐富各省咸沾其利益設險固守關係深焉查吳淞口至南京一帶設立礮臺凡五處一在吳淞二在江陰距吳淞二百五十餘里於江南北設立三在圖山距吳淞口約四百里於江之南北岸及三江口設立四在鎮江距吳淞口四百五十里於江南北及江內之焦山設立五在南京距吳淞口六百里於江之南岸設立各臺所擇之地頗能扼要然猶有急宜改良者兩端其一形勢險阻隨時更易各臺自建築至今歷有年所其所扼之險以今較昔輕重大有懸殊其二敵人戰艦軍械日新月異改良多則相機迎擊仍循舊法收效恐難因是兩端宜定二策一則擇其不力者去之一則合其全力

以守之五臺之中去其三改其二險無虛設法必求精且更以長年多數礮臺之經費供少數礮臺之支用則款項尤覺裕如是即兵家貴精不貴多之宏旨而施之斯時斯地尤足收以簡馭繁以寡勝衆之奇功用將長江五處礮臺之宜去宜改者論列於左

論三處礮臺宜去之故 一吳淞口礮臺 按第一圖其地勢頗爲合宜一面保護長江一面保護黃浦江惟保護長江口爲極難長江兩岸至吳淞則相距彌遠最窄處有四千至六千密達兼之吳淞口一帶係新淤漲出之地如欲於是地建造新式堅固礮臺其工程極大需款極鉅蓋土性鬆軟打築堅實地基格外糜費且既建礮臺尤須打築攔潮壩以免大潮大風浪沖擊則糜費更屬不貲又況吳淞情形今昔迥殊礮臺之有無非有甚大關係瀕黃浦者即上海地面昔時保護上海即需此險今則上海已成通商最大口岸西商叢集租界之中中國即與他國開戰爲敵國者定將上海劃出不作戰地以防波及之國問罪興師出而干預因時制宜吳淞礮臺可以不用 一圖山礮臺 按第三圖其山距江陰約一百五十里畧覘地勢頗覺壯觀然詳審其形山之東南敵人來攻抄入甚易又有沙陽河一帶亦易進兵且此山山峯甚多較之江陰黃山能環拱敵人來路者大不相同近江岸處欲修築大礮臺則地勢甚窄殊不敷用惟在各山頂尙可安設礮位然遇敵環擊終嫌散漫不整難

於擊應是以圖山礮臺亦不可不用亦因上距鎮江礮臺僅五十里既有鎮江形勢最勝之礮臺毋庸更設於此矣 一南京礮臺 按是地距吳淞口六百里未免過遠雖有建瓴之勢難收犄角之力應以不用爲是

論兩處礮臺宜改設併臺內安置礮位之故 一江陰礮臺 按第二圖江陰東北距五六里之遙江寬一千三百至一千九百密達係吳淞至南京一帶中最窄之處江北岸係平地江南岸瀕江有數處山峯相連卽黃山也山峯均高約六七十密達於黃山安設礮位最得地利如遇敵船由江之東北岸來攻則此山之甲乙丙丁子辰各礮臺均可擊射偷敵船深入至申酉戌處則丁子丑寅卯辰巳各礮臺擊射尤爲得力黃山對江北岸現已有舊礮臺三處此礮臺可以不用因地勢尙寬臺內之礮無鐵甲保護敵船易於擊毀且礮臺背面又有村莊樹木各障礙恐敵人於夜間或霧天由後路登岸襲取則礮臺將士不及覺察礮臺易陷況舊礮臺應歸黃山統馭隔江控制更恐難於調度今旣擬於黃山修築新式極堅固之礮臺則舊礮之有無實屬無關輕重查黃山形勢如虎叉叉之左翅在東作弓形向北拱抱右翅往西亦作弓形向北拱抱兩翅之中卽虎叉之正中槍尖及叉柄處各山頭順南北向其東一半<sub>即左</sub>在弓背之中卽乙丙兩處最好各安十五生的四十倍口徑長快礮四尊

其弓之兩角卽甲丁兩處再安十五生的快礮各兩尊共礮十二尊如遇敵船自東北來攻雖相距尙遠而此礮之擊射均最得力以上所用之礮均用將軍柱旋轉之礮架甲乙兩臺之礮如遇敵人由背後陸路來攻亦能旋轉向後擊射命中更查子處原有礮臺此臺內最好安設二十八生的四十倍口徑長礮二尊該礮應用起落礮架此礮架能於礮子出口卽自落下俟再裝礮子後卽自昂起因該處礮臺距水僅十丈用此礮架以免敵船易於將礮擊毀該十五生的礮十二尊能擊遠處敵船之小礮及船面人物一切子處之礮打直路能毀鐵甲船之大礮又能穿護船之鐵甲其西一半<sub>如謂右</sub>各山頭較左翅各山頭均寬於丑寅兩處最好各安二十八生的十二倍口徑長短礮四尊該礮與長礮不同長礮打直路短礮打灣路用以擊射敵船之船面實最堅利因丑寅兩山頭較乙丙丁處寬三四丈敵自東北來不易窺見此礮臺而此礮自有法毀敵於寅處可安十五生的四十倍口徑長快礮四尊此礮臺與乙丙兩處利益相仿敵自東北來均能直擊查辰處近靠江邊最屬要地因此處距江北岸寬僅一千三百至一千六百密達敵船自東北上引吃水較深定由江之中流走至申酉戌處距辰處不過八九百密達是以黃山所有各礮臺惟辰處最關緊要敵船定知攻時必用全船之力先將此處攻陷最好宜安旋轉鐵甲礮臺其中安設二十六生的四

十倍口徑長大礮兩尊礮之周圍併上面均有極厚鐵甲保護一任敵船衆多曠日攻擊不但礮兵免險而礮架礮身及零件子彈等俱不能毀查已處擬即安設十九生的四十倍口徑長快礮四尊此礮臺可助甲乙丙丁各礮因此處距甲乙丙丁較遠故用十九生的之礮擊力勇猛得力處亦相同前論甲乙兩臺之礮非特能擊前面即敵由背面陸路來抄亦能擊射再於午未兩山頭<sup>即</sup>安設小口徑快礮保護黃山東南西三面以免敵人由後路衝突併能助甲乙丙丑寅卯巳各礮臺再於未處安設八生的四十倍口徑長快礮四尊午處亦可照未處之礮安設或安設馬克生機器礮若干尊均屬合宜敵人來攻或在夜間更須於黃山周圍安設電光搜敵燈數處以防敵人乘夜攻擊查各礮預備子彈計二十八生的礮每尊一百五十出十五生的每尊五百出小快礮每尊一千出黃山各礮臺如已安設停妥照前所內共論各臺有大礮三十二尊如敵船來攻其一軍約共戰船計十隻左右總共計一軍各船上所有之礮自十五生的以上約共一百五十尊我之臺內僅有礮三十二尊以少禦多將母冒險而其實非險蓋有二理焉一敵船來攻其礮雖多每船不能四面齊發如自東西行來船上北面之礮可以施放其餘三面俱不能開二長江不若海面寬大敵船可以排列並進一齊猛擊江內僅容一二船馳騁所發之礮仍少且船上之礮不若臺上之

礮穩易於掛線黃山之礮更比船高敵船由下向上究不如臺礮之以上向下瞄準快捷易中要害卽我之臺礮擊中敵船非必當時立即沈沒無論有船救回或能自行退去一經重傷其礮不能再放

一鎮江礮臺 按第四圖及第六圖鎮江乃江陰後路最爲緊要不幸而江陰失陷所賴扼守長江上游者惟此是賴關係匪輕幸而此處礮臺各礮得力再有陸路勁兵援助節節進攻江陰雖失仍能恢復則長城之倚在此鎮江謂之後路副礮臺可謂之爲殿後正礮臺亦無不可是宜堅守爲要況地勢較江陰尤爲易守鎮江府城北距七八里江內有焦山島北江寬不過一千一百密達島南寬五百密達敵船由江陰來攻非走島南卽走島北而焦山四面所有之礮臺向四面均能擊射查焦山島地勢係長形自東向西西一半有山東則盡平地最好於子丁兩處即島北安設旋轉鐵甲礮臺二所每所內安設二十八生的四十倍口徑長快礮二尊島之西邊分有山頭兩箇即島南在南山頭可安二十八生的十二倍口徑長短礮四尊此礮如敵船由東南來能擊船面上所有一切北山頭可安設十七生的四十倍口徑長短礮四尊江北岸舊礮臺三座可不用蓋因一則敵人易於窺見二則臺內皆係舊式礮恐擊新式戰船不能得力查象山頭三處即西均可安設十四生的四十倍口徑



長快礮四尊非特擊射江面最爲得力而四面及後路均能徧擊除以上數處應行安設礮臺外尤須安設電光搜敵燈數處

已即庚申午

以上所論長江礮臺四處江陰鎮江兩處最爲險要即以江陰爲正鎮江爲副安設礮位皆有得宜之地步修築礮臺則務求其堅購置礮式則務求其新綢繆於未雨收效於將來防禦之功亮非淺鮮其吳淞圖山南京三處礮臺無甚關繫可以無庸安設即以多數礮臺之經費供少數礮臺之支用險無虛設法必求精此其大畧也如蒙大帥俯采芻蕘有意布置添設礮位則克鹿卜礮廠謹當將各處所宜安設礮臺之地勢方向及周圍所有各細情形再行詳明測繪方能定準其各礮臺之細圖並礮臺修法礮位安設法各等事屆時克鹿卜廠自當一律備齊以資開辦

兵部遵 旨籌設變通武備章程

一東西各國自貴族以至國民皆有當兵年限今王公大臣子弟肄習兵學業經練兵處奏准開辦貴胄學堂並於章程內聲明其年長不合定格與充當差使之王公大臣世爵雖礙難入堂受學而情殷尙武者俟開學後另訂專章奏請入堂聽講以示優遇等語應卽照章於學堂內設一貴胄講習所以便王公世爵隨時到堂研究兵學所有詳細章程仍由練兵

處續擬具奏 一綠營引 見人員前經兵部奏准一律改習槍礮赴部時分期考驗惟京外各旗及東三省旗員王公門上護衛各項仍考驗騎射隨時帶領今奉 明諭所有引見人員著毋庸執弓擬請嗣後京外各旗及東三省旗員赴引均照綠營成案一律辦理倘考驗時施放不能如法發回原處勒限一年學習限滿仍不如法者革職至王公門上護衛等項即由各王公揀選合例人員徑行咨送該旗帶領引 見毋庸考驗其各旗營比較箭枝挑補官兵等事應即停罷又定例點驗旗員及兵丁軍械久成具文亦請一併停止 一恭遇 聖駕出入扈從各官應佩弓矢屬囊鞬者一律改爲佩刀前引之先後扈之次請以宿衛 禁廷之陸軍各執新式槍械由統領統帶等官恭率翌衛京城以內應酌派步隊兩隊分列前後護衛京城以外應酌派步隊一營馬隊兩隊分列前後左右護衛遇有調 陵行圍差使屆時奏添隊數此外一切儀制仍照舊章敬謹預備其舊設之十五善射等員與各處弓箭匠役以及採取弓幹矢箭置備畫角海螺等項均即裁撤 一守衛 宮禁爲親軍營別鋒營護軍營專責乃歷年既久積習太深非改弦更張竊恐任情廢弛斷無起色恭溯 國初定制上三旗皆 天子所自將出任征討入供宿衛勛勤特隆漢之羽林仗飛唐之龍武神策未能比擬萬一今欲名稱其實宜接新軍章程另行設立扈衛軍於京外各旗

及各省已編成鎮諸軍內慎擇品學兼優之官員操法純熟之兵丁調撥編練出則扈從入則守衛歸 御前大臣管轄此制既行天下材武之士皆知得與榮選益將爭自濯磨於軍隊觀感尤有神益其一切編制應以練兵處會同臣等詳細籌議續行具奏 一親軍前鋒護軍等官兵擬請 特派大臣分別考驗其年力富強之官員撥入陸軍學堂肄習仍給原俸體質精壯之兵丁分送各鎮陸軍挑選教練仍給原餉三年後或撥歸扈衛軍或回旗以應補缺分錢糧升補改補屆時核其程度分別辦理此外不合格者官員對品以旗員改補兵丁撥旗以馬甲坐補分年遞裁期以十年裁盡逐年騰出底餉由戶部節存以備編練扈衛軍之需舊設之撒袋弓箭應即裁撤 一親軍前鋒護軍等營遞裁以後扈衛軍未經編設以前凡例載守衛 禁門傳籌啟閉稽察出入各差使應酌調現經編練之陸軍官兵與未經裁撤之親軍等營官兵一併輪值分定章程各專其責俾資遵守以免互相諉卸之弊仍由各該管大臣隨時認真稽察以昭慎密惟此項兵丁宿衛 禁廷關係綦重現仍用北洋留駐之陸軍一俟京旗陸軍調撥來京如何分派更換屆時再行奏明請 旨 一侍衛爲近 御差使品秩清嚴自開國以來以宿衛材官出爲名將者指不勝屈現值振興武備尤宜特重其選擬請嗣後挑取侍衛擇陸軍各鎮著有成績之軍官及至陸軍學堂優等畢

業之滿漢世爵世職人員一體與選由各管大臣出具切實考語咨送 御前大臣領侍衛內大臣同考驗相符者帶領引 見請 旨補放仍仿古者番上宿衛之意以二年爲一班班滿之日軍官發回本鎮以應升之缺補用世爵世職發往練兵處以應升應補之軍職酌量補用頭班期滿咨取二班以次更代如有才猷出衆勞績卓著者准由 御前大臣等奏留恭候 特恩擢升禁衛峻秩俾昭激勸現在當差之侍衛除貴胄已另設學堂應照章分別入堂及隨時講習外其餘均由該管大臣擇年力富強資質聰敏者咨送陸軍學堂肄習凡侍衛及親軍等營課程應由學堂將會典所載宿衛事宜及日本等國衛兵諸制擇要編輯作爲一科與各項科學並授肄習三年期滿回京當差升等補用其年齒已長不能受學之員仍令照舊供職惟不得挑升等第以示限制 一挑選旗兵擬一律改用槍枝並試以文字惟快槍係屬利器初習者稍有不慎恐致失誤且平日演習子彈所費尤屬不貲近來中國工匠類能仿造洋式氣槍瞄準命中與各式槍枝無異擬暫令各旗營就近購備在原設箭坊演習遇挑補缺分時兵丁以發槍中數及識字多少爲比較均責成該管大臣秉公校閱按格挑補自奉 旨之日起即將所出缺分扣留凡例應挑補各兵丁勒限三箇月演習氣槍限滿即行考驗各省駐防一律辦理嗣後擬由臣部參仿各國教練新兵及體操

快槍章程另定簡易妥善辦法咨令各旗營駐防遵行以收實效至各項漢兵擬暫照現行  
章制按格挑選惟募補係權宜之計往往有籍貫不清及逃亡之弊應請 飭下練兵處妥  
議徵兵辦法奏明施行於軍事方有裨益 一定制旗員揀選月缺每年扣副將一缺參將  
二缺遊擊一缺都司三缺爲大揀補缺此外直隸山西陝西甘肅四川松潘一鎮遇有副參  
遊都守應用旗員缺出亦扣歸揀補爲小揀補缺均由兵部行文八旗侍衛處及鑾儀衛內  
務府步軍營等處咨取合例人員於次年二月內奏請 簡派大臣會同兵部公同揀選取  
其騎射優嫻讀例明晰者帶領引 見請 旨補授今既一律改習槍枝若仍舊舉行殊非  
畫一戎備之道擬請嗣後小揀補缺卽行停止將直隸等省向歸旗員揀補各缺均改爲題  
補之缺其大揀補事例臣部無庸先期扣缺暫歸外補其例應咨取人員由部發給執照送  
陸軍學堂肄習三年期滿由學堂將該員功課分數造具清冊分別等第咨回其程度合格  
者由部註冊遇有各省部推缺出屆時當釐定輪缺章程將此項人員擬選帶領引 見請  
旨補授惟各處咨取人員向以五十五歲爲限今擬改爲四十歲爲限倘所學程度未能  
合格任缺勿濫此係暫行辦法俟綠營遞減官缺遞減後卽分別停止 一各項滿漢世爵  
世職奏准承襲後無論已否赴部帶領引均應入陸軍學堂肄習兵學仿照侍衛及親軍等營

咨送學堂章程辦理三年期滿擇其列入優等膺宿衛之選者咨送考驗倘學課精進能與陸軍學堂同班畢業即照學員授職章程另行辦理凡未入學堂者雖已襲職祇以減半給俸不准補官以示區別如係世職佐領應於出缺時由本旗揀員暫署仍將應襲之員送學堂肄習年滿回旗再行請襲 以上各條係就暫行之法及經久之規統計兼籌約舉綱要惟政關沿革事鉅且繁必須逐細研究庶可推行盡善應俟 命下之日由臣部通咨各該管大臣遵照辦理如有未盡事宜仍由臣等分別妥議隨時具奏以期詳妥謹 奏光緒三十一年十一月二十日奉 旨依議欽此

各省軍事紀要

直隸 直省續備軍營弁王和鳴奉飭至深州徵兵有舉人孟清溪廩生張乃賡附生張潤涵文童高紀常等十三人投充當即稟奉直督袁慰帥批飭申送第四鎮派員選驗合格遂即挑歸學兵以示優異

河南 晉匪南渡河經管帶豫北營謝游擊中途截擊立時潰散先後拿獲匪目米連盛史柱趙守成楊榮盛等四名趙守成長罪自戕餘均解晉正法又續獲楊雙虎李占鰲張添順等五名解晉審辦外來匪勢始就銷滅

惟豫境匪徒趁此人心惶惑多方煽誘旋經河北鎮張總戎督軍親往陝洛鎮撫派員密訪嚴捕拿獲票匪首蘇學濱周秉章楊得祿辛逢和等並搜出票板及會中條約三本報經省憲飭由河陝汝道崇觀察一併訊確嚴懲並諭令被誘愚

民呈繳票布概予免究地方一律平靖

江蘇 甯江督練公所近又續定陸軍退伍章程以示鼓勵凡三年退伍之兵其才識過衆者優予差委文學優長者准充蒙小學堂教員體操嫻習者准充蒙小學堂體操教習年輕有志者送入陸軍學堂肄業其年長而一無所長者則分別給予頂戴行知各該府縣原籍註冊作爲兵士出身地方官一律以紳衿看待

江西 石城攻城劫獄一案自將匪首溫紹基熊非子等拿獲外尙多漏匪未獲近經贛州鎮所統新營曾哨弁偵知填場嶺爲該匪巢穴即率勇馳往拿獲匪魁溫團生溫銘子等解縣訊究 長甯窰鄉爲內外巨匪巢穴封山者每名山手下數千人數百人不等現經贛南道江觀察拿獲迭次槍劫之內匪梅流運即浪山黃松林即紫山劉廷彬即廷山林上聽即雙山古自成即臣山劉官保即玉山李永享李永接劉世祥王暴眼林昌遠又外匪吳滿黃金太劉維權等十四名均各訊供不諱即稟奉撫憲電飭准予就地正法

浙江 紹興大嵐山匪首張得錦現由浙提呂軍門偵知蹤跡追至上虞擒獲解縣訊供不諱惟因格傷甚重奄奄垂斃當即電稟浙撫張筱帥旋奉批飭就地正法並臬首傳示各鎮 玉環匪首趙如璋太平匪首朱堯燦勾結兩邑匪徒拜盟立誓除滅洋教太平縣某大令即會同太平營參將張守備新河防營梅管帶等馳往會拿朱堯燦聞風奔逃卒被官軍追獲訊供約期起事焚燬教堂不諱並搜出票布二張有洪家兄弟奉天一統等字樣惟因中鎗重傷旋即身死趙如璋輩逸未獲惟燬其匪巢

陝西 陝省現設督練處督辦一員由陝撫曹竹帥兼攝其兵備參謀數練三處總辦分由藩司樊方伯臬司錫廉訪存記道張觀察記名提督萬軍門暫行會同兼辦兵備處分設三科曰律令科曰籌備科曰醫務科參謀處分設二科曰謀

軍事

五十一

丙午

軍事

五十二

二月

陸科日測繪科教練處分設二科曰校閱科曰教育科已於乙巳九月開辦

四川 西藏察木多匪徒滋事抗拒官軍駐藏各員飛稟川督錫清帥請速添兵馳往彈壓因派續備左右兩營馳赴察木多防剿

各國軍事紀要

土耳其 土國潭納都島之潭納都城已爲列強艦兵所據

俄 俄前兵部大臣薩克勞夫爲一女革命黨所刺身受三槍而斃 俄革命黨刊發檄文布告全國後黎加 黎哇尼

省 柴古羅羅 連彼得堡 莫斯科諸處相繼叛亂而莫斯科尤甚兵民血戰死亡無算旋經官軍力剿亂勢漸靖



## 財政

論國立銀行之性質 錄丙午正月初五日南方報

吾國之有銀行。自通商銀行始。當時實由戶部撥款。以爲資本。而其營業之性質。則與尋常之商業同。故可稱爲民立銀行。而得官款之補助者。未可以國立銀行稱之也。近戶部創設銀行於津滬。將以爲流通貨幣。綜理財政之機關。此其用意。殆與外國之國立銀行同。雖資本不豐。辦事亦未能盡合乎法。然窺當軸之意。殆有所遲回而未發。非竟以此區區爲滿意。記者竊料將來。必有擴充整頓之一日。此事影響於財政者至大。故敢狂所知者。以備采擇焉。按國立銀行之宗旨。在宣通滯塞。調劑盈虛。使一國之經濟。常處於均平。而無擾亂恐慌之患。而行政之便益附焉。雖其間獲利頗豐。然其對於上下應盡之義務甚多。且務爲穩重之行。爲故較之商立銀行。其利益未免大減。此在國家固明知之。而故爲之者。蓋國立銀行。幾全屬行政之範圍。與民間營業。不可同日語也。今戶部既爲整理財政。而設銀行。奏派員司。以重其事。其模範已爲國立。然揆度情勢。上意之所重者。猶不免專注獲利之一途。方今國計奇窘。爲此以給度支。亦未嘗非挹注之一策。然竊意既爲國立。則其方針。有不得不早

財政

一

丙午

定者方針定然後辦法隨之而定辦法定而後宗旨可達成效可期中國辦事往往其始也。因事機阻格度不能達其宗旨遂權宜遷就之及沿襲既久乃杳不知昔之宗旨所存其辦法遂一成而不能易殊不知重大之舉當爲久遠之圖當夫首基雖不得已而有所遷就然不可不預爲改良之備否則辦法必難貫徹與初旨必相刺謬矣今所立銀行雖未能悉準他國辦法然國立銀行之宗旨固辦理者所亟宜知夫國立銀行有中央地方之分爲國家財政機關之所寄凡一國之出納莫不由此其應享之權利約有二事一全國之租稅皆納於銀行而由銀行存貯國家不取利息一國家發行紙幣常以國立銀行爲機關而國家爲之保證其應盡之義務約有八事一國家所存歲入之款有保守不得虧欠之義務一國家歲出之款有經理支付之義務一國用困乏時有設法資借之義務一因經理歲入爲便民故有明知不能獲利而必設支店於某處之義務一爲國幣流通有調劑盈虛使市面均平之義務一民間經濟恐慌有出巨金以維市面之義務一國外競爭有協助民間各業之義務一國家發行債票有經理之義務其餘不一而足此八者皆幾爲無權利之義務即所享之兩權利亦不完全蓋列國大抵以中央銀行爲國庫存貯之款不能擅自取用其所利者獨紙幣耳然準備之金仍與他銀行等故國立之銀行殆無特別權利之可言而特別之義

務。則。甚。多。即。如。上。八。條。其。有。損。營。業。之。利。益。者。豈。可。勝。計。民。立。之。銀。行。於。貨。幣。高。下。之。間。可。
 出。儲。蓄。以。弋。善。價。而。國。立。者。不。能。也。民。立。之。銀。行。其。設。支。店。某。處。可。以。自。由。而。國。立。者。不。能。
 也。民。立。之。銀。行。於。流。通。貨。幣。無。責。任。而。國。立。者。不。能。也。凡。此。皆。國。立。銀。行。不。利。之。處。然。合。諸。
 不。利。而。成。一。大。利。則。如。上。所。言。宣。通。滯。塞。調。劑。盈。虛。使。一。國。之。經。濟。常。處。於。均。平。而。無。擾。亂。
 恐。慌。之。患。是。已。蓋。此。乃。國。家。之。責。國。家。不。能。自。爲。而。設。銀。行。以。爲。之。銀。行。受。國。家。之。任。以。行。
 政。與。他。官。職。同。所。異。者。尙。有。躬。營。之。商。業。耳。故。其。辦。法。使。銀。行。足。以。自。給。爲。止。與。他。銀。行。之。
 投。機。競。進。冀。獲。鉅。利。者。不。同。而。以。此。故。亦。永。立。於。不。敗。之。地。此。皆。國。立。銀。行。特。別。之。情。狀。也。
 今。新。立。銀。行。資。苦。不。豐。礙。難。盡。如。許。之。義。務。然。此。時。亦。儘。有。不。必。盡。者。蓋。國。家。歲。出。歲。入。一。
 時。斷。不。能。即。歸。銀。行。而。國。幣。流。通。亦。祇。能。先。及。通。商。口。岸。暨。繁。盛。都。會。維。持。市。面。其。權。不。在。
 市。僧。則。在。洋。商。倘。非。勢。力。既。雄。亦。難。爲。力。如。此。等。款。今。日。皆。毋。庸。臆。測。然。既。以。辦。國。立。銀。行。
 爲。宗。旨。則。無。論。遲。早。必。須。達。其。目。的。方。無。媿。國。立。之。名。且。財。政。之。困。難。糾。紛。尤。非。以。此。立。其。
 綱。不。能。從。容。就。理。是。爲。大。局。爲。將。來。計。皆。不。可。不。於。此。時。加。之。意。也。願。當。軸。熟。思。而。審。處。之。
 幸。願。名。以。思。義。則。得。之。矣。

戶部奏試辦京津上海等處銀行酌擬章程摺

財政

三

丙午

竊臣等前經奉旨試辦戶部銀行當即恭擬章程三十二條並遴派總辦等員於上年三月間奏明在案伏查國家銀行之設所以維持財政整齊圖法有流通銀銅幣之責有發行紙幣之權臣等奉命以來即督飭該總辦等員盡心籌畫現當整飭財政之際天津造幣總廠業經試鑄必須有官行收發方可免市儈把持則戶部銀行之設勢難延緩臣等公同商酌商股一時未能驟集擬先由臣部銀庫撥銀五十萬兩先行開辦以後再隨時籌濟京師設立總行天津上海設立分行即於本年秋間擇吉開辦督飭該總辦等認真經理一面仍由臣等設法厚集資本延訪通曉財政商情之人逐漸推廣總期各省各埠徧行開設以維權利而便商民茲謹將酌擬試辦現行章程六條繕具清單恭呈御覽如蒙俞允即由臣部行知各省遵照辦理謹奏

謹擬試辦現行章程恭呈御覽計開一銀行既經開辦凡官商軍民人等有願附股及存放款項者本行一律照收官利息銀均照前奏章程辦理一三處銀行經理之人由臣部遴選熟悉銀行商號情形者令總辦等與之訂立合同取具押櫃銀兩安實商號保單先行試用仍責成該總辦等長川分赴監視考查一切出入款項及帳目要件均須過目如有不能勝任者准該總辦等隨時稟明撤換一戶部官廠鑄出銅元除戶部提用外其餘

均應按照時價交銀行行銷各省 一各衙門有關係整頓財政圖法之事均可立定章程交銀行代辦但與貿易無大危險之處銀行即當遵照辦理 一京津滬三處銀行現均租賃房屋先行開辦以節經費俟辦有成效再行請款修葺房屋以期經久 一各省匯解部款官款均宜由銀行代為經理未設分行之處可照臣部前奏章程責令殷實商號代辦

財政處戶部會奏遵 旨設立天津銀錢總廠酌擬開鑄簡明章程摺

竊臣等欽奉 諭旨設立鑄造銀錢總廠業將建設天津緣由並勘定地勢籌商建造情形隨時 奏報在案查鑄造銀銅各幣必須購置合宜機器當經督飭該提調等向天津瑞記洋行定購美國常生廠新式鑄造銀銅圓通用機器全份訂立合同限期運津並由該提調等會同升任天津道王仁寶將全廠工程催趕建造嗣於本年春間工程修造報竣該洋行所定各項機器亦已催令陸續運齊督飭華洋工匠隨到即行安設現亦安配完竣當即遴派員司招集工匠於本年五月初八日開機先行試鑄銅幣臣那桐臣張百熙於本月先後前往天津覆加察勘各項機器尙屬靈便堪用廠房建造亦均如式惟機器原定每日可出大小銀銅各圓共六十餘萬枚現時甫經試鑄機器未免生澀人手亦未熟諳出數尙少將來運用純熟自當日見增加除將全廠房屋機器照成圖樣二分並鑄成銅幣四種已先

行呈進外茲謹將酌擬簡明章程八條繕單進呈 御覽嗣後仍當由臣等督飭該提調各員加意經營因時籌畫一俟辦理稍有把握即當鑄造銀幣並添購機器逐漸推廣以期仰副 朝廷整齊圖法通變宜民之至意再此摺係財政處主稿會同戶部辦理合併聲明謹  
奏光緒三十一年七月二十二日具奏奉 旨依議欽此

謹將酌擬天津銀錢總廠簡明章程恭呈 御覽 一本廠係奉 特旨設立與各直省所設不同惟因運煤運料之便是以前經臣等奏定在天津設廠現在廠屋業經造齊宜定名稱臣等公同商酌擬命名曰戶部造幣總廠所造三品之幣即文曰大清金幣大清銀幣大清銅幣通行天下以歸一律 一本廠之設原以整齊圖法本須鑄造金銀銅三品之幣惟圖法關係重要不厭詳求金銀兩種分兩成色尚須通籌定議而近年以來制錢短少京師當十大錢亦苦不敷行用是以擬先鑄銅幣現定銅幣計分四種大者重四錢值制錢二十文次重二錢值制錢十文又次重一錢值制錢五文最小者重四分值制錢二文成色均定為紫銅九十五分配白鉛五分以上銅鉛成色均須配足鑄成之後仍隨時提出化驗設有不符則應回爐重鑄俾免參差 一前奉 旨由戶部撥給銀四百萬兩作為開鑄成本現在購地建廠工料各費並購備機器銅鉛雜料即係由戶部隨時商撥其創辦員司匠役薪

水工食係由財政處生息項下暫行撥用銅幣開鑄之後所獲餘利除本廠開支各項並留公積及花紅各一成外其餘全數提存戶部嗣後擴充鑄務增廠添機及籌備鑄造金銀幣成本屆時需用款項仍由戶部照數撥給 一本廠鑄出銅幣自應先儘京師行用有餘再發行各省無論是否通行銅圓地方均可將本廠所鑄銅幣運往發行該地方官均應隨時保護飭令市面商民流通行用一切公款並須與制錢一律照收不得稍分畛域如有阻撓挑剔者即由財政處戶部查明參辦 一本廠隸於戶部部庫調取銅幣搭放俸餉本應照成本核算惟本廠與各省不同各省不過戶部偶然調取本廠須供戶部常年之用若均照成本核算則局用薪紅將無所出且本廠除成本外餘利本係全歸戶部自無庸沾沾於此擬嗣後鑄成銅幣解交戶部搭放俸餉者即照戶部搭放扣回銀數作價以保餘利 一本廠事務重要必須在事各員實心實力方能日起有功勸懲之方不可不設查廣東吉林兩省因鑄造銀銅各圓獲有餘利業經該將軍督撫將出力各員擇尤保獎況本廠事屬創辦頗費經營尤應酌定功過規條以昭懲勸擬請俟開辦二三年後著有成效即將實在出力各員由臣等擇尤酌保其在廠不及二年者不得列入其有不甚得力之員則當隨時撤換儻查有舞弊營私劣迹即行據實糾參 一各省鑄造銀銅各圓所得餘利除近年有認解

財政

八

二月

練兵經費並浦江工程外其餘多稱留辦地方新政之用作為本省外銷經戶部催令將詳細章程報部至今多未開報今本廠辦理各事出入均係部款經臣等飭令實用實銷自未便以歷來各省造冊報銷之成例相繩嗣後每屆年終應令該提調等督飭員司將該廠一年出入款項據實開具簡明清單報知財政處戶部由臣等覆核具奏以歸簡易而昭核實

一本廠每屆年終將鑄出銅幣收回款項除銅鉛煤炭各項價值以及添修工程薪水局用各項支款外合計淨利若干分作十成提一成作為本廠公積一成作為花紅下餘儘數撥交戶部其所提一成花紅參酌各省章程以十之三分給提調各員以十之五分給全廠員司匠役以十之二分解財政處戶部作為飯食銀兩至公積一成仍按年列入公款作正開銷 以上各條係體察現在情形分別酌擬其餘未盡事宜或有應行增改之處當隨時斟酌損益奏明辦理俾臻妥協

財政處戶部會奏整頓圓法改歸一律酌定各省通行章程摺

竊臣等於上年四月間欽奉 諭旨建設銀錢總廠整頓圓法當即在天津度地建廠購定機器現在機器安設完竣開機試鑄銅幣所有開辦情形業經另摺奏報惟總廠既經開鑄即應妥籌鑄幣劃一章程通行各省以期仰副 朝廷整頓圓法裕國便民之至意查



中國鑄造銀圓始於廣東意在抵制洋圓兼以補制錢之不足嗣後湖北江南直隸浙江安徽奉天吉林等省亦陸續購機鑄造惟以所鑄銀圓規模絕異成色分量又不免各有參差以致民間顯分畛域此省所鑄往往不能行於彼省仍不如墨西哥銀圓之南北通行近年以來添鑄銅圓因制錢短絀民間樂於行用而鑄造之餘利又復甚鉅是以各省爭先請鑄紛紛不已然以自相爭競之故近來機器銅鉛價值業經見漲銅圓價值亦經見落若仍復自鑄自用各立門戶恐銅價益漲錢價益賤數年之後新幣充滿行銷不易必至漸虧成本且與各國新定商約已有立定一律國幣之條若任各省自爲風氣恐於劃一幣制之意去之愈遠查各國金銀銅三種制幣多歸一廠鑄造其權操之政府考察市面流通幣數不足則增鑄有餘則暫停故能維持價值不致隨時漲落中國地廣人多似非一廠所能敷用擬於財政處總廠之外再擇鑄造銀圓著有成效者酌留南北洋湖北廣東四處作爲分廠鑄造銀幣至銅幣一項現在各省尙未充足所有已設之廠不妨暫仍其舊惟照戶部前奏不准再有增添仍由臣等考查成色分量均令一律發行價值不得參差如有不遵此次奏章辦理者一面飭令停鑄一面將經手人員奏參至各省鑄幣必須隨時斟酌損益俟所鑄足數應用由臣部體察情形飭令暫停各該省卽應照辦不得以尙須籌款藉口如此則鑄造

附 政

九

丙午

附 錄

十

二 月

不致過多聲氣可期聯絡仍與一廠無異茲謹就臣等擬議所及酌定章程十條恭呈 御覽如蒙 俞允卽由臣等行知各該省遵照辦理謹 奏奉 旨依議欽此

謹將籌擬整頓圖法酌定章程十條恭呈 御覽 一現欲整頓圖法統歸一律擬請銀幣一項俟定準分量成色專由總廠鑄造仍留南北洋廣東湖北四局作爲分廠由總廠發給模樣成色分量花紋均須一律每批鑄出銀幣抽出數圓彙解財政處戶部派精通化學人鑄化考驗成色之參差分兩之輕重均不得逾百分之一如有不符卽將所鑄銀幣重行鑄化改鑄仍將經手之員分別參辦除總廠係財政處辦理外其南北洋粵鄂各局並由財政處戶部遴派廉幹妥員前往稽查以昭鄭重 一銅幣較銀幣稍可從寬擬將各省現在業經開辦之局暫行留辦但准就現在所有機器鑄造不准添機增鑄其未經奏准者均不得再請設局鑄造銅幣成色用九五紫銅五釐白鉛願用點銅錫一釐者聽分量定準當二十者重庫平四錢當十者重庫平二錢當五者重庫平一錢當二者重庫平四分由戶部頒發祖模均與總廠所鑄一律惟於正面加鑄省名一字以便查考每次鑄出均須呈送財政處戶部化驗並由財政處戶部隨時遴派妥員前往稽查如有不遵奏定章程者卽時令其停鑄並限令將發出各圓收回銷燬 一鑄幣所以便民若多鑄當十當二十兩種民間購買

零星物件不能分析殊爲不便是以戶部總廠所定章程有當五當二兩種銅幣以資補助今擬定立限制各省局每日所鑄銅圓以十成計算約鑄當十者五成當五當二者各二成當二十者一成其當二以下則以舊有制錢搭配應用 一鑄幣之數必須酌劑盈虛以民間需用之數核計方能保其價值若鑄造日多價值日落商民藏儲必多虧折是便民者轉而厲民嗣後各省所鑄銅幣應令該省所設官錢公估等局酌量市面情形定價隨發隨收持之以信按照所鑄當制錢數目與制錢一律行用不准市僧把持出入減折亦不准鑄局爭利減價發行至市面銅幣有餘卽應遵照部議停鑄 一各省所鑄銅幣應令先儘本省制錢短少之處發行不得大宗販運出省致令他省有充斥之患若各省需用銅幣則可備價至總廠領取其邊遠省分准交鄰省局廠代爲鑄造運回本省應用 一各省已設之銀銅圓局卽由該督撫將原購某國機器件數內有印花機器若干部共需價值若干建造廠房價值若干以及現在共用員司若干每日工作若干時共出銀銅幣數目若干限三箇月咨報財政處戶部一次嗣後應將購買銅鉛等料價並一切局中經費各款若干除淨實有贏餘若干按年詳細造報一次以憑比較考核 一總廠將來鑄造銀幣需用銀兩甚多若皆由部庫請領往返運解腳價過鉅擬請俟銀幣酌定鑄造之時由戶部於解部京餉內撥

其銀兩成色素足者派定數省行令嗣後京餉徑解天津交造幣總廠責成該廠提調等員兌收清楚即日備文報知戶部由戶部限期印發批迴仍寄本廠發交委員至戶科江南道本有稽查京餉之責此數省餉銀既改由天津兌收應將舊例量予變通核實辦理以後戶科江南道毋庸由解員隨時呈驗迴批以免守候而昭簡捷惟稽查京餉關係甚重每屆半年應由戶部將造幣總廠兌收各省餉銀數目行知戶科江南道各該省督撫亦每屆半年咨報一次以便彼此核對庶稽考愈昭嚴密而舊例亦不致紊亂矣 一鑄幣乃 國家特有之權中外古今均不准商民隨便鑄造今商人見銅圓利鉅多生覬覦往往請集商款鑄造名爲報效銀若干萬兩實欲侵奪 國家固有之利而分其少數以爲報效其心惟在牟利何能顧及大局若准其鑄造必至爭競擾雜其弊有不可勝言者今各省官局既不准添設分廠更無轉准商辦之理擬請 飭下京外各衙門凡有商民請鑄銅圓者一律議駁並由臣等隨時查訪如有銀銅圓局暗攬商民股本者雖業經奏准之局亦飭令登時停辦以保利權 一戶部總廠鑄出各圓各省均應通用俟戶部銀行開辦以後所有總廠鑄出銀銅幣除戶部提用外所餘均交銀行承領擇各省制錢短絀之處可以隨時運往定價發行 一各省銅圓局創設之初鑄造不及往往購買日本鑄就銅餅一經印花便可行使看似

便利然外洋人工費用皆貴於我而造成銅餅運來價值尙不甚昂貴則其成色分量之不足如法可知況洋商販運之時不免夾帶多枚出售圖利易啟奸人私鑄之端現既擬將成色分量劃定一律且各省設局已久不至有趕造不及之虞總以自行鑄銅鑄造爲是是以臣等前經咨行各省禁止購買擬再請 飭下各省督撫禁止購買此項銅餅並由外務部轉飭稅務司凡有販運造成銅餅一律嚴禁入口以防流弊

戶部奏清釐淮鹽額產據咨改奏摺

前臣部奏准籌餉酌擬十條內清釐兩淮額產一條以兩淮引鹽產多銷少令兩江總督切實查明設法整頓旋據前督臣魏光燾咨據兩淮運司恩銘查明現在實存鹽數請寬免從前虛報溢產處分並請更定額產數目等因前來臣等查額定產鹽之數向多於額銷之數此不獨兩淮爲然斷未有產數絀於銷數而可著爲定額者淮南二十九年各岸銷鹽內除北鹽南運各引不計外實銷南鹽五十三萬三千三百餘引尙不足道光年間原額今不舉淮南額定引數與近年實銷引數通盤核計遽請以歲產四十萬四千五百引作爲產鹽定額誠如所擬則以二十九年銷數計之已需額外鹽十二萬八千八百餘引若將來各岸銷市或更有起色勢將無鹽濟銷該運司亦深慮及此此淮南產額之應再核也至淮北額定

產額三十一萬一千一百九十七引雖爲舊例然以淮北二十九年銷鹽四十萬四千九百餘引每引四百斤又北鹽南運五萬四千二百九十餘引每引六百斤申合北引八萬一千餘引核其總數亦銷額外鹽十七萬五千餘引今乃拘泥舊例不爲另定產數仍屬名實不符此淮北產額之應再核也兩淮產鹽考成始於嘉慶九年歲應產二百萬引有奇今之缺溢考核冊報第沿咸豐年間暫定之額併所報溢產計之視原額猶相去遠甚現既請更定產額自應規爲久遠之計就淮北而論據稱報收鹽數均係實在則所以補票鹽之缺濟江蘇之需者均於是乎賴應亟查明海屬三場近年實產鹽數另行酌中定額務與銷數相符其淮南二十場據稱截至二十九年底止僅存鹽六十四萬八千二百三十九引核之原報存數短少甚鉅其缺鹽之故皆係虛報於未收之先致存數與收數不及一半等語是其盤查現在實存鹽數並未考核現在實產鹽數謂各場收鹽之多虛報則可謂各場產鹽之多虛報則不可乃因力矯虛報之弊而從銷數最少之年作爲永遠產額尙未斟酌盡善大抵淮南溢產之鹽未能全數歸垣者皆由透私之所致卽如通屬私鹽多販於浙鹽引地是其明證如皆咎於各場之虛報則該各員之因虛報而免議處者可寬其既往因虛報而邀議敘者豈皆可置不論乎且自海勢東趨以後如泰州之劉莊通州之金沙等場久無停繳

歲買鄰場之鹽以充本場之額則此久不出鹽之場幾同虛設今既更定額產數目若者宜裁若者宜增首應分場詳加釐訂若必依違舊例恐各場員狃於考成而虛報之弊終未能絕又淮南定章每引正鹽六百斤耗鹽六十斤則成引出場時必如通屬之角斜枱茶泰屬之草堰廟灣等場每引開除三桶四分二釐通行一律方昭公允乃若呂泗一場至每引開除四桶五分八釐之多是以前九百餘斤成引徵特寵戶不勝其累於鹽法亦大有窒礙此豈可不亟爲更定者該運司辦事認真早荷 聖明洞鑒應請 飭下兩江總督轉飭通盤籌畫將通泰海各場近年實產鹽數切實考查另行分別定額並將出桶成引各數一併核定總期於產數與銷數交相維繫事關更定考成仍應由該督妥議奏明辦理謹 奏奉 旨依議欽此

上海信成儲蓄銀行有限公司招股章程並啓

銀行之大別有四曰國家銀行曰勸業銀行曰庶民銀行而儲蓄銀行居其一儲蓄銀行濶觴於西歷一千四百年意大利之折努阿人始創之於威尼斯其後一千六百九年阿姆斯特坦達姆設銀行益講求儲蓄之法至一千八百八十七年瑞西之威耐亦設儲蓄銀行而規模漸備其宗旨在代小本經紀及行棧店夥食力之人收存零星款項一一爲之生息而卽

以之營銀行所應營之事業故於外來存款數雖極於至微時雖極於至暫靡不爲之收儲而予以相當之息前此歐洲各國小民於日用之外稍有餘資每因爲數微細不甚足惜輒消費於無用之地自有儲蓄銀行爲之積少成多聚沙成塔而且取攜至便如藏外府於是人樂蓄聚不復浪用數稔之後往往由窮簷而爲中產之家既富方穀風俗亦以之日教焉生計學家謂此種銀行之設不但可勸小民節蓄勤儉之風爲富國之至術抑且教化之行實寓之於一國之社會實有莫大利益洵確論也日本知其然也故自明治二十六年七月政府實施儲蓄銀行條例以後國中儲蓄銀行一時遽起當明治二十六年僅有儲蓄銀行二十四家二十七年增至三十一家二十八年九十二家二十九年一百九十三家迨三十年乃至二百二十八家其資本之額明治二十六年通國儲蓄銀行共僅資本五十六萬六千五百元二十七年尙僅六十八萬三千元至三十年通國儲蓄銀行之資本驟增至一萬一千三百五十四萬五千四百二十元是年合全國各種銀行併計其資本總額不過三萬二千一百五十九萬三千十四元而儲蓄銀行之資本共占三分之一其發達可謂速焉矣吾嘗考彼國儲蓄銀行所獲之贏率明治二十七年每股本百元派分盈餘十五元九角六分二十八年每股本百元派分盈餘十三元一角八分二十九年每股本百元派分盈餘



十三元六角九分藉非業至穩安利至豐厚何以得此吾中國近年雖亦創辦通商銀行議辦戶部勸業各銀行而儲蓄銀行顧未有提議及之者坐使編氓稍有餘資存儲無地輒以爲其細已甚泥沙視之隨得隨耗而市廛遂因以少鉅款之流通此誠商界一大缺陷也廷弼等有鑒於此爰特蒐討東西各國儲蓄銀行辦法稟奉商部批准集股做辦除先由創辦人認股二十萬元外擬照有限公司例另招股份三十萬元以足五十萬元之額夫以日本區區三島之地業此者至數百家之衆而每歲每百元所得溢利尙恆有十三四元之多矧以中國地大物博創辦者祇此一家將來入股諸人贏率之優復奚待言凡我官商幸各踴躍爭先成此創舉共牟大利有厚望焉 招股章程 第一節 謹遵商部奏定公司律定爲信成儲蓄銀行有限公司一切均照有限公司定例辦理<sup>以上</sup> 第二節 現蒙商部批准招集股本銀五十萬元創設儲蓄銀行擬由創辦人五人轉邀承集人十二人擔承集股之責其股或獨任或分招悉聽其便 第三節 分招之股份以洋五十元爲一股掛號時先繳五元開辦前一月續繳二十元總共二十五元填給副股票一紙息摺一扣俟開辦後將第二次股銀分期繳足再換正股票 第四節 遵守公司律無論官商均可入股惟此係中國有限公司專集華股不收外股 第五節 股本官利按照常年七釐計算 第六

節 逐年盈餘除酌提公積外餘按十四成攤派以八成派給各股東以二成派給積餘股項下以二成爲各執事花紅以一成爲各董事酬勞以一成爲創辦人酬勞 第七節 每年結帳兩次六月爲一小結臘月爲一大結俟帳結清即登報廣告定期分派各股東息銀餘利均憑股摺支取 第八節 不論股份多少股本大小所有餘利一律照派 第九節 集股之期以光緒三十一年八月十五日爲始所有第一次應繳股本每股二十五元除掛號先繳五元外餘二十元俟開辦期定先一月知照務儘開辦前一律繳齊 第十節 各股東應續繳股銀均先期於一月前通知逾期不繳應照商部定例另招他人接受 第十一節 按照商部奏定有限公司辦法股本繳足以外再不向股東添取款項日後公司設有虧欠儘公司產業變償不得另向股東追補 第十二節 各股東入股後如有願將股票出讓者應由讓股人至公司掣取印就之讓股券填寫簽字併邀中證簽字與股票摺同交本公司帳房以便隨時代爲過戶每股收過戶費五分 第十三節 股票如有遺失應由本人邀請體面保證同至公司報明一面刊日報廣告如三箇月仍無下落實無別項糾葛者即另填給新股單以昭信守每股收補單費二角 第十四節 各股東住址距上海較遠者所有應得官利餘利可持股摺向附近各分行支取 第十五節 公司所作買

易均照東西洋各儲蓄銀行參酌辦理 第十六節 儲蓄銀行係爲方便小本經紀及凡農工商界食力之夫積存零星款項而設存款不拘多少無論何人凡有銀洋滿一元以上均可存儲行中生息其款存儲到行立即給以存票憑票付息其息長期及滿一年者週息五釐半年者按週息四釐三箇月者按週息三釐不滿三箇月者按週息二釐半 第十七節 如有躉數鉅款存儲到行悉照零款例一律計息 第十八節 擬另開收積餘股份約以五千股爲度認股者每股每月繳洋二元收至五年期滿約計利上加利每股可收回洋口百口十口元口角詳細情形另載專章 第十九節 做照日本銀行章程募集債券每年二次其辦理情形另詳專章 第二十節 印造百元五十元十元五元一元五種鈔票通行市塵預備現款存儲行中以資周轉 第二十一節 兼出市面通用平色百兩以上銀兩等票及匯寄各埠之匯票以便商民 第二十二節 專做各項妥當押款凡有本埠地皮房產貨物棧單欲抵借款項者均可至本公司抵用 第二十三節 買賣各行有價契券如地皮道契房產印契及股票棧單之類但須由本公司估量適宜定奪可否 第二十四節 匯兌及兌換各國金銀貨幣 第二十五節 與同業及本地匯劃各錢莊互拆現銀 第二十六節 押款拆息隨時漲落市價不同均按照各銀行通例軋算 第二

十七節 凡銀元各款概歸銀元計息銀兩各款概歸銀兩核算各埠平色不同遇有匯劃悉照該處市面通用平色加減折算 第二十八節 凡無抵押之借款及空匯票一概不做決不稍徇情面 第二十九節 本銀行凡遇禮拜日期照常辦事並不停歇以便工人得各以其暇日來行收付款項每日自午前九點鐘起至午後四點鐘止為辦事時刻 第三十節 凡商務繁盛之埠均設立分行其內地各府州縣由殷實商家覓保代辦以廣招徠以上 第三十一節 公舉總理一人如西人大班之例協理一人如西人買辦之例又董事員十一人查帳員二人協同辦事其協理均由董事選舉董事員查帳員俱於創辦人承集人內由各股東公舉 第三十二節 承集人能肩任股份如創辦人認股之數者即作為創辦人各股東能肩任股份如承集人應招之數者即作為承集人 第三十三節 選舉董事員查帳員俱以各股東投票多少之數為準 第三十四節 總協理董事員查帳員任事期滿如衆股東以為勝任仍可公舉續任 第三十五節 董事員薪俸之數由總協理酌定總協理查帳員薪俸之數由董事酌定 第三十六節 總協理以下一切執事人員升降黜陟薪水酬勞均由董事公同擬議聽總協理定奪 第三十七節 日行尋常事件俱由總協理各執事人照章辦理其重大或特別事件應由總協理請董事會議議

決列册然後施行<sup>以上</sup> 第三十八節 公司應辦事宜每年以正月七由各股東在上海總行開會會議一次是謂定時會議其有重大事件則由總協理會同董事隨時招集各股東會議是謂特別會議 第三十九節 會議各事定奪可否視議決權之多少為從違其股東之議決權每有一股者得一議決權如一人有十股即得十議決權百股千股以此類推倘股東因事不能到場會議可出具憑證派人代表或復函從眾亦可 第四十節 尋常事件應會議者由董事隨時會議亦以多數為決斷 第四十一節 每屆議事均就董事中公推一人充正主席一人充副主席如所議之事可否之數適兩相等主席可加一議決權酌理以決定其事 第四十二節 會議時議決之件均由書記登載議事册內由各與議人簽名存儲公司備查 第四十三節 應辦之事既經會議議決總協理各執事人應即照此辦理<sup>以上</sup> 第四十四節 每年六月十二月將各項帳目揭算一次年終刊刻帳略由查帳員核對無訛加蓋圖記分送各股東查核 第四十五節 年終刊刻帳略應將公司出入總數本年貿易情形本年贏虧之數擬派利息並撥作公積之數公司現存股本及人欠人之數一一揭載明白 第四十六節 公積滿五十萬元後每股應加給股票一紙與正股一體支息派分餘利<sup>以上</sup> 第四十七節 本銀行總公司擬在上海南

市萬聚碼頭翻造三層樓洋式房屋按照銀行規制佈置另在北市自來水橋北境設立分行 第四十八節 開辦以前以上海頭壩昇昌鐵號無錫竹場巷商會及各創辦人承集人處為本公司掛號認股之所 以上地址 第四十九節 紳商願入股者應自此項章程刊佈之日起不論本埠外埠俱以三箇月為限按照西法先行掛號每股先繳股本銀五元限滿截止如投股之數溢出股額之外照各人原認股數酌量勻給 第五十節 股銀交到先擊收條俟股票填齊再行換給 以上掛號

練兵處籌款清單

直隸省 派定之款 煙酒稅八十萬 中飽稅契等項三十萬 認籌之款 煙酒稅同上 中飽稅契兩項同上 人計稅契十五萬 糧租折征盈餘二萬 宣屬屯糧糶價二萬 永定大名河工撙節歲修四萬 宣屬鹽利二萬 優缺州縣滾提五萬共三十萬 汰併冗員局所十萬 一類因此准裁撤員 奉天省 派定之款 煙酒稅八十萬 認籌之款 俟地方平靜查 江蘇省 派定之款 煙酒稅五十萬 中飽三十五萬 認籌之款 丁漕二十一萬 蘇局銅元餘利六十萬 甯局銅元餘利八十萬 廣東省 派定之款 煙酒稅五十萬 中飽三十五萬 認籌之款 共十五萬 俟東軍撤撤 四川省

派定之款 三十萬 認籌之款 三十萬 山西省 派定之款 煙酒稅四十萬  
 中飽十萬 認籌之款 巡撫報効三千 藩司四千 臬司二千 襄甯道三千 河東  
 道三千 雁平道八百 歸化關解撫署公費一千八百共一萬七千六百兩 澈查煙酒  
 稅隱匿並裁減用費四萬兩 荒地等項一萬八千兩 萬商稅一萬兩 膏稅一萬五千  
 兩 山東省 派定之款 煙酒稅三十萬 中飽二十五萬 認籌之款 加酒稅十五  
 萬 加煙稅一萬 商運票課錢價盈餘一萬 東海關道節省一萬 糧道又一萬 運  
 司又二千 另官捐十萬 一次 江西省 派定之款 煙酒稅三十萬 中飽二十萬  
 認籌之款 煙酒加稅四萬兩 州縣後缺盈餘八萬兩 內丁漕銀價六萬八千兩 糧米捐銀一萬二千兩 司道府  
 州縣報効八萬兩 湖北省 派定之款 煙酒稅三十萬 中飽二十萬 認籌之款  
 銅元盈餘五十萬 提陋規省廢費裁冗員 三共三萬兩 浙江省 派定之款 煙酒  
 稅三十萬 中飽二十萬 認籌之款 提各署辦公津貼共一萬四千四百兩 計辦署三  
四百兩 稅官署一千兩 各廳州縣丁漕節省三成役食各局盈餘二十萬 整頓煙  
 酒稅四五萬 裁官省費一萬兩 裁併局所並契稅等二三萬 以上湊集三十萬加銅  
 元餘利六十萬通共九十萬 福建省 派定之款 煙酒稅三十萬 中飽十萬 認籌

謝

二十

西

之款 閩海關常稅平餘等銀一萬六千八百兩 節省養廉三千二百兩 共二萬兩  
 河南省 派定之款 煙酒稅二十萬 中飽二十萬 認籌之款 州縣平餘五萬兩  
 鹽斤貨釐差規二萬餘兩 煙酒等稅八萬兩 設法湊集五萬兩 共二十萬兩 安徽  
 省 派定之款 煙酒稅二十萬兩 中飽十五萬 認籌之款 撫署公費五千兩 藩  
 司報効一萬兩 臬司二千兩 蕪道四千兩 鳳道三千兩 安道各府四千三百兩  
 懷甯等五十三州縣五萬一千九百兩 以上共八萬零二百餘兩 稅契倍收湊補一萬  
 數千兩 通共十萬兩 湖南省 派定之款 煙酒稅二十萬兩 中飽二十萬兩 認  
 籌之款 釐局二釐經費二萬六七千兩 礦局節省一萬兩 官運局查捐一萬兩 歸  
 併各局一萬兩 整頓煙酒稅六萬兩 稅契四萬兩 辰州寶慶兩關浮費火耗三千兩  
 官捐四萬兩 銅元餘利二十萬兩 通共四十萬兩 陝西省 派定之款 煙酒稅  
 二十萬兩 中飽十萬兩 認籌之款 裁缺六萬兩 提優缺三萬兩 提加價六萬兩  
 共十五萬兩 旗屯四萬兩 二三午後 吉林省 派定之款 煙酒稅二十萬兩 認  
 籌之款 補缺 甘肅省 派定之款 煙酒稅十萬兩 認籌之款 煙酒加稅三萬五千餘  
 兩 裁減各局卡薪水四五千兩 各款掙節六萬兩 通共十萬兩 新疆 派定之款



煙酒稅十萬兩 認籌之款<sup>報未</sup> 廣西省 派定之款 煙酒稅十萬兩 中飽十萬兩  
認籌之款<sup>報未</sup> 雲南省 派定之款 煙酒稅十萬兩 中飽十萬兩 認籌之款 煙  
酒加稅一萬餘兩 土藥加稅六七萬兩 錫課加收四五萬兩 粵鹽加釐數千兩 共  
十二萬兩 貴州省 派定之款 煙酒稅六萬兩 認籌之款 土藥貨釐勻提一萬兩  
共一千六百五十三萬兩

各省理財彙誌

京師 戶部以天津造幣總廠業經試鑄必須有官行收發方可免市僧把持則戶部銀行之設勢難延緩而商股一時  
未能驟集特先由戶部銀庫撥銀五十萬兩開辦以後再隨時籌濟業於八月二十八日在京開設 天津造幣總廠已  
將銅幣開鑄分為二文五文十文二十文四等戶部以此項銅幣與向時所鑄當十大錢價值迥殊名稱互異不宜並用  
應請即行停鑄惟京中制錢素缺民間零用補助之貨必須預為籌備即擬於寶泉局酌留二廠改鑄一文制錢業已奏  
准 俞允

直隸 直督袁慰帥因辦理新稅及練兵事宜需款甚鉅特採用保定府朱太守家寶條陳擬辦丁捐直隸一省可得  
二十萬兩若能辦妥即將各項雜捐一概豁免聞政府擬令直隸先行試辦如有成效再推之各省一律照辦云 天津  
自庚子亂後元氣未復銀根異常緊急商業因之困蹙近由錢業商會認舉張兩君籌集股本二十萬兩創建通  
裕有限公司專造各項紙幣流通市原以資周轉即由商會稟准商部註冊立案並請飭地方官切實保護

奉天 奉省奏設財政總局經理全省財政先將糧餉處稅務總局歸併試辦其餘各項清釐局中分設三所一收支所

財政

二十五

丙午

一律餉新一稅務總局設督辦一員兼設會辦分任總辦之專俸餉稅務二所各設總理一員兼收支所不設總理以督辦兼領之各官均受將軍節制先定暫行試辦章程十條以後隨時改定

山東 濰縣煙葉為土產大宗前會議定論斤抽捐每斤抽京錢六文以補正稅之不足近由宋大令查得近來煙葉銷場甚旺而捐數反縮顯有商人販私及經手中飽等弊特改定新章做照按畝計稅成法以每畝約出煙葉百斤仍照從前每斤捐錢六文計算每畝應抽六百元發給印花一張俟種戶售煙與商人時即將捐款加諸價內然後代為繳縣於商家種戶兩無損礙已稟報立案先行試辦一年云

河南 豫省需款甚急特仿照各省彩票章程酌量變通名曰協捐彩票總局已於乙巳十一月開辦

江蘇 甘泉縣近辦酒稅城鄉造酒各戶皆須請領執照門牌註明酒數分別散執執照貼方為官酒每斤收稅錢四文以後境內各局卡一律免徵稅釐土酒而外如有外路運入本境銷售者亦須遵章比照土酒之例交納稅款

四川 川督錫清帥因巴塘用兵需款甚急奏准奉天廣西兩省開官捐七處上登部議核准一年為限 又錫清帥奏准創設銀行行使鈔票以便商民已飭官局印造丁糧釐稅均許通用

廣東 粵督岑雲帥擬借民款三百萬兩與辦地方要政每股百兩週息七釐十年分期歸還以香攤彩票備票作抵並與稅司梅爾士訂立合同由稅司代理以免舞弊俟屆期應還之票准完錢糧關稅近已具奏奉 旨允准出示招募矣

各國財政彙誌

俄 俄向美國銀行借款四百兆盧布年息三釐近已募齊又向各國募借國債一千八百兆盧布亦有成議

荷蘭 荷政府擬征收南洋蘇門答臘島出口煙稅及爪哇島種植糖稅以補荷屬東印度殖民地經費之不足 荷屬

印度總督現將煤油出口稅則加至每噸抽收五十五先令

波斯 波斯王旅行歐洲擬以波斯灣向俄買款七百七十萬元此灣素為俄所垂涎遂應其請願回救借債不以此事為然亦無法阻之

庫格哥 德國銀行允借十兆馬克與庫格哥王此款如何償還則由庫格哥大會時定奪惟必使法國知之

高 務 印 書 館 出 版  
小 說 類

繡 像 小 說

歐美化民多由小說博桑編起  
推波助瀾其從事於此者本皆  
名公鉅卿魁儒碩彥察天下之  
大勢洞人類之隨理潛推往古  
預揣將來然後抒一己之見著  
而為書以醒齊民之耳目或對  
人羣之積弊而下砭或為國家  
之危險而立鑑按其用意無一  
非裨國利民中國建國最古作  
者如林然非怪謬荒誕之言即  
記穢褻邪淫之事求其裨國利  
民者幾幾乎百不獲一夫今樂  
忘倦人情皆同說詞唱歌感化  
尤易本館有鑒於此於是鳩合  
同志首創此編遠撫泰西之良  
規近摺海東之餘韻或手著或  
譯本隨時甄錄月出兩期藉思  
開化夫下愚遠計貽譏於大雅  
嗚呼庚子一役近事可稽愛國  
君子倘或引為同調暢此宗風  
則請以茲編為之嚆矢著者雖  
為執筆亦忻焉

各種編譯目錄


文 明 小 史  
活 地 獄 彈 詞  
醒 世 錄  
掃 帚 傳 奇  
童 子 軍 談  
經 國 美 談  
市 調 唱 歌  
鄰 女 語  
負 曝 閒 談  
未 來 教 育 史  
學 究 新 說  
老 殘 遊 記  
癡 人 說 夢  
月 球 殖 民 地 小 說  
生 活 袋  
汗 漫 游  
天 方 夜 談  
以 上 翻 譯

零 售 每 冊 二 角 新 舊 一 律

預 定 第 三 分 自 年 第 十 四 期 至 第 十 七 期 每 分 元 四

上海商務印書館

專售各種



印書機器

印刷術創自我國者至發明之而輸入文明其力滋大敝館建設十年知中國教育前途日益發達所有賴於印刷術者甚亟因向外洋運入各種紙墨及印書機器等件以應全國之需所連各種紙張結實精美花色全備無論刷印書籍圖畫大小單件及裝面等皆可各色洋墨光亮鮮美耐久經用無論石印鉛印純黑五彩皆全機器有英德美各廠所製之不同或鉛印或石印各隨所宜大號搖架可印如申報者每日萬張二號搖架可印如中外日報者每日萬張自來墨架可印連史紙半張又有打樣架等至電鍍照相銅版大小銅模鉛字選料精製無不物美價廉 貴官紳商欲購辦以上諸件請認明上海棋盤街中市敝館牌號或惠臨或函屬無不格外克己以期仰副 惠顧之盛意

## 實業

工業改良辨 錄乙巳十一月十二日南洋日日官報

天下事惟智者爲能創。惟巧者爲能因。因易創難。智勞巧逸。此吾國民共有之思想。歷百昧而不易其說者也。抑知有時焉。有勢焉。有視其事爲何如事。而與時勢相權衡者焉。其事非時勢能轉移之事。宜於因不必創。其事爲時勢相關係之事。利用創不可因。吾故曰。有時有勢。有視其事爲何如事。而與時勢相權衡也。然而智者乃得之巧者則失之。耐勞者能創之。就逸者仍因之。是何也是吾國民之巧智巧則狠巧。智非真智之現象也。

百工所業。爲備器物。器物之制。必酌時宜。此通理也。夫九梁進賢。冠非不美。而陳之椎髻之市。則無問其名者。以貴於此。不必宜於彼也。鞅鞅韋鞵。服非不武。而售之執轂之室。則無酬其值者。以利於彼。未嘗適於此也。人不適用。斯業者無利。即使獲利。亦時而幸得。歐亞交通。沓來互市。窺我喜好。輸入之品。月異而歲不同。瑰奇麗都。焜耀耳目。凡我舊有。遂致益形腐陋。故謀抵制者。接時度勢。同聲而出於一途。曰。改良我工業。改良我工業。工業改良誠是矣。願吾之改良。非創也。仍因也。不因於己國。則因於人國也。因人之制。不得以爲我國所自創。

實業

一

丙午

也。若是者。良在人。不在我。何以謂之能改良。

實業

二

二月

近東瀛作者論對濟貿易。其言則謀觀察我之衣食住居及我一切嗜好之需給。以圖發達其製造。侵入我內地。又言今日對我貿易之盛旺。莫如德意志。殆將握我市場之全權。皆由察我內地之需給。而於彼國能製對我之貿易品者。則獎進之。然則工業之改良。非以改其銷於本國之品物。謂之良。蓋欲改其銷於人國之品物。俾可投人所好。而後謂之良也。吾今日工業之所改。為本國所銷之品物乎。抑銷於人國之品物乎。良與不良。是必有辨。

辯者曰。吾國為有各國之輸入品。漏卮之巨。其靡不億。吾苟改吾工業之製造。能多一分自造自用之主權。即少一分強權侵入之客貨。以視安我癡陋。而令彼之品物。陵駕我上。奪我市利。耗我民財於不覺者。不較良耶。雖然。我工業之改良。其創耶。其因耶。其創也。則彼所需給。必創一法而新之。乃能歆動其所好。然而物質有分化。製造有配合。格化妙用。我能之乎。曰不能。不能。則所造者。即從彼法。猶是我國自用之品也。因者。謹守範圍。事事規仿。亦若孩提學步。循途接武。業已不勝其竭蹶。遑問捷足以爭先乎。且因者。未逼肖創者。已更端我。即偏設無量之工廠。日費無量之財力。竭才智曠時期。而謀抵制彼之輸入品。猶是決定其未能。

不甯惟是我即規仿得法矣。品物精美矣。願因人之製以爲巧極乎。其量不過與之方駕斯已矣。試問我民所需給挾貨入市果必擇本國之製品而購之。而於製自人國者一切屏棄而不購乎。否則我之製品既與相等。屬雜而售。即使收回十分而五之市利。其餘之散入各國者仍非尠也。況東人所言凡謀對我之貿易皆以我國爲豐庫。彼既齎集我乃僅以國內之抵制爲抵制。此猶擁軍危城坐待巷戰而不知分枝旁出布爲遠勢牽制敵人後顧之爲得也。

其牽制也奈何曰彼人也我人也我有一切需給之嗜好不可謂彼無嗜好也。彼能察我嗜好以圖發達其製造品不可謂我改良製造於彼嗜好不能察也。我有我內地彼有彼國疆互相溝通互相來往而謂適彼國者凡我人士則皆盲其目鑄其心閉塞其口耳不能窺探不能詢訪不能調查其嗜好所需給歸而善製其對外之貿易品者吾弗信也。夫亞東大陸地處溫帶號爲上腴地產之阜或彼國未有我俱足備故其製造品之原料有時亦取資於我。謂之生貨然購自我而售於我循環計算成本必重若我以自有之生貨視其需給益以巧製價廉用便奪其市利彼將自謀補救之不暇顧能占我商業有進無退而爲競爭界中之常勝軍哉。如此乃可謂對外之抵制乃可謂工業之改良。

辯者又曰。如子規畫。高矣遠矣。顧製造發達。原於格化。格化之學。近雖討論。門徑甫闢。窳遂未覩。倘欲創製而益新之。似尙有待。且欲擴張國外之貿易。必有馭遠之商輪。內地航權。半猶失墜。海洋爭駛。目前財力。未必可支。而來我國者。已如羣蟻附羶。無孔不入。我倘舍此國內之抵制。高舉遠矚。務求製造品之發達。是無異鮒魚在轍。勢將就槁。而謀爲之決西江之水也。慮非不周。志非不大。其如迂闊而不當於迫切之急計何。

不知當大敵者。不可爭小勝。攬全局者。不可域方隅。以各國之工業言。彼如不爭對外之貿易。但欲抵抗客貨。製爲一切。以供民求。徵論工藝愈良。出貨愈衆。同業之銷場。愈益壅滯。卽市肆所列。無欲不得。蕩民心。導民侈。害於治道。亦非淺鮮。其何以克自樹立。雄視全球哉。我既無對外之製造。凡所規仿。皆彼導我侈靡之品。物計所輸入。已苦難禁。若又從而益之。是以彼之蹙。我爲不速。而必自愚其民。自匿其國。令我財力日消耗也。如曰藉補卮漏。則收回之利。僅十之五。譬若一孟之水。罅隙既大。塞而小之。其流之竭。不過少須。緩與耳。同歸於盡。何爭遲速。倘以是爲彌補。吾未見其彌補之有濟也。

若夫格致理化。學雖精遠。我苟專其詣力以研之。亦何患不得。至出洋商輪。必製自國家。以今財政。誠有不給。顧如東瀛郵船社會。合我商力。尙可爲之。由是以譚。如吾所言之改良。非



必曠日需時。可徐圖之。而不可以刻期待也。且即求急迫之計。我之勝於各國。亦在地大物博。有廣儲原料之豐庫。使荒曠之土。多用勞工。出其地寶。售之各國。雖曰生貨。尚不失為對外之貿易。以較國內抵制自剝。民財為得為失。斷然有間。況有原料。即可為組織。近日之景泰藍。昔日之鸞鷲羽銷之彼國。皆得重價。今環球之上。分國十數。各有風氣。各有好尚。使一觀察。以增廣我對外之製造品市場。既大視彼聚而吸。我一國者。其利不更有倍蓰耶。然而我民根性。巧者多。智者少。耽逸而畏勞。故喜因而憚創。近吾工藝。其改良者。曰織布也。織罽也。製皮革也。製玻璃也。火柴油燭。循其捷法。麵粉胰皂。效其設施。一切巧製。我皆能仿。若是者。斯為製造之發達乎。顧茲各項。皆彼所創。投我之好。彼則無須。是我之製造。不能運售於彼國也。顯然可決矣。若茶絲磁器。為彼需給。近我改製。進化效果。尙少明徵。矧欲創一法。製一器。協合其風俗。款動其嗜好。利便其日用。使之爭先恐後。出其財幣。以供我國之挹取。吾知我民之業工者。必且目眙舌結。相顧駭愕。歛手自退。其人十居八九。何也。以其難也。以其創也。以創之勞。不如因之逸也。腦筋思想。習為巧猾。易因為創。非有遠智者。不能謂予不信。不觀我之市場乎。地廣途直。利於設市。而蕪穢未闢。憚為首倡。曠而置之。或數十年。至一闕之地。比屋鱗次。雖甚狹隘。此爭彼占。租賃之價。幾於日益加昂。此一證也。又一業

得利。繼其後者。牌號林立。互相擠併。卽利微息耗。勢將偕仆。而猶束手坐待。不欲另闢其徑。途。此又一証也。至於不惜成本。考求物質。聲譽稍著。則冒牌假託。不恥雷同。以我所聞。亦隨在而有。是皆我民巧猾。狃於用因之見端。而不得謂揭其弊者。言之爲太過也。雖然。閉關之時代。利用。因交通之時代。利用。創。奚以明其然也。閉關之時代。凡所製品。但供己國之用。制度既定。卽有損益。亦可概見。故先哲之言曰。不貴異物。賤用物。又曰。毋作淫巧。以蕩上心。創者有誅。斯因者爲便矣。若瀛壖大通。競議商戰。之爲術。或以奇勝。或以捷勝。或以敵所不能而我能者勝。若此者。法必自創。必非因於人者所可爲也。今各國皆注重對我之貿易品。圖發達其製造。惟日汲汲。他日我之市場。受其占奪。當更勝於今日。什百倍也。而我乃狃於摹仿。效法之長技。憚於創作。而務自惜其煩勞。且斤斤然號於衆曰。吾工業近已改良。烏乎果良也乎哉。果良也乎哉。

變通通九場鹽法議畧 通州張馨撰

國計之大利在鹽。而大害在臬。鹽生利。臬生害。害進則利退。而國計窮矣。易曰。窮則變。變則通通。則久欲救窮。而不圖變。雖至聖不能欲圖變。而不求通。雖至強不行。愚既嘗欲以設廠製鹽。輔就場征稅。爲變通鹽法之議。世之聞是言者。或唯或否。顧其事非政府得人。

疆更有方略。則不勝斯任。嘗通人也。比營呂四鹽業公司。略聞通九場鹽法之弊。請先議所以變通通九場者。

通九場皆煎鹽也。煎丁埕舍。適於各場負海斥鹵。而草盛之區。故散於陸。則灘塗雖不徑而可通。散於海。則舟舶得乘潮而自便。故散之弊。在私難防。防私之在商者。曰多設竈友。欲竈友之不以荒僻爲苦。而勤於事也。則居必爽垲。出必小車。飲必淡水。食必兼味。而又須厚其俸。如是。則費繁。防私之在官者。曰廣置巡緝。在竈則有總巡。巡役竈頭竈長。在途則有卡。有船有官。有弁有兵。有丁。然在竈之頭役。役食至微極薄。不得不賣放以資生。在途之官弁兵丁。或賣放。或夥同。以爲利。或以黑易白。蓋緝私所領之槍藥。廢置不用。以易鹽也。如是。則法壞。費繁。則商本加重。而私益有利。法壞。則私無顧忌。而商益不支。究其病根。皆生於散。救散莫若聚。聚之法若何。曰設廠。曰造田。設廠則變通中法以聚之。架屋爲廠。聚若鐵若盤者。於中僱工日夜更煎。而盡撤向來之竈。造田則變通日本法以聚之。鹽之母在滿。必若一鐵一盤者。有一月日夜更煎之備。方爲滿足。鹽田所以爲多聚。滿之計也。聚則費可減。法可簡。而後防可得。而言以通九場論。呂四餘東鹽爲真梁最上。其次餘西。又其次掘港角斜。此五場外。或不產鹽。或產而不王不良。是則設廠以此五場爲最宜。若金沙。若石港。若豐利。若

實業

八

二月

拼茶。皆可省并。此亦聚之一端矣。能聚而後就場。征稅可行。按一繳一盤。一晝夜所出鹽之中數。定爲額。按額以計稅。分期以繳稅。官認一商而事畢矣。此又聚之說也。

抑又當變一切之死法。死法爲何。一曰繳。官專利而懼民之竊分之也。以爲鹽由繳成。繳由官鑄。而後可杜竊。不知此特施諸竈埠之場。若通九場除拼茶半商半竈外。其餘八場。無非商埠。丁利私賈。商不利私煎也。胡爲商埠而亦強壓之。令買官繳。一官繳之價。計其工料及領照運費。費兩倍有半。商苦其貴。則取舊繳時補之。繳厚則費火而出鹽少。丁又留私。則商益苦。於是官繳之外。乃有私繳。私繳之價。裁當官繳之半。以是衡之。禁商用私繳。猶禁民食私鹽。皆所謂掩耳而盜鈴耳。然則欲鹽多而商便。不若聽商領帖自鑄。雖以拼茶半商半竈之場。商之不以市竈丁增私煎而自取害。可以理斷。此死法在繳例之當變者。繳與盤式異。淮盤與浙盤亦異。浙盤薄而出鹽多。價廉於淮。不啻什一。日人謂之釜。釜式有四。以井上總兵衛發明之釜式爲良。近時田澤氏參用美法。復有發明。較井上製。用煤可省其半。日人工商業之進步也。蓋於人己之間。新舊之法。日省而月試之。故能歲有增進。不似我一國之中。淮浙判若兩國。利害不相關。學業不相師。專己自是而安於苟。且此死法亦在式之當變者。一曰草。通九場之煎用茅葦。浙蕭山岱山之煎用口粟。東西各國皆用煤。各就其地之足。

者而用之。然亦當較價之高下。火力之王殺。出鹽之多寡。今以呂餘之草較煤。則煤價下。而草高。煤力王。而草殺。煤鹽多。而草寡。且民方欲得產草之地。而鹽之。而煎鹽用煤之便。又勝於草。因時進退。一轉移間。而農商兩利矣。此死法在草之當變者。一曰鍋。歷詢煎丁一鐵三鍋。則晝夜可十火。頭鍋并有撈鹽一鐵。二鍋則無撈鹽。一晝夜止八火。然運司分司。每歲例須委員清查鍋鐵。一鐵止許二鍋。殆以爲出鹽有制。則丁無所餘以爲私。此之愚昧。莫可舉喻。且文牘紛馳。日催增產。而又拘牽舊例以抑之。何異繫驥之足。而責其一日千里哉。若以爲鍋少即無私。不知卽一鍋亦可有私。卽無鐵亦何嘗不可有私。油欲其有餘也。火欲其無餘也。懸此二說於國門。不能易一字。是爲增產計。斷須增鍋。此死法在鍋之當變者。一曰運。運船之弊。人盡知之。不暇條舉。姑以運程言。通九場至儀棧。最遠者呂四。每運一次。水寬風順。亦踰十日。稍有稽滯。必須兼旬。他場視呂等差有限。無論中途之偷漏損耗矣。轉輸不利。便須關本。匯借收鹽。耗息加之。其於商業虧滅匪細。吳縣馮氏嘗有輪運之說。今卽不能遽由垣商自運湘鄂。可聽通九場之商用輪。自運儀棧。起運之先。由揚領照。九場之鹽。可由通州天生港裝輪。運司可派一候補分司督帶師船駐港掣驗。計通至儀。一日而達。核計運費。所省已多。中途之私。絕不必慮。年來通州各港之舉熾甚矣。有掣驗師船坐鎮其間。不時

實業

十

二月

巡檢江面。不猶愈於荒江僻岸水師礮船之兵弁賣放自由乎。此死法在運之當變者。凡茲數者。設廠固宜。並變卽不設廠亦宜。先變未可更爲膠柱。永作覆車。

雖然。衙門煩費亦不可不裁。通九場之規費。彼與此不同。後與前不同。要之自運司分司至本場。自官至興臺。厮役無不有之。胥爲汰絕。亦覺不情。忍而與之實損商業。且官若真能衝商。商真因官之衝而獲厚利。則先河之祭報亦宜之。惟與其暗射不如明定。凡與鹽業交涉之衙門。舊有陋規者。不妨照引費例酌減陋規之數。計引提成。名曰公費。庶商無不堪之累。官有可居之名。亦兩得之計也。

商部奏陳礦政調查局章程摺

竊臣部於光緒三十一年九月二十七日會同外務部戶部覆奏兩江總督周馥等擬請特簡大員督查三省礦產招商試探摺內聲明仍照商部八月十七日奏奉諭旨各省籌設礦政調查局。遴派專員妥爲辦理。並將派往查礦之員開具履歷咨部酌量加劄。作爲礦務議員。以符奏案。至詳細章程。自應由商部訂定。奏明咨行。遵照並通行各省。照辦以歸劃一。各等語。奉旨依議。欽此。欽遵。行知在案。查各省風氣通塞不同。而於調查礦產一事。雖風氣較開之省。其程度亦尙與歐洲各國相去懸殊。若不安訂專章。遴選熟諳礦產之工師。

則各省委派辦理之員勢必茫無措手所勸礦質不過憑土人之舊說所填表冊亦僅成紙上之空譚其於礦政安有裨益臣等熟思深念竊謂此項勸礦章程必須迅速訂定頒行庶足以一事權而開風氣謹公同商酌擬定章程二十四條分列辦事之法凡十五條勸礦之法凡九條提綱挈領大致粗具苟能循章妥辦似尙足以資實驗而核與臣部奏定礦務章程亦屬相輔而行謹具清單恭呈 御覽如蒙 俞允應由臣部通咨各直省將軍督撫一體遵照辦理謹 奏奉 旨依議欽此

謹擬礦政調查局章程二十四條繕具清單恭呈 御覽 第一條 現在欽奉 諭旨飭各省將礦政調查局迅即籌辦毋稍延緩各省將軍督撫自應一體欽遵辦理備各該省如有前經設立之礦務總局及查礦公所等即應一律改作礦政調查局以歸劃一 第二條 調查礦政得人爲先應由各該省將軍督撫遴選諳練廉正之員足以勝該局總協理及礦師之任者開具詳細履歷加具切實考語咨由商部酌量加劄作爲商部礦務議員以符奏案 第三條 各省礦政既已派有各該礦務議員認真經理亟應欽遵 諭旨迅即酌帶礦師周歷各屬切實探勘按照商部所頒表式將已開未開各礦逐一詳晰註明隨時咨報如果能於該省舊有礦場處所設法改良而又逐漸勸得新礦招徠開採使礦版日見其

多裕課利民卓著成效三年考績應由商部分別奏請獎勵儻或敷衍塞責致民間仍多隱匿偷挖及爲奸徒勾結設謀售賣轉影射者一經覺察亦由商部據實參辦以示勸懲

第四條 調查已開之礦無論官辦民辦及華洋商承辦均應檢取案據圖冊逐細詳查除遵照部頒表式按年詳填暨將礦質案據等隨表送部外其尤要者一應稽查按年礦稅若何抽取及歷年比較各若干二應分別官荒地各占若干方畝儻有外人已開之礦或租定之礦其所占地址更應查照章程合同予以限制并一律繪圖貼說送部備查其餘苟有可以剔除弊竇收回利權裨益稅課之處該員皆應隨時設法整頓并具報商部及本省督撫互相維持期收逐漸改良之效 第五條 凡各省未開之礦及開而已廢之礦除由該局自行查獲外必須有人呈報始能知悉知其詳者莫如該處土人應由各省將軍督撫飭下各府廳州縣剴切曉諭所屬紳耆如有深知某處有礦與得有礦苗者應報由該府廳州縣迅即申送該局或由本人自送到局均宜聲明該苗得自何處該處係何地名以便查勘設礦產處所現有土人私挖地方官不加查禁或業經紳商稟知地方官而地方官匿不查明或延玩不報該局即應分別稟知商部察核辦理 第六條 凡有礦產處所一經各地方官及各紳民呈報到局或由該局自行查獲應先覓取礦苗如法化驗屬實後迅即帶同



工師訪查履勘除按照部頒礦產表式填明外並應按照下開勸礦各章程逐一登記清冊繪圖貼說連同所得各種礦質裝封標識一併呈送商部考驗 第七條 凡勸有礦產處所查係官山該局即應查照兩江總督光緒三十一年七月二十七日奏案會同地方官出示曉諭不准民間私賣即民間礦產祇准賣與本地居戶須憑中證報官查無頂冒諸弊始准立契過割此外尙有未查各礦自應照此一體辦理倘有朦混私賣情事惟該管地方官是問該局如扶同徇隱應由商部按照此次奏案一併奏參懲處 第八條 凡有偷挖礦產私售礦地或已領有礦照擅自轉售他人及刁生棍徒託言風水龍脈等說故意阻撓辦礦者一經查出應由該局迅速稟報商部一面逕稟該省將軍督撫轉飭地方官從嚴懲辦毋稍寬貸 第九條 該局如延請外洋礦師務須嚴定權限與訂合同並先將尙未簽字之合同呈由商部查核無礙方可簽字准行該礦師如入內地勸礦應由本省將軍督撫飭屬曉諭妥爲保護以免滋生事端惟該礦師亦應自守禮法認真從事儻不知檢束一經發覺該局即應撤退至勸礦時一切川資費用均由該局發給不准要素地方官供應並不准絲毫擾累商民亦不得任意逗留致生事端 第十條 凡商民有稟開礦產無從僱覓礦師呈請該局派員帶同礦師前往探勘者所有一切旅費應酌量道里遠近時日多寡定一

酌中數目由該商民備辦惟勸學後須將詳細情形一一記載分別存局報部 第十一條  
各省礦政調查局辦公經費或在礦稅項下提用或另行籌撥均由各該省將軍督撫酌  
量情形籌款支撥惟不得過事鋪張致多糜費其每年撥定的款每月動支經費及該局辦  
事員司名目均應由該局於年終造具清冊詳由本省將軍督撫咨報商部備核 第十二  
條 礦務議員專司一省礦政而與商部有直接之關係凡各該將軍督撫奉准部咨飭查  
一切礦務或由部逕札該議員調查之件視路之遠近限定期日迅速查明報部自文到之  
日起至遲不得逾三箇月 第十三條 各省礦政調查局內均應設立化驗處一爲分析  
室一爲分析爐及附屬器具凡遇礦苗化驗必須詳細分析清楚再往查勘庶免往返徒勞  
第十四條 調查礦產時須隨處測勘試挖地面儘係民地必須通知地主其地主即不  
得拒絕設有損失該地所產物件由該局照數補償毋得苛刻所帶丁役尤當嚴禁騷擾  
第十五條 各省紳商士民遵照商部奏定礦章赴局呈請辦礦該局即應派員會同地方  
官查勘明確具報商部一面仍詳由本省將軍督撫咨部酌核辦理儘爲官辦之礦亦須將  
圖說案據及辦理情形詳細報部備核不得漏略 右十五條爲辦事章程 第十六條  
凡勸礦時先須取具該廳州縣地圖查明礦山距離城邑及附近之鎮市各若干里礦界所

占之地爲若干方里其中官荒若干民業若干民間有無影射侵佔情事如係民業應會同地方官驗明圖契糧串以徵信實更應分別記註繪圖貼說存案備查 第十七條 凡勸礦時須分別高山平壤地基高過水面若干尺地內附近苗脈之處有無泉水挖至若干尺方見泉水泉水出有多少勸舉均應詳載報部 第十八條 凡勸礦時須詳細審察苗脈入地深淺係何種類或團脈或索脈或絡脈或散苗更須驗明其苗脈來自何方去向何處苗脈共有若干條各條相距若干尺或遠或近或深或淺及其長寬厚各若干尺寸均應詳細記載報部 第十九條 凡苗脈有入地淺者有入地深者有鑽過數層山石始發見者均應審察苗脈之上下係何種礦石何種山石土石分若干層每種每層有若干尺寸均須按其層次繪圖備載報部備礦石名目爲中國文字所無准以外國文字記寫 第二十条 凡勸礦時採得礦苗礦石仍須詳細化驗分別其實質有百分之若干分若含有雜質其種類若干每種爲百分之幾分均應詳細記載報部 第二十一條 凡礦務發達全恃運道通暢故勸礦時凡水路運道皆應詳查旱路之道或平坦或崎嶇水路或止水或下水其距銷售處所各若干里運費各約需若干附近有無大江大河應否修築小枝鐵路以資轉運或預備小輪均須通盤核計詳細備載報部 第二十二條 凡勸礦時應分別

上中下三等如脈旺質佳運道近便銷售暢旺提鍊所用之煤或柴炭易於購辦並可在山場設立鍋爐就近提鍊者爲上等運道不便煤炭難購者次之苗脈不旺入地太深雜質太多者又次之並須估計某礦需款較鉅某礦需款較廉其應需資本各約若干均應詳核備載並於圖說內載明某礦應速辦某礦暫應緩辦一併呈報商部由部核定分別次第開辦

第二十三條 凡勸礦時應分別查明某礦只需土法某礦宜用機器其用土法者必苗脈不深山石不堅地中泉水不多土工不費資本不大礦沙易於淘洗礦苗無甚雜質其宜用機器者必礦苗太深山石堅硬非鑽過數層硬石不能得礦苗之所儘開至深處非用懸機不便上下非用機器不得空氣呼吸地中泉水太多非用機器車未能抽盡礦苗雜質太多非用機器鍋爐不能提鍊成質皆應詳細審查備載報部 第二十四條 凡勸礦時遇有民間業經私挖之礦及曾經開採中止之礦應詳查舊峒共有若干處每峒有若干深是

否因泉水過多或資本不足或因別生事端或因辦不得法以致中止均應考察情形查取案據繪圖貼說詳細記載報部 右九條爲勸礦章程 以上各條係斟酌大概情形訂定應由各省將軍督撫轉飭各該局員及地方官一體遵照辦理如有未盡事宜仍應查照本部奏定礦務章程辦理

墾務大臣綏遠城將軍貽奏統籌後套渠地全局亟宜大加修治推廣利源摺

竊奴才於本年乙巳四五月間履勘後套循視渠地業將渠地大概形勢於癸改杭錦押荒歲租摺內擇要陳明然此第就一旗而論猶未合渠地全局而籌也查河套七旗中惟杭錦薩拉特兩旗兼跨黃河南北其在河西北之地橫亘外處處處依渠爲命遂視他處獨腴綜計兩旗各大渠皆杭受其源達承其委從前墾務未經官辦地由民戶私墾渠亦由民戶自開凡來種地者甫經得地先議開渠支別派分各私所有往往一渠之成時或需至數十年款或糜至十餘萬父子相代親友共營而已成之渠又必每歲深刷其身厚增其背其流動充滿而漸至漑用千百頃者良非易也自二十九年春夏間七旗一律報墾於是杭達各地戶有渠之家知地既統歸官放渠亦難據爲己有先後將祖遺自挖各渠呈請報効其中大幹最著名者口不五如河塔布河若纏金渠長勝渠老郭渠其餘報効小幹渠及以枝渠報者尙數十家奴才飭局驗收估計工程一面由西路公司添招股本項下酌賞渠費一面將已收各渠飭公司備款添員逐一加修其年久漸淤者濬之疏之使無壅遏又將各大渠中間扞格不通之處創興工作俾其綺交脈注源匯流分隨地皆可引渠有渠皆能灌地施工之始卽將長勝渠改名長濟渠纏金渠改名永濟渠桃濬深通因勢利導又添設枝渠數道以

分水勢而廣渠利其老郭渠等渠亦次及之此次循征所至一一親歷無遺凡前飭加修新開各工已成十之八九計可灌田萬餘頃就目前而論應收押荒渠租約在三四十萬兩足抵所實渠費所用經費而有餘似已收效捷而獲利倍矣然從來遠大之業不圖近功故規畫必計百年運謀至周數世自昔邊臣興利從事農田引水疏陂久而勿廢若漢書溝洫之志史記河渠之書既徵其意美法良思深慮遠西北近河之地昔人稱爲上腴徒以僻在邊陲介於戎索不勤遠略者或度外遺之我 朝撫有諸藩悉主悉臣咸遵約束獨此開墾一事議久未行仰賴 聖主恩威奴才得所藉手既知爲無窮之利即不敢不矢以經久之心查後套地必附渠渠所能澆始得謂地以兩旗沃野千里而猶菁華久闕未盡南東其畝者則以渠利止此故也今邊拉特旗既謂渠至何處地即開至何處杭錦旗呈報之地亦所在宜渠計兩旗已開之地不到萬頃而利已倍蓰倘擴而充之渠日加多即地日加廣約計套地尙不到萬頃而利已得數萬頃異日所入將有數倍於今日者若僅規畫目前不作引伸之計不惟地利可惜奴才自問亦覺職分有虧其何以仰副 朝廷委任即現在墾員畢集官力正充不趁此率作經始之時一氣呵成逐漸推廣過此以往即有賢疆臣力爲經營而再造之難等於謀始孟子曰今時易然時誠不可失也此人力事半功倍者也但水勢愈引

而愈上必激之而後能行渠工愈浩而愈難節之而已不資近來部庫支絀督省更無餘力顧此奴才晝夜籌思惟有就現在應收之款悉歸工作週環絕注務竟其功加修鐵軌成一段路開一段車以所收車資仍用修路如此源源更代不數歲利大興矣凡此皆就所有之渠塞者通之淺者深之短者長之幹者枝之循渣之故道以暢來源順水之下流以爲鴻處其事雖繁於創而其功率出於因若平地鑿空無中生有恐非三五年所能奏效更非數十萬所能奏功此又財力之事半功倍者也擬請 旨飭下部臣所有伊盟各旗押荒遠拉特旗現收渠租除各舊款凡非應歸公者均暫緩提撥以備渠工大修之費需之愈緩則報之愈豐收效於一時轉失百年之利事有必至理有固然奴才明知部庫需款孔亟而必固請暫緩提解者誠以一時之力有限百年之利無窮也如蒙 俞允奴才即將晉省前墊經費逐漸退還以清款目即西路公司亦擬將前次所集官商各股結清本利從此多添官股少留商股俾以後渠利官居八九商居一二將來暢收利益仍當專款存儲隨時報部聽候撥用謹 奏

商部頭等顧問官張咨呈本部籌議沿海各省漁業辦法文

本年巳三月二十七日承准南洋大臣照會會同北洋大臣具奏次第開辦江浙閩廣奉直

東等省漁業公司旋復承准照會恭錄 諭旨行知并承准大部照會南洋大臣具奏漁業公司現已設局開辦以挽利權奉 硃批商部知道欽此欽遵到部查漁業一事關係海權非博採各國章程參合中國情形詳加考究釐訂不能遽臻周妥現在漁業公司業經設局開辦此項章程亟應從速訂定咨送本部查核奏明立案以資遵守除咨南洋大臣外相應照會查照辦理等因到公司承准此查海權漁界相為表裏海權在國漁界在民不明漁界不足定海權不伸海權不足保漁界互相維繫各國皆然中國向無漁政形勢渙散洋面漁船所到地段或散見於海國圖志等書已不及英國海軍官圖冊紀載之詳至於海權之說士大夫多不能究言其故際此海禁大開五洲交會各國日以擴張海權為事若不及早自圖必致漁界因含忍而被侵海權因退讓而日蹙濱海數十里外即為公共洋面一旦有事人得縱橫自如我轉堂輿自困利害相形關係極大管見所及迫不得已是以上年條陳大部請先設江浙漁業公司購買德船先行試辦以為之倡今南洋大臣會同北洋 奏設公可司是欲聯合沿海七省為一氣大部照會博採各國章程參酌中國情形詳細考訂亦不專指一省自是正辦曷勝欽佩六月初來滬適江浙漁業公司福海漁輪先期亦至因就考查上年九月初一日始開辦至今情形參以平時及五月間在福州查訪所得漁業各大概



粗定辦法分現在及將來兩大綱各繫事目謹爲大部陳之現在之事其目曰整頓獎勵改良捕法藉資經費曰減免釐稅實行保護收合漁民曰七省各先置漁輪一艘出入向來洋面著漁界所至之標識曰七省各先分立漁會稽查保護結國民之團體曰請 奏設七省漁業總公司於南北適中之吳淞口外請 奏派專辦七省漁業公司總理曷言乎改良必整頓獎勵也漁輪之設固注重於保守海權然一輪月費煤油飯食薪俸數亦匪細苟捕法日進獲魚能多大可望收回購船之成本小亦可供一輪每月之開支德人在膠州海上每次開船必滿載而後返其故由於船身既堅馬力亦大德人又性耐勤苦狎於風濤所雇用之膠州土人遂亦不得不勉強從事徒以揀別醜製不盡合宜銷售不得門徑故虧折而歸船於我今福海輪船自船主以下甬人居多船倚海廳晨出暮返一出返皆是空時故用煤多而捕魚少風大卽止查考捕魚日記自去年<sup>甲</sup>九月至今<sup>乙</sup>年二月平均約計一月之中捕魚不及十日三月黃花魚汛船主徇老漁之說改添挑網押輕無效四月甯波小輪失事沉沒甬道強派該輪起船撈屍五月中旬開至上海因稅關爭論官輪商輪名目扣停四十餘日七月初三理明出口總計此三月中捕魚之日更少出入相抵尙欠調匯莊款八千二百餘兩若按十箇月攤算每月須虧八百餘兩惟閩八月中浙洋漁船無被盜之警甬人頌

之爲數十年所未有現將船主撤換升大副爲船主兼司記賬酌減水手仍用拖法改良網日限定每月捕魚十五日至二十日爲度所得魚利除每月開支外六成歸公司四成作在船上人等獎賞詢之漁戶僉謂一月得十五日捕魚足供開支若二十日卽有餘利業經再三申誠仍須試驗方有把握至所欠莊款八千二百餘兩似應仍由江浙分認籌還另文呈請曷言乎實行保護必減免釐稅也甬滬漁船向因關卡稅重釐繁留難需索不得已挂用洋旗託庇於一二無業洋人之下向例關稅每次大船二十七千八百五十文小船五千七百五十文吳淞釐捐每次大船七十四千文小船五十六千文此外看槍寫票埠頭種種黑費尙不在內一挂洋旗稅由華人之爲洋僮者代繳按噸位論稅大船徵銀十二三兩小船徵銀三四兩釐卡免捐向索陋規之人亦不敢過問計每一船進口共費七八十元是以前此擬章減爲大船五十六元小船四十二元刊布廣告曉以利害現在改挂中國龍旗者已有十分之六計更一年可以盡數收回惟淞滬釐捐局以賠款爲詞舉久已放失於洋旗之利冀取償於現在公司所收五十六元之內而近日復有無賴華人串通洋商搶奪龍旗改換法旗及船照之事內外撓阻枝節橫生消疏抵禦大費筆舌卽洋旗一項推之各省沿海漁戶其苦於各衙門營汛及土棍之需索者名目不知凡幾前晤滬關稅務司好博遜

亦謂若望各漁船不挂洋旗非中國真能體卹窮苦漁民不可並謂英美各商現在無包攬挂旗之事法日兩國現方招攬中國既有公司何不辦好可見欲與聚而惡弗施爲收拾人心挽回利權之要計古今中外其理皆同查英國醃製魚每桶初繳公費四先令後遞減至四辨士亦一證也應請飭諭沿海各關道釐局漁業公司之設名爲保護漁利實則愛惜海權以海權之得失與漁稅之多寡相衡孰輕孰重不可貪小利而昧大計不可仍苛政而失衆心曷言乎七省須各先置漁輪也英國海軍官圖冊載中國瓊州島漁艇每年常離島七八百海里收採海參玳瑁曬魚翅西歷三月進至爪哇又覓出礁林康島樹島蒲拉他士島各條下皆云恆有中國漁人在此掘井避風圍魚是南海全境皆中國漁界廣輿記直隸灣桃花島漁人捕鯨多在朝鮮海東按桃花島卽英國海軍官圖冊所謂馬鞍列島之一日本海也中國漁界幅幘之廣如此向惟小船來往且一年之中不過三數月非有漁輪時時往來其間警諸荒地失管必有侵佔之者德人竊據山東漁界之心至今猶在日人復時有大隊漁船駛至煙臺竊慮山東洋面已不能完全中國之舊況一國有荒棄不治之地他國得爲代墾載在萬國公法歐美視海與陸並重一千八百三十六年英法議立漁界止三海里今英國漁界展至二千五百海里是海權之存亡視乎漁界之漲縮爲七省漁界計須

每省各置兩輪目前力即不逮亦宜各置一輪按照英國海軍官圖冊載中國漁界所至每月往來一二次作爲中國漁界之標識一面令人按英國海軍官圖冊所載中國漁界經緯綫度七省合繪一圖分給各省漁船使人人知中國自有漁界仍由外務部連圖知照各國駐京公使轉告各國海軍江浙現有一艘擬再添置一艘其閩粵奉直東五省由各督撫撥款五六萬金仿造十二三丈漁輪似不過難且以漁界保海權即勉爲其難亦在不容已之列曷言乎七省宜各先立漁會也總公司七省合共一所總會七省各立一所若無分會則港汊紛歧島嶼林立漁民散處數十百家不等不清戶口不能稽查即不能保護不能保護則民無所依團體亦無由而立宜各就漁戶較多之處設立分會就其年長服衆之人舉爲會董界以會章分地編船分船編丁稟承總會使相聯絡仍由總會派漁輪隨時稽查庶平時沿海窮民疾苦有所告訴不至求庇於外人萬一有事接濟導引之奸亦易於防詰曷言乎總公司必在吳淞必請 奏派專員總理也以海岸論江蘇居七省之中吳淞又居江蘇之中各國輪船之所必經觀聽之所係屬有七省公共之漁業公司自行我領海主權有七省聯絡之保護官輪自表我中國漁界不必與各國立約而我已明爲主人即與各國立約而我已確占主位民間風氣未開漁輪猝難獲利雖前訂集資章程以十元爲一股冀可公

諸大衆漁民而應者尙寥寥無幾公司之建必至曠時是以前此咨明前南洋大臣魏請就該處空閒官房暫行建設以爲之望至於事關七省須有專員前於設立江浙漁業公司時已經一再申請試辦十閱月以來其勢益明必不容於遷就凡辦一事必有在事主持之人方能隨時因應英國商部漁政專官三員司內河者二司海者一所司惟保護漁業漁種清造册籍了結錢債征收漁稅稽查漁船等事而已上年猥承大部實以總理牽於通州各公司實業既不能常川駐滬今春又有事於徐海之間漁業初辦內而愚民黠吏外而稅司洋人瑣事極多交涉極幻雖有董事經理而遇事商榷信息常苦於紆迴雖有滬道相助而假代權宜分際不能以圓滿以致船主不得力而不能遽去稅務司扣船而不能徑爭咨商或及數省交涉或及數國設有專員則事之迂者易而爲直繁者易而爲簡紛者易而爲一便於通情便於集事便於籌費便於求材候補京堂鄭孝胥不日來滬就醫江蘇是其熟遊之地擬俟其來遵照部定公司章程商請就近總理如其見允再爲陳請 奏派以上五端就己往經驗現在必應陳請分別舉辦之事也將來之事其目亦有五端曰總公司訂定七省漁業公共章程七省各訂總會分會章程前此江浙漁業公司曾訂集股辦事及漁輪管理並運船章程咨呈前南洋大臣在案將來如七省合一自應特訂一公共可行可守之章程

其各省總會各地方分會應就各省各地方習慣由各總會妥商酌參訂定彙報公司總理分別咨呈大部及<sup>北</sup>洋大臣庶畫一變通兩不相悖日訂定每年漁輪會合章程七省漁輪統屬公司彼此洋面互相往來可以泯平常畛域之嫌每年會合吳淞一次參考動情研究利弊亦可以收互換知識之益其會期或以正月或以十月臨時先期電約另訂獎格以勵勤能蒐輯見聞訂爲漁史庶實業之中仍寓學問之意日各就漁會地方建立初等小學校漁民自幼狎習風濤沙線潮汛各諸所近惟僻處荒洲窮島之間日以舟楫網罟爲事識字知算粗曉外事百人之中不得二三登其無才而汨於未學論教育普及之義實業進化之基豈應遺彼愚民蓋蓋終古公司既設總會既成凡沿海居民有至數十戶百戶以上者各由總會酌量風俗戶口情形爲立初等或半日小學校特編課本學期四年俾日漸開通長其知識其經費或由地方勸集或即在裁減衙門營汛陋規之內酌留數成以資教員俸食均由各省總會酌定報明公司日就吳淞總公司附近建立水產商船兩學校中國海產大者略同其餘品類時有異種卽船形網式南北亦殊同治年間曾有法人考求中國漁業著爲圖書攜回巴黎資實業家之參考而中國沿海會無專紀其事者歐洲俄奧有水產博覽會德有海洋學博物館美有水產大學校英法有漁業賽會日本有水族院不特本國漁產

搜羅務盡即他國足供參考之品亦往往不惜重資購運陳列變化有學飼畜有法製造有業防範有令皆水產學之事也日本汽船初興駕駛管輪亦借材於歐美今則自商船至於海軍無非本國學生學成備用歐美之人所佔無幾中國自福建船政頭二班學生以後未聞有繼起之材江海商船悉委種於異族聞招商局江永船大領港粵人張勤生其父昔在香港學習駕駛得有文憑充當船主英人忌之以後遂限華人不給駕駛畢業憑證動生學過其父而職止領港居常鬱鬱每以爲恨有心之士咸爲惜之若設商船學校卽選漁業各小學校畢業學生聰明而體弱者令學水產其強壯者令學駕駛學成之後卽以漁船爲練習商船與兵船駕駛法略同則漁業與海軍影響尤切中國前途計無亟於此者曰七省合籌補助經費各省漁輪開支能取之於漁輪所獲之魚者上也不能則亦應由各省市自爲補助惟總公司及水產商船兩學校既爲七省公共應合七省撥款除總公司及兩學校預備科可以暫借吳淞空閒官房外其兩學校建築之費約需十萬元常年之費約需三四萬元實之一省則單柱不調七省合籌則衆擎易舉且開辦之費以十萬計每省不過一萬四千餘元常年經費以四萬計每省五六千元漁輪所獲設有贏餘此項常支不必盡取官款是所施不及而所計至遠有可決者以上五端略舉大綱既爲理所應然卽爲勢所必至論者或

謂原議集合公司舉辦今購造漁輪七省俱成官款與原議不合不知可與樂成難與慮始非獨中國非獨愚民必如原議每股十元之資集至七八萬元始行備輪開辦是為揖讓而救焚亦慮河清之難俟今則由官籌辦改良捕法漸著成效一面興立漁會實行保護大衆漁民既知漁輪之有利無害又知漁會之有益無損信從既著入股必多俟有成數或分年歸還或按本繳息皆屬通行之例可以酌量施行且稅務司所執公司商輪不能配帶槍礮官輪能帶槍礮不能裝貨報關其言不盡無理現在迭與說明此項漁輪作為官輪所捕之魚由運船作為代表隨其所在進口報關已經照辦既名官輪款由官出名實亦復相符官輪任保護之事公司任提倡之事上下一氣表裏相資漁業盛則漁界益明漁民附則海權益固証之英美德法諸國漁業經營蓋未有不如此者中國現在既蒙大部暨北南洋大臣俯採芻蕘一再 奏請開辦勢難中止事必觀成所有福建山東沿海紳士已經訂約先後來滬會商粵海一路擬更函商兩廣督部派紳合議至直隸漁業現歸官辦行戶部領諭繳稅均由公司大概辦法無甚差異洋式漁輪亦已購圖擬造惟奉天一省現尙闕如應請大部咨商奉天軍督部選派紳商合同議辦庶七省合羣可收大益至所欠莊款八千二百四兩七錢五分八釐係由各莊暫時調匯歸款約有定期礙難宕延致失大信公司甫立股款未



收別無可以籌還之處自應仍由江浙兩省各半分認籌還並請分咨南洋大臣浙江巡撫飭司暫於開款項下分別飭籌撥解歸款連前所撥購買漁輪之價江浙各半將來由公司魚利項下如數籌還或酌留若干作為官股容再體察情形咨商辦理承准照會前因合將查核江浙漁輪試辦情形就近與滬道詳晰籌議各辦法咨呈大部察核奏辦須至咨者

鄭觀察世瓚上兩江總督周條陳印錫種茶製茶暨煙土稅則事宜

今將奉委赴錫蘭印度考察種茶製茶暨煙土稅則各事宜分晰開列恭呈憲鑒 一沿革  
查英人種茶先種於印度後移至錫蘭其初覓茶種於日本日人拒之繼又至我國之湖南始求得之並重金雇我國之人前往教導種植製造諸法迄今六十餘年英人銳氣擴張於化學中研究色澤香味於機器上改良碾切烘篩加以火車輪船之交通公司財力之雄厚政府獎勵之切實故轉運便而商場日盛成本輕而售價愈廉屢屢乎有壓倒華茶之勢  
一氣候 查錫蘭高山距赤道自六度至八度地氣炎熱雨量最多草木不凋四時如夏土質高山含赤色而中雜砂石低山砂石略少茶葉通年能採生長甚速高山每英畝年可出乾茶五百五十磅全島每年出葉一百五十兆磅印度產茶地方極廣其北境之大吉嶺原名大脊嶺距赤道二十七度三分山高七千七百英尺本從前中國藩屬哲孟雄地

天氣同於中國夏秋之間雨量最重正臘之間冰雪亦多土壤同於錫蘭茶自西  
 四月上旬起至西十二月上旬均有葉可採山高三千八百英尺地每英畝年可出乾茶二  
 百四十一磅山高六千英尺以上地每英畝年可出乾茶一百九十七磅每年全嶺產茶之  
 數一千一百七十九萬四千磅合印度錫蘭兩地每年出乾茶有三百五十兆磅之譜 一  
 局廠 查錫蘭島除海濱盡種椰樹北面平田盡栽禾稻外其在高山之地盡闢茶園茶廠  
 大小有三百餘所大吉嶺自西里古里山麓起至山嶺五十一英里盡種茶樹茶廠有二十  
 餘處製茶公司資本至少三十萬金工人除山上採工外廠內工人甚簡大約日製茶千磅  
 之廠廠內工人不過十二三名日製茶三千磅之廠廠內工人不過三十八九名緣機製較  
 人工省力懸殊也 一茶價 查印錫均製紅茶製茶色濃味強西人嗜之實則色淡  
 而味純者亦頗寶貴故上山高三千英尺至五六千英尺地方之茶葉身柔嫩味薄而香售  
 價昂下山高三百英尺至八九百英尺地方之茶葉身粗大味若而厚售價廉茶分五等 一  
 曰卜碌根柯倫治白谷二曰柯倫治白谷三曰卜碌根白谷四曰白谷五曰白谷曉種蓋卜  
 碌根即好之義柯倫治即上香譯音白谷即君眉譯音曉種即小種皆本華茶舊名而分等  
 次者茲將錫蘭茶價列表如下茶價每磅重此八九角 錫蘭茶價 上等約銷三十兆磅

磅價十本土 中等約銷六十七兆磅價八本土 次等約銷三十八兆磅價六本土  
 半 下等約銷十五兆磅價五本土又四分之一 錫蘭綠茶價 統由茶商包買不分  
 等次統扯每磅價虛比三角二分 印度茶價 一千九百零四年至零五年印茶銷於英  
 京之數 阿薩墨茶計銷六十三萬二千零七十三箱 每箱一磅價七本土九十二分 加  
 卡爾茶計銷三十三萬一千九百三十一箱磅價五本土六十二分 溪塔江茶計銷五千  
 八百十四箱磅價五本土七十五分 車塔納坡茶計銷一千九百四十四箱磅價五本土  
 零四分 大吉嶺茶計銷六萬六千五百五十八箱磅價九本土十八分 獨瓦耳茶計銷  
 二十二萬三千五百十三箱磅價五本土九十二分 康格拉茶計銷二百零四箱磅價四  
 本土五十分 格理明茶計銷二萬二千六百六十四箱磅價六本土六十六分 透拉勿  
 茶計銷九千零二箱磅價五本土八十四分 透物哥茶計銷七萬二千九十六箱磅價六  
 本土六十三分 一千九百零三年至零四年之數 阿薩墨茶計銷六十四萬六千一百  
 二十五箱磅價八本土四十三分 加卡爾茶計銷三十三萬二千二百二十七箱磅價六  
 本土四十七分 溪塔江茶計銷四千零七十八箱磅價六本土七十五分 車塔納坡茶  
 計銷一千五百零二箱磅價五本土八十九分 大吉嶺茶計銷七萬零六百九十六箱磅

價九本土五十分 獨瓦耳茶計銷二十萬零三千八百五十五箱磅價六本土六十七分  
康格拉茶計銷一千五百二十五箱磅價五本土九十四分 格理明茶計銷二萬一千  
五百零六箱磅價六本土六十六分 透拉勿茶計銷一萬零二十二箱磅價六本土五十  
二分 透物哥茶計銷八萬零一百四十八箱磅價六本土六十三分 一千九百零四年  
至五年印茶銷於印京之數 阿薩墨茶計銷十五萬九千六百四十五箱磅價五本土八  
十分 加卡爾茶計銷十五萬一千六百三十九箱磅價四本土七十五分 西來脫茶計  
銷十萬零二千十五箱磅價四本土六十分 大吉嶺茶計銷五萬一千三百八十五箱磅  
價七本土九十分 透拉勿茶計銷三萬四千八百箱磅價四本土八十分 獨瓦耳茶計  
銷十五萬八千四百二十五箱磅價五本土二十五分 溪塔江茶計銷八千九百四十五  
箱磅價四本土八十分 車塔納坡茶計銷三百七十七箱磅價三本土八十分 佔馬江  
茶計銷一千零三十七箱磅價四本土九十分 一千九百零三年至零四年之數 阿薩  
墨茶計銷十三萬一千九百七十六箱磅價六本土四十分 加卡爾茶計銷十四萬零八  
百七十七箱磅價五本土三十五分 西來脫茶計銷十萬零二千四百三十八箱磅價五  
本土 大吉嶺茶計銷四萬九千九百七十六箱磅價八本土十七分 透拉勿茶計銷三

萬二千零七十九箱磅價五本土十七分 獨瓦耳茶計銷十四萬零三百零四箱磅價五本土八十分 溪塔江茶計銷九千四百六十二箱磅價五本土十七分 車塔納坡茶計銷八百七十一箱磅價四本土九十分 佔馬江茶計銷一千二百四十九箱磅價五本土一種茶 錫蘭現種之茶計有兩種一曰阿薩墨東印茶一曰變種茶所謂變種茶者即中國茶與阿薩墨茶種在一處時被蜜蜂採蜜將花質攪和而成故名曰變種茶阿薩墨茶即從前印度之野茶樹桿有高至十五英尺及三十英尺者茶葉有長至九寸有奇者較之中國茶樹容易生長其茶葉作淡綠色其茶味較中茶濃但香味不及中茶樹身亦不及中茶樹之堅錫蘭平陽之地均種阿薩墨茶其山之高處夜間天氣寒冷大半多種變種茶其先有西人之業茶者在山高地方將中國茶與阿薩墨茶種在一處以便一同焙製另成一種茶名殊不知中國茶與阿薩墨茶所需之製法不同故亦未收其效至其種茶子之法一如種稻穀然先將茶子播種一處俟閱八九月後再為分種至一年後所生樹枝已覺太長便須剪去尖頭使生橫枝且須隨時修剪至三年後即為初次大割猶冬令割樹之法惟印度錫蘭多割成平圓形播茶種之法在西歷十一月先將田一方壟至一尺之深鋪以肥土六寸上面再加極細之土四寸然後播種茶子入土約深二寸及至次年二三月為之分

種每枝約距離四五寸俾易滋生至冬間再移種於茶株內亦有待至後一年夏季移種者  
一俟樹身長有大指之粗即須在冬間將樹修短自四寸至六寸許俾得重苞橫枝計自播  
種至此間時三年至第四年冬止須將抄上之錯枝稍爲修齊五年又修至十四寸高第六  
年又止修齊樹頂第七年修至二十寸高至八年在採茶之前須任其生長新枝約六寸長  
至此樹身方算長足在未長足以前似乎不宜採摘致傷元氣至逐年修割則宜使樹身修  
直爲佳迨後樹身過老將行大割則須將樹身上所有之節疤盡行割去 一剪割 剪割  
之義爲多生樹葉起見緣樹枝愈老則樹葉之生長遲而且小出產愈少故剪割最宜注意  
鑄蘭剪割之法在平地地氣較熱易於滋生之處則每年割一次在三四千尺高山上者每  
二年割一次在五六千尺高山上者每三四年或五年割一次其地勢愈低則剪割愈勤因  
其易於滋生茶汁必形淡薄故不得不勤於剪割也其割法一俟樹身長足後即割去上身  
約留樹身高十二寸之譜將中央小枝修去以通風氣專留向外之橫枝俾滋生樹葉至第  
二次剪割時比上次多留一二寸割至四五次後樹身已覺太高所割之處節節太多樹汁  
難於流轉亟宜將所有節節盡行割去并將其橫枝修剪齊平使之容易滋生印度種茶家  
亦以剪割爲常法其割至十八寸或十二寸或竟再低一二寸者多有無非察樹身之肥瘠

以酌其宜其在剪割之前採葉不可過多致受損傷樹身瘠瘦者尤必肥以野茶或草麻子餅之類以扶養之逾明年將樹枝修至二十寸高此一年內所生茶葉約止採二成之譜至秋後停長之時仍將樹枝修至二十六七寸高再待來年樹枝結實即有佳茶採矣惟是年冬又須修割比上屆止留高一二寸現今則間年一修割在停割之年止修齊杪而已大約茶樹栽培合法樹身不至過高可滿二十年一大割如其稍不經心致有荒蕪則八九年即須一大割 一下肥 壅肥以壯田通例也錫蘭土性苦瘠茶葉長年奄發地土之滋澤易於告罄故不得不極意講求前培壅者種茶家以土內所下之肥有礙茶葉品性今始知其未盡然惟仍有數家以不下肥爲然凡肥田最壯之料莫過於六畜之骨然錫蘭非產畜之區勢不能全用畜骨且價亦過昂故撻以草麻子餅計每樹祇須下數兩重之肥質蓋樹本專仗淡氣以生發而草麻子所含淡氣最多以之肥田莫善於此又有種茶專家於茶林內撻種豆莢即以莢梗埋於土內或將所割茶樹枝葉同埋於土兩者均可肥田又有一種茶家論及渠所種之茶樹每三年下肥所費每畝約盧比五十元每畝比約合此說較之錫蘭各種茶家未免太過下肥之法須將肥壅於離樹一尺左右之樹根上爲最得其所又或鋤荒野草節將所耘之草埋於土內藉作肥料此種工作包於採茶工家計每月每英畝工價

盧比洋一元至於印度茶林則野草任其生長不似錫蘭之鋤耘淨盡以爲野草亦可肥田故於冬令將地面翻起九寸之深即將野草埋在土內作爲肥料此種工作經費每英畝約盧比五元半須人工三十日即在夏令亦須兩次將地耙鬆至三四寸深將地面之草覆埋土內其工價較冬令減半茶林內亦有攪種豆莢者至開花時即行割下埋於土內作爲肥料此係夏間格外加工之事所費每英畝約盧比八九元惟在夏雨極多時不能將地翻動防爲雨水沖去故只好將地面野草割下留於田間任其腐爛其餘如草麻子餅之肥料亦不能廢如大吉嶺則山勢崎嶇種茶之區不得不墾爲平臺如中國之山田然深恐泥土被雨水沖刷樹根暴露而挑土墊補所費殊不資也 一採摘 茶葉裁割之後須五六箇月始能長葉一俟新葉長有五六寸高即將嫩頭摘去其法每人給與四寸長之小棍令其摘至小棍一樣長短所摘嫩頭全係水質不能製爲茶葉直至摘剩之新枝頭上生出禿葉一片再由禿葉節間重發新葉俟長有嫩葉三片及頭上之苞芽方可將苞芽及新葉二片採下是爲新鮮茶葉其第三片新葉留於枝上以資再苞新芽錫蘭採茶次數在平地每七天採一次在高至四千尺山上者每十天採一次惟頭二茶及秋後之茶不能如期錫蘭採茶每人每日約能採至三十磅如遇雨水多時茶葉滋生較速則每人每日約得採至五十磅



之多大吉嶺採茶如採中國茶每日不過十二磅至十四磅如採阿薩墨茶每人每日能採至五六十磅緣阿薩墨茶葉大重量較大故也至採茶工人錫蘭則以流寓之印度人爲多男人工資每日盧比三角五分女二角五分大孩二角小孩一角五分大吉嶺土人貧苦採工尤廉每月女人不過三盧比小孩不過二盧比採茶時候每日早晨五下鐘至下午四下鐘止亦有早晨六下鐘至午後六下鐘中間停午餐一下鐘者此由各公司自定并視茶山距廠之遠近爲準凡茶山有二千英畝約須採工七百人輪採按定今日採東山一區明日採北山一區週星期則周而復始凡有數十人在一區採茶必有工頭一人執鞭督飭如採不合法暨玩笑滋鬧者則鞭責之此外復有經理之英人乘汽車或自行車不時往來巡視總之茶樹本性採摘愈苛苞發愈速因之二茶本力已衰生發必然減少週年統計并無盈餘而樹身業已受傷故精於此業者少採頭茶乃爲上策所謂蘊之愈久其本力愈足故茶葉乃愈佳也 茲因大吉嶺氣候與中國相同查得該處最佳之茶林一英畝在去年

所產之茶數列表於下

|          |      |        |      |
|----------|------|--------|------|
| 西曆三月三十一號 | 六磅五  | 四月七號   | 二十磅  |
| 四月十四號    | 三十一磅 | 四月二十一號 | 三十六磅 |

實業

三十七

丙午

期 二 第 誌 業 方 東

|        |       |         |       |
|--------|-------|---------|-------|
| 四月三十號  | 四十五磅  | 五月七號    | 十二磅四  |
| 五月十四號  | 四磅五   | 五月二十一號  | 八磅六   |
| 五月三十一號 | 十八磅五  | 六月七號    | 二十六磅  |
| 六月十四號  | 二十九磅四 | 六月二十一號  | 三十四磅二 |
| 六月三十號  | 四十四磅七 | 七月七號    | 三十五磅  |
| 七月十四號  | 三十四磅二 | 七月二十一號  | 三十七磅七 |
| 七月三十一號 | 四十六磅四 | 八月七號    | 三十磅   |
| 八月十四號  | 三十三磅二 | 八月二十一號  | 三十一磅  |
| 八月三十號  | 五十磅八  | 九月七號    | 三十三磅七 |
| 九月十四號  | 二十九磅二 | 九月二十一號  | 二十七磅  |
| 九月三十號  | 二十六磅一 | 十月七號    | 十三磅八  |
| 十月十四號  | 十七磅八  | 十月二十一號  | 十磅一   |
| 十月三十一號 | 二十二磅  | 十一月七號   | 十三磅   |
| 十一月十四號 | 六磅    | 十一月二十一號 | 二磅四   |

實業

三十八

二月

十一月三十號

十磅

十二月七號

二磅七

以上共計新茶葉八百二十四磅計製乾茶葉二百零六磅因茶林內之茶樹大半都經太  
割未久是以出產較少據照尋常之數應出乾茶二百四十磅 一機器 查印錫之茶成  
本輕而製法簡全在機器機器分碾壓烘焙篩青葉篩乾葉揚切裝箱六種而實以一全軸  
運動並可任便裝拆其全軸運動之引擎則或借水力或燃火油或燒木柴與煤大吉嶺廠  
則用電 通十二安電約各元五 大約廠房在山澗之旁可借水力運轉機輪省  
燒料之費其餘用火力則馬力小者類用火油引擎馬力大者類用柴煤鍋爐如鄰近有電  
汽公司購用電力則既省擦抹又省監視也茲將各種製法分晰開列如下 一晾青 查  
印錫茶廠每日每人採到青葉先在廠門外過磅隨即揀淨葉莖搬上廠樓勻攤晾架晾乾  
水分晾架多以木匡布地或用木板大吉嶺則用鐵絲網地廠樓窗樞四面通風間有作風  
輪電扇以散熱助涼補天工者每層樓房置晾架十二三座每座深處接連三架每架十五  
六格每格距離八九寸以能手臂伸進鋪葉為度茶葉採下揀淨後即勻鋪於布格上視葉  
之乾溼以分鋪之厚薄然後視天氣之晴雨如逢天晴須將窗戶關閉勿為外面燥烈之氣  
所侵如遇天雨須將烘茶罐內之熱氣打進晾房再以風扇將熱氣重行送出以資疏通總

實業

三十九

丙午

之使房內燥溼得宜而已新葉晾至二十四下鐘最爲合度亦有晾至三十六下鐘者緣閱時太少則須加熱氣以乾之茶葉勢必燥而易碎一放入碾茶機內其大葉之茶汁因之壓去即嫩葉之顏色亦不鮮明矣否則爲時太久則葉性改變而腐爛之氣生香厚之味頓形減損矣新葉晾過之後每百斤約得五十五斤遇新葉稀少有每百斤晾至七十五斤者惟茶味未免稍次晾茶一道係製茶首要之端須房屋寬敞涼爽通氣而晾時之久暫尤關色味之低昂此則不可以不辨也 一碾壓 茶葉晾過之後即運至碾壓機器以碾揉之碾揉之義要使葉內包含葉質之細管絡全行揉碎以便泡茶時易於發味並使搓成一律之茶葉式樣搓時多少各廠不同有搓一下鐘者有搓至三下鐘者總之茶葉粗則搓時較久惟搓至二三十分後即運至打茶機內將搓成團塊之茶葉重爲打散再運至篩機內將細嫩之葉篩出另行搓捲不再與粗葉同搓蓋深恐粗葉之茶汁有礙細葉之清香味也其搓茶機器隨時搓碾逐漸將機上之蓋向下壓緊使葉內之管絡全行搓碎惟搓至既久茶葉不無發熱故須將上蓋不時提起稍停數分鐘藉以透涼初搓之時機內裝葉不宜太滿上蓋壓力不宜太重因恐稍粗之葉爲壓力所阻不能搓捲如式致成扁葉殊無足觀且將來烘乾之後易於破碎惟稍粗之葉雖不能如細葉之便於搓捲而於釀色之時葉片鬆而

大易於透氣故葉色反比細葉鮮明又有一說如搓壓之時過久可以代釀色之工云 按碾壓器形式如磨有上方下圓者有上下均圓者下盤係木地鐵匡平如棹面惟磨處中凹磨齒係釘木條新式者釘銅條復有盤上鑿成眉形者齒有疎密疎恆十六密恆三十二疏密視碾器之大小而定中心有小方板一以便啟閉上盤與磨形稍異四圍鐵匡中空如單內容茶葉大號可容二百五十磅盤徑較下盤小四分之一適與下盤之中凹處合上下相距有螺旋可以鬆緊上盤另有口門進茶葉凡晾去水分之葉用麻布漏斗由樓上傾入碾機將皮帶移上滑車上盤運轉茶葉即在齒上回環上落碾揉碾成後至三下鐘時可使液汁油然捲成均勻一律之條從下盤抽去方板茶自傾出 一篩青葉 該篩木板為邊匡銅絲為篩孔係長方式因葉經碾壓必生粘力而成團塊該篩能理散團塊分出細嫩之葉如粗大之葉篩不下者應再碾壓 一變紅 凡溼葉經篩勻後即用粗布攤地或地上用三合土築成高四寸之土臺將溼葉勻鋪其上厚約三寸上蓋溼布惟須與茶葉相離寸餘使得涼氣而不遭風吹故溼布類用木匡為邊以便架空三下鐘時葉可變紅 一烘焙 茶葉變紅之後即運至烘爐內烘焙烘焙熱度約在二百二十度左右茶葉約烘二十分鐘之久但熱度亦有少至一百九十度多至二百五十度者烘時亦有過三十分鐘之久者惟

爐內茶葉所受之熱氣終不及火表上之熱度蓋新茶鋪於鐵網盤上初進烘爐時葉質尚溼一經熱氣其水質立時蒸騰而爐內之熱氣因之減少有時甚至減去一百度之多迨至茶葉漸燥熱度亦因之漸升惟烘茶之法須初則有極大熱度使茶葉之外皮即時堅燥以免走去葉內之原質隨後茶葉漸乾熱度亦宜漸減以防烘焦之患至茶葉必鋪在鐵網盤中者蓋取其氣之疏通不至擠壓太甚致外焦而內尚潮溼也 按烘機上有上抽氣下抽氣之別下抽氣係將溼葉鋪盤內推進焙房通過盤口上頂彼處便有新熱空氣由爐入葉上抽氣係將熱空氣抽過茶盤從葉透過旋由煙肉挾熱氣而出烘盤有八盤十二盤十六盤不等視焙房大小而定每盤置青葉以四磅為率每下鐘八盤機能出乾茶六七十磅十二盤機能出乾茶八九十磅十六盤機與十六盤邊機則能出乾茶百磅至百二十磅近有一種新式烘機名曰拉更焙房內有鐵絲格八層溼茶傾第一層即自放熱氣入內機輪運轉茶自一層以吹落至八層葉已烘乾並能於焙時自放冷空氣入葉使茶出烘房絕無熱氣而免暗收空中溼氣之患 一節乾葉 該器與篩青葉器無異惟篩孔分疎密或三層或四五層上層網眼較粗往下愈密出茶口門分置各面各口張以箱茶置第一層即逐層篩下自分一二三四五號茶箱不稍混淆末層有箱板存積茶灰並置膠粘於旁分出茶灰

內之茶絨如人近有一種新式篩機係螺旋形鐵絲圍筒孔先粗後細翻旋之際能分  
茶爲五等 一揚切 切機有多種能使茶葉整齊疊揚去塵灰近有二種新式者一爲上  
裝茶斗旁有空槽之棍圓圍有孔下有刀口排列如齒者一爲槽與刀化相啣者凡過長  
及不齊之乾葉用此器截切最便利 一裝箱 凡製就之茶裝入茶箱太鬆則恐洩氣太  
緊則轉轉用力茶碎質耗故裝箱有機其法將空箱擺平架上用輪旋緊上架偏斗機動斗  
搖茶由斗口而下茶箱因振動力勻鋪茶極齊底面一律四邊平實難行萬里無搖鬆之患  
一機價 凡轉運引擎約二十四匹馬力者每具連裝箱運費約銀五千元以內 碾茶機  
每次能容青葉三百磅者每具連裝箱運費約銀一千元 烘茶器每下鐘能出乾茶八十  
磅者每具連裝箱運費約銀一千五百元 篩茶器每日能篩五百磅者每具連裝箱運費  
約銀八百元 篩青葉器稍廉 切機每具約銀三百元 裝箱機每具約銀一百五十元  
一運道 查錫蘭島鐵道四通馬路盡關自高山至克期坡埠雖火車支路甚多然運茶出  
口不過十二下鐘火車路印度大吉嶺鐵路直接加拉嚨搭雖內山馬路不如錫山盡關而  
運茶出口不過二十二下鐘火車路計每日採下之茶至多閱三十六下鐘涼乾三下鐘碾  
就三下鐘變紅三下鐘烘篩揚切裝箱不及三日茶已製就運輸出口 一獎例 查印錫

茶葉出口無稅政府每年酌給補助費近因紅茶已辦有成效又復盡力在錫蘭濱海地方試造綠茶新例出綠茶若干磅酌給若干銀兩以獎勵之兼之設有會館公所於出口項下抽收經費充作各報館刊登告白及一切招徠之舉錫蘭抽費每百磅約龍圓二角印度抽費每百磅約龍圓八分據印錫兩處經費年有百萬圓左右云 錫蘭綠茶 錫蘭所製綠茶不多市價亦不能起色據業茶者云綠茶一道機製終不能勝於手工所製故此間綠茶廠寥寥其製法如下 一蒸葉 新葉採下之後運至廠中先行秤過每二百磅作一堆先以一堆置於四方形之箱內中間留一空穴以爲蒸汽經過之處即將蒸氣放入約以九十五磅爲度後將機關撥動使四方箱轉動至極快之速率約轉一分半鐘之久然後開箱將茶葉倒出其色碧綠如故惟葉片軟而皺矣 一碾茶 碾茶之法與碾紅茶彷彿惟將碾機之上蓋揭去接以無蓋之木桶以防茶葉倒出桶底滿鑊小穴使透熱氣亦有上裝風扇以扇去熱氣者俟第二堆新茶蒸過後一并置於碾機內同碾約二刻鐘之久碾機下置有一盤以承溜下之水汁再以籐筐將盤內之水汁漏過專留水汁內之浮沫重又傾於所碾之茶葉上蓋因此種浮沫含有綠茶之苦味不可棄也 一烘焙 茶葉碾過後即鋪於水門汀製成之土臺上以涼透爲度然後運至二百六十度熱之烘爐內歷三刻鐘之久重置



於無蓋之碾機內碾二十分鐘重復將碾蓋蓋上使有壓力再碾二十分鐘然後運至切茶機內切成小片用半寸徑格眼之篩篩過再運至二百四十度之熱氣爐內烘二十五分鐘其篩內剩下之粗茶再須以二百四十度之熱氣烘二十五分鐘重復如前再碾再切以漏過篩格爲度 一篩葉 所篩之茶約分四等 一曰小種熙春約得每百成之三十八成曰熙春約得三十八成曰次號熙春約得十四成曰茶末約得十成 一上色 綠茶製成後須再以滑石粉及石膏少許拌和如法上色惟如何上色之法因不准外人入內觀看殊難查悉 按以上錫蘭印度等處茶葉情形觀之則印錫紅茶雖不能敵上品華茶而以此較下等之茶則不無稍勝故銷路已暢且可望逐年加增彼茶商之在中國及在外洋者皆謂中國紅茶如不改良將來決無出口之日原其故蓋由西人日飲已用慣味厚價廉之印錫茶遂不願再買同價之中國茶雖稍有香氣亦所不取焉蓋印錫茶之所以勝於中國者雖由機製便捷亦因得天時地利之所致且所出之茶葉較大於華茶而茶商又大半與製茶各廠均有股份自然樂買自己之茶決不肯利源外溢合種種之原因結成日新月盛之效果返觀我國茶葉製造則墨守舊法廠號則奇零不整商情則渙散如沙運路則崎嶇艱滯合種種之原因結成日虧月耗之效果近來英人報章藉口華茶穢雜有礙衛生又復編入

小學課本使童穉即知華茶之劣印錫茶之良以冀彼說深入國人之腦筋嗜好盡移於印錫之茶而後已焉我國若再不亟籌整頓以圖抵制恐十年之後華茶聲價掃地盡矣為今之計惟有改良上等之茶假以官力鼓勵商情擇茶事著萃之區如皖之屯溪贛之甯州等處設立機器製茶廠以樹表式為開風氣之先聲廠內製作許茶商山戶入內觀看廠中都以商規痛除總辦提調委員諸官氣實事求是期年之後商民見效果甚大自然通力合作除舊更新將來產茶之地獨立公司由小公司以合成大公司由大公司以合成總公司結全國茶商之團體握五洲茶務之利權海外爭衡可操勝算再能仿照製機變通其意集新法之長補舊法所短如碾機改牛馬運動以代汽力碾機空者一人之力可運動烘機從木炭研求以臻美備印錫無燥木炭止燥木炭中并設法裝配磨粉機器以便秋冬無茶之日機製米麥等粉而免停工待費之暗耗精益求精日新月盛之機可翹足待也 謹擬機器製茶公司辦法大畧二種 一公司集資本銀二百萬元 一不拘官商山戶均准附股 一山戶無現銀繳出者可將現有茶山公斷照時價作附股之多少 一集資二百萬元以五十萬元買山種茶外可兼栽別種植物以五十萬置機器房棧並製造等用以一百萬元充後備之需用 一公司之茶不宜在本國出售以杜洋商舞弊致定價高低大權旁落

於外人 一銷茶最廣之路莫如英之倫敦所有買賣之權操諸五六經紀之手總公司宜設上海以便運輸分局宜設英之倫敦並美之紐約澳洲之雪梨等處如僅在本國出售則可免後備之款 以上係一二百萬銀元公司辦法 一公司資本集銀十萬元 一公司既係小試則不能買山宜批租若干年或收買鄰山生葉以省費用 一廠內置碾機六架連裝箱運費約六七千元如每架每日五次每次二百磅則每日可造生葉六千磅 烘機二架連裝箱運費約三千元如每架每下鐘烘乾茶八十磅每日作十下鐘能烘乾茶一千六百磅 篩機六架連裝箱運費約五千元如每架每日能篩五百磅每三架篩乾葉三架篩青葉已足敷用 切機一架約三百元 裝箱機二架約三百元 轉運機二十四匹馬力者一架約五千元以內 以上機器每日採下六千磅茶即日可以造成 建築棧房及安置機器等費約二萬元以內略計共費四萬餘元 一廠外批山租價未定 一總局設在何地或搭莊代賣之房棧等未定 一製茶局用人員 正司事一 副司事一 司帳二 司機器二 巡視茶山二 管理製造二 雜職六 計用十六人年薪約萬元以內 一每日採茶約六千磅約用工人四百名年計一百天一年四萬工每工計銀八千元 一每日製茶約六千磅約用工人八十名年計一百天一年八千工每工計銀三元

二千四百元 以上約共銀二萬七千元左右 一每日採生葉六千磅實製成茶一千五百磅年計一百天製成茶十五萬磅每磅至少售價銀三角亦可得銀四萬五千元除購機造廠等費銀四萬餘元外計共開銷薪工等銀二萬七千元左右又納山租稅約數千元統算尚溢利萬元有奇如用資本銀十萬元可獲長年息銀一分左右倘茶價格略高費用略省則不止此數也 以上係十萬元左右公司辦法 附陳印度煙土稅則 印度所出之煙土分大土小土兩種大土有紅花白花之分小土無之大土產於英屬東北之孟加拉省小土產於南印度土人自主之州縣在孟加拉省之農夫須由英國國家經理人給予執照纔能耕種煙土照內註明耕種若干並須遵官價售於英國土務衙門約土漿之合式者每磅售盧比洋三元此係十年內之定價惟各農夫可向國家先支資本以資耕種國家不取利息至三四月間收成時各農夫將土漿售與國家算清帳目然後將土漿運至官廠製成煙土兩種一為專銷外口一為專銷內地由各州縣地方官售與有執照之商家以及藥房等處其銷外口之土由國家每月在印京拍賣一次每箱限價盧比洋八百元買進之家須即時裝船運出外口每年約售出紅白花煙土各二萬四千箱國家煙土每箱約估工本銀盧比洋四百八十三元在印京拍賣每箱曾售至一千四百六十一元

此係去年最貴之價  
為向來所未有者

銷內地之煙土國家工本每磅約估盧比洋四元二角五分而所售之價每磅可得十五元上屆收成國家共售出內地煙土五千九百二十三箱各農夫所種煙土每年止收成五六磅之數至於小土由土人自行種製英國國家並不過問惟各該自主之州縣四圍均係英國所轄之地煙土如欲出境須納稅於英國國家其稅則煙土之銷於印境者每箱須納稅銀盧比洋七百元銷於外口者每箱納盧比洋五百元

江蘇海贛墾牧公司辦理章程

一定界 海贛淤地上抱山趾下迄海濱島港紛歧民灶雜處應請大府飭該管州縣場官先行會勘定界 二收地 劃界首在審度隄河形勢凡淤地內有私墾及前已報升在規畫墾地隄河內者應一併收入茲擬收地四法一曰以地作股由前已報升之戶呈驗執照按畝議價入股本墾給股票息摺與現銀入股者一例分給官息餘利二曰繳地領價由前已報升之戶呈繳執照另書賣契由本公司按畝給價收入三曰均攤工費如前已報升之戶有不願作股領價者應令報官呈驗執照報明該地畝數四至弓尺立案即由官照會公司另編一册俟隄河各工完竣與本公司墾地一律按畝攤繳工費四曰貼給墾費凡私墾之地例應入官如墾已有效其地由官收交公司即由公司從寬貼給墾費如私墾之人

願以貼費入股亦可 三築隄 雲臺東蔽已無風潮大上之患惟爲開墾計必能禦潮而後能蓄淡擬築長隄約計高度不過一丈低僅五六尺視通州隄工難易絕遠 四挑河 旣先築隄以禦外潮卽當挑河以洩內水擬相度地勢挑幹河若干道枝河若干道以收灌溉之利而免泛濫之害 五建閘 山水大漲亦足潰隄更宜急求建閘之法每河入海之處應建石閘一座潮長則閉閘板以障海水潮落則啟閘板以洩山水 六治溝洫 隄河旣成溝洫之制自不容緩擬以幹河枝河爲經而以溝洫爲緯各視地之大小高下以爲廣狹淺深 七平道途 卽因挑濬溝洫之土用以培修幹枝各路幹路以五丈寬爲度枝路以三丈寬爲度略加平治以便人行 八辨土質 近山宜薯近河宜稻平原宜麥菽卑溼宜蒲蘆各視土宜布種 九培坡田 近海之處地愈低下擬用培墊之法挑塘二尺墊地一尺掘塘一畝培地二畝地可種麥塘可植蒲兩盡其利 十種蘆葦 海州蘆葦質厚而堅其用至多其利亦溥斥鹵之地擬先試種蘆葦俟其暢茂後土脈益鬆然後逐漸開墾 十一開牧場 海州地氣中和畜牧最利草深水淺者宜牛草短山高者宜羊雜草沮洳曲潦者宜豕下至鴨欄雞柵亦期布置得宜盡收舊業之利 十二興漁業 濱海之處地居下游山河下注海水上升鹹淡相錯魚產最繁隄成之後水有歸宿布散魚苗生息必盛秋

冬水涸網取尤易利更倍於耕耘 右墾牧大略當次第舉行預算表須俟定界後丈量地畝確數估計隄河各工然後方能核定姑以海州開墾圩田計之約每畝費隄開溝洫各工銀二兩本公司佔地較多費可略省以每畝一兩八錢計之則共集股本三十萬兩可墾地近十七萬畝以墾熟之地每畝值銀六兩計之可得銀一百零二萬兩此就目前股本而言約計所墾全地可得一百萬畝或俟現擬墾地成熟添招新股接墾或以舊股公積及餘利接墾屆時再開特別會議酌定就海州已墾圩田歲產五穀而論每畝可產小麥一百斤至二百斤大麥倍之黃豆綠豆六穀等可產二百斤至四百斤通盤計算除開支外每畝可得餘利一兩之譜

各省農桑彙誌

直隸 東鹿縣自甲辰冬設種植局提倡樹藝鄉民頗知效法計城鄉隙地所栽榆柳槐楊桑柘一切果木已共約二十萬株近又將兩關外廟地十畝撥入種植局開為農事試驗場購得日本桑秧一千五百株土秧三千株參仿東洋新法開挖長溝鋪壅肥料如法栽植成活者亦得十之八九其餘蔬菜瓜豆之類凡本境所無者均擬擇要試種 贊皇縣三面臨山地多瘠薄不宜五穀近山一帶多種桃杏梨棗蘋柿各種菓品平坂之村多種榆槐楊柳椿柏各項樹木該縣轉大令近特勸諭城鄉紳民廣為栽種舉凡田畔山場溝邊地角相其所宜普行種植紳民紛紛購秧栽植計已不下七萬株云

黑龍江 黑省近來改放民荒甚形踴躍查該省土脈肥沃平坦曠遠惟農民鑄於舊習耕種失宜牛隻日見減少農具異常笨拙達程兩帥擬采泰西機器代耕之法教之試用得利即為推廣聞四川張孝廉羅澄創製農電瓶稼穡遠長兩帥擬即多購試用如真有效即聘請孝廉赴黑設廠製造

山東 南海州屬龍山有荒山一處距州城六十里週圍十餘里係登州鎮牧馬場屬於甯福營山中并無平地全山土石各半開闢頗難近經唐觀察榮浩於查礦時勘得該山雖難開墾然尚可種樹養蠶若任廢棄未免可惜因具稟魯撫請招股承領開墾俟承辦五年照章升科完稅書奉楊總帥批准轉飭墾務局派員勘定界址酌定租則至請俟五年後再行升科一節因與原定墾章不符併由墾務總局核照章辦理 壽張縣黃大令留意樹蠶擇隙地種楊柳桑榆一萬一千二百餘株該縣又有礦薄鹵鹼之處百二十餘頃考西法知鹵氣入地最深變易之法惟有於附近開小溝通大河俾雨水冲刷鹵氣減淡可種洋芋甘薯且能吸鹵性而化為糖質故已勸諭鄉民如法辦理 青州地曠人稀近由王紳等覓得鳳凰山一帶荒地稟准開辦樹蠶公所擬植桑樹及香椿等 邱縣曹大令光楷設立樹蠶局捐廉倡導紳董承買荒地一百餘畝勸種新樹一千八百餘株辦理頗為得法

河南 西華舒大令以工藝局製成粗品銷路既滯利亦微薄擬即竭力整頓絲業以改良桑蠶種子為下手法已於乙巳春間預發湖桑招民領種成活至八九成之多並勸民間廣植土桑以輔之又派人至浙購求蠶種

江蘇 黃君鼎袁君榮近集股本在鎮江北門外九里街購買山地與辦樹蠶講求種植名曰利用公司已稟請常鎮通飭縣立案

江西 饒屬萬年縣東北鄉高山橫亘數十里頗多荒地開闢太守良飭令該縣將北鄉大回山麓勸民開墾共得二百



四十餘畝種植松苗一萬一百八十餘株其隙地則以茶樹烏柏二種擇宜施種

浙江 玫瑰花爲製香粉所必需又能容茶葉佐食品杭州每屆花時銷場頗大然皆零星販自各鄉無幾者近有杭人徐文彬已於艮山門外購地試種 台州內地產牛每年販運各埠及宰殺者約計二萬餘頭茲有曾赴日本學習

畜新法之陳君等集款創設畜牧公司專養牛羊稟請立案承領克廣山地以備放牧並將飼養之法傳授民間以資仿效 衢嚴等屬毗皖之境類皆山阜故均種植果木而漆樹尤良較皖漆爲勝行銷苦廣近因日本洋漆通行利權被

奪由徐紳等籌議考察栽植配練之法派生赴日學習林業中專門權漆以期改良 處州府屬之雲和縣山多田少縣李向庭大令特就官山種植櫻木并因舊有之觀農別墅講求農學俾開農智

浙南 道州地方近新考出一種絲蟲大如土蠶有毛色極而黑腹內有絲極爲堅韌往時僅取作釣魚絲繩嗣經人農專考驗始知是蟲之絲愈見鹹味其實愈堅最宜於海中拖船繩索之用能經久不壞遂爭相購取絲價亦日昂而出產

乃益旺統計甲辰一年所售出者值洋至一萬元之多因該州地方樹木叢雜如樟柳苦楝等樹目皆是此蟲即生於三等樹上無害性不傷人時交仲夏每日午未之交即墮首向下捉而斷之取其腹內之絲先用水滌繼以醋浸兩人各持

一頭互相牽扯愈長不扯乃已既無採桑飼蠶之勞又免抽繭練絲之苦而所得價值竟能與蠶絲相若亦自然之美利也

四川 川邊巴塘夷地等處向稱邊瘠不產五穀自奉 旨開墾後地方官經理頗爲得法近已原田墾庶大著成效矣聞其餘儘霍屯角落汛一帶亦將漸次開墾云

廣東 廣府陳太守近督同南番二縣籌捐款項創建蠶業研究社以興實業

雲南 粵省乘甚價值各省冠冕貴大吏特行電咨粵督請代搜取少許寄往以爲振興實務之預備

各省礦務彙誌

東師 職商李君培南等近與焦君濟樂試探京西門頭溝北坡九龍山煤礦東至新房村北西至卞家坡小道南至溝水溝北至九龍山南坡下北坡已將辦法及四至呈明商部立案並發給探礦執照以便開辦 吳君紹堃稟請商部准予試辦京西善化寺煤礦經商部以礦界四至未能勘明咨行順天府飭查嗣據覆稱詳勘此山煤苗顯然其睿王憲公等墳均在此山東南該職商圖內聲明開挖俱向西北按圖按地若向西北開挖於地方虛墓尙無窒礙等語商部因即發給探礦執照准予試辦

直隸 承德府治紫樹溝一帶夙多鉛礦苗嶺亦旺乾嘉年間曾經開辦近由英心齋太守稟請熱河都統續開已蒙允准當委倪大令前往勘察從速興辦 肅龍縣城東有山名駱駝營金礦大發經地主用土法開挖僅雇礦工三十餘人計開十日得金至一千三百兩之多金色既佳礦粒尤大奉爲該縣令所聞稟明永平府管太守廷獻轉稟直督官土人私自開礦恐滋事端若由官辦用新法開採必獲厚利旋奉督批著該府迅即查封嗣經直督委通曉礦務之員前往查驗該處礦苗週圍約計五十里上下金沙可開四丈餘深金色顆粒均屬上等礦質經該委員稟復袁宮保當即札委辦永平七屬礦務張繁庵觀察振芳設法開採 職商沈君春康近擬試辦宣化縣雞鳴山煤礦當經稟明商部查核准予開辦

奉天 近有人調查滿洲礦產情形謂通化懷仁之金銀礦由渾河以南東北一帶前進海龍金銀礦產尙少及至通化懷仁見其金銀礦脈之富令人可驚其各礦山所在處所如大廟溝(通化南十五里金礦)小廟溝(大廟溝東十里銀

礦) 董沙河(通化南微西六十里金礦) 報馬川(董沙河西二十里金礦) 霸王槽(報馬川西二十里銀礦) 大利樹溝(霸王槽東北二十里金礦) 通天溝(通化西八十里金礦) 崗山二道溝(通天溝南十里沙金礦) 南崗山嶺(二道溝南三十里銀及茶晶礦) 富爾江(南崗山嶺西三十里金礦) 均在通化縣西南界 三合頂(通化北微東約百五十里金礦) 大灘平(三合頂東微北十里金礦) 小灘平(三合頂東南十里銀礦) 半截河(三合頂西二十里炭礦) 仙人溝(龍海西南四十里炭礦) 均在通化府北海龍縣界內 林子頭(通化東百二十里金礦) 實聚泉(林子頭東六十里金礦) 帽兒山頭道溝(實聚泉東南二十里砂金礦) 帽兒山二道溝(頭道溝東十餘里砂金礦) 帽兒山三道溝(二道溝北東二十里砂金礦) 帽兒山四道溝(三道溝東南十五里銀炭礦) 帽兒山六道溝(四道溝東南三十里鐵礦) 大栗子溝(頭道溝南西十五里鐵礦) 五道江(通化東微北四十四里炭礦) 五道江(四道江東十五里炭礦) 均在通化縣東海除四五道溝外皆在鴨綠江北岸 老黑山(懷仁縣南東百里金礦) 凌馬嶺(老黑山北東十五里金礦) 老爺嶺三道溝(凌馬嶺北東四十餘里炭礦) 均在懷仁縣東南界在鴨綠江沿岸 大雅河(懷仁縣西微南七十里石綿礦) 小雅河(大雅河西四十里石綿礦) 涼水泉子(懷仁縣鳳凰廳交界城廠門外十里銀礦) 惟含鉛質甚多 老人溝(涼水泉子東三十里銀礦) 均在懷仁縣西界 響水河(懷仁縣東七十里炭礦) 拐磨子(響水河南東三十五里炭礦) 通化縣屬之崗山二道溝金礦前由中國政府自行開採已經三年日役工夫二千餘名月得砂金約一千餘兩後遭馬賊侵掠棄之拳匪亂作大為俄軍蹂躪故爾中止其他礦山未經調查故未得知其詳 懷仁通化金銀各礦均甚豐富次為海龍然亦未經調查茲舉金銀礦所在地如左 墨石頭(山城子南四十里砂金礦) 香爐嶺(山城子南東三十里砂金礦) 杉松崗(海龍東南七十里炭礦) 板石岳(杉松崗東三十里銀銅鉛礦) 朝陽溝(朝陽鎮東三十里砂金

鐵礦)吊羅溝(朝陽溝東十里砂金鐵礦)此外朝陽鎮之東方吉林管下輝發河沿岸及其北部一帶金砂金銀銅鉛石炭等礦亦頗豐富再從北東部而進礦產亦多要之滿洲礦物如石炭金銀銅鉛所在多有殆為無盡藏云 職商顧君之樂王君岐山等近擬合辦錦州府錦縣沙果屯大寨溝煤礦稟商部批准

黑龍江 黑省礦產甲於內地外人稱為獨出金山自遼程兩將軍派員開辦後馬槍三處軍亦將朝陽山煤礦暨都魯河金礦柳子山銀礦開辦漸著成效純心齊協領所辦之馬鞍山煤礦產煤最佳火力亦頗足云

山東 長山縣東南鐵山昔曾有人開辦礦井洵挖年餘事廢垂成忽行罷去近聞該礦主再行續辦務收桑榆之效職商戴君式葵等以平度州境東北鄉距天澤山東南十餘里距舊甸金礦五十餘里地係山坡不近村落該處石塊多露金星又據縣洪耕埠在黃山迤西天澤山之北銀苗顯距平度州金礦約二十里土色略同擬即集股試辦稟商部立案

山西 晉省紳商近為保守潞澤遼沁四屬礦產起見特於省城設立總會各州縣設立支會以上黨為會名又以路權不保礦產亦難獨存特擬將潞澤鐵路連行籌款自辦云

河南 羅山縣境煤礦質合金銀土著開採不能提化往往售與外人近為該縣周輔白大令所知擬即改歸官辦以冀利權外溢

江蘇 署江督周玉帥以商民私賣礦產流弊滋多特奏請將三江礦務局所查各礦概歸中門官民自辦不准奸商私賣以杜弊端計蘇省江甯府上元縣之銀夾山棲霞山龍潭銅煤各礦江甯縣之金斗山銅礦句容縣之銅冶山手巾山銀銅各礦六合縣之冶山銀銅礦徐州府銅山縣之利國驛買家灣等處煤鐵各礦皖省安慶府太湖縣之夾湖山煤礦

宿松縣之傅家壩在太湖煤礦滑山縣之西北鄰各山產鐵砂礦池州府貴池縣之荷嶺形洞煤礦銅陵縣之銅官山  
銅礦廣德州之牛頭山銅猪陰梁家山煤礦鳳陽府宿州之烈山煤礦懷遠縣之塗山無礦廣州府興縣之淨土華山煤  
礦甯國府宣城縣之狗毛山犬形山雞箕山煤礦涇縣之搖頭山煤礦太平府繁昌縣之五華山銅山煤礦贛省贛州府  
贛縣之壩下銅礦九江府德化縣之馬祖山煤礦饒州府樂平縣之上碼頭牛頭山煤礦餘干縣之程山煤礦袁州府萍  
鄉縣之劉公廟上洗嶺鐵礦天安嶺金沙礦臨江府清江縣之鐵山鐵礦廣信府鉛山縣之佛母嶺煤礦共計三十八處  
徐州利國鐵煤兩礦前經官紳集股開辦迄無成效近經徐道袁符南觀察查知情形稟明周玉帥意欲收歸官辦因  
批飭三江查礦局派員率同工匠前往探礦化煉現已開鑿陽山數洞苗旺質美即練出之鐵亦復純淨甚合提鋼之用  
遂請籌款認真開辦

安徽 徽州府西華嶺近產煤礦一區經商張君其昌等勘驗確實稟經皖撫給發憑照設局開辦○青陽縣紳董以  
縣屬烏桕嶺煤礦舊置並有內灘金質之說特稟由商務局詳請皖撫咨報商部頒發執照○宿州一帶煤礦各礦脈長  
苗旺徒以風氣未開未能集款開辦近查礦局周觀察擬請先行試辦宿州屬之烈山礦務開烈山礦產脈苗顯豐旺  
之象宿州李牧已籌款萬串擬即試辦已稟由署江督周玉帥批准

江西 贛州東南二十五里隴下地方素稱苗甚旺又西皮山至長排嶺有銅礦約一千五百尺寬長五六千尺其質甚  
佳所產自然銅每百斤能煉銅五六六十斤至七八十斤不等且含銀質誠為上等銅礦而運道尤近離水口僅十餘里該  
州紳商已議自籌款項進行開辦 興安縣屬童家塢近有商人集股開一煤礦日可出煤值洋八九十元近仍派屬挖  
工以期推廣 新喻北鄉詹姓村旁有一破坵為水所填詹姓意圖修復前往察視見有無數晶塊發現於亂石中因集

實業

五十七

丙午

業發讓設法開採

浙江 杭州高君爾伊前設寶昌公司與美國商人沙蝶納合辦最盛處四府礦產世所共知不料除義商外復與英商伊德訂立合同私蓋有浙省農工商礦總局關防乙巳春間以開辦逾期經外務部電飭案英商得有消息即由英領事照會浙撫詰問前樞杜仲帥為之愕然札飭農工商礦總局查覆核奪總辦高觀察當即照會高紳據實呈覆而駐華英使已與外務部交涉將義商改為英商字樣堅執所訂合同尚未逾期不允作廢外務部以各省華洋合辦礦務照章以奉 旨批准之合同為據倘批准以後改換商人承辦應將改換商人原委呈明聽候核准方能接辦此案前係義商承辦逾期撤銷復由英商接辦並未將原委呈部顯係私相授受礙難承認特照覆英使駁斥不准一面咨行浙撫將高紳私蓋官印各情澈底查究

湖北 黃安縣黃金寨睡虎山銅礦前有德商海生會請該國領事照會華官帶同礦師柯和採取礦樣茲聞是礦已由省臺特飭該地方官將一帶山基統行用價圈購徐圖自辦

湖南 長沙傅君醇泉等近於傅李二姓自管公地內覓得煤礦一區當即招集股本與工開採一面稟請礦務總局立案編號飭縣保護 岳州平江縣屬黃金洞金礦甚佳前經湘撫端午帥奏請延聘某國著名礦師由礦務局籌款自辦聞已延定德國礦師柯和柯的格開辦并將原訂合同詳請咨部立案 衡陽縣屬蘇家灣地方礦產甚富經礦務局查悉建造新式鍊礦爐廠聘請徐君振清前往提鍊礦質 東安縣屬盧洪司小溪沖陶家沖一帶地方礦苗甚旺鐵路總局特請礦務總公司委李紳帶同美礦師恆海往勘驗得所產皆係銅錫其質甚佳因即設法籌款開辦 綏南縣屬銅礦前經礦師勘驗礦質頗佳近由定字旗兵前往試採

陝西 鄂督張香帥以陝省風氣塞礦山林立民不知探擬先從毗連鄂省之興安延安一帶礦產最旺之處設立礦務公司由陝鄂兩省合辦藉以開通民智徐圖推廣

甘肅 甘省開辦礦務已有年所惟因礦洞地連番境阻撓難開又以探礦鎔銷未能適用以致迄無成效近有古浪縣紳蘇君潮等查得蒙古黑爾岑地方距省二十餘站有鉛礦一處可以開採稟由陝督咨商阿拉善游蒙古親王多羅特楞委勘鉛礦屬實准其試辦因即奏請飭部立案一面與蘇君議定所有採得鉛斤悉由官購買以作製造鉛丸之用計價銀每百斤十二兩運費在內如有虧折成本與公家無涉

新疆 疆省天山南北富於礦質一舉之產日可採鐵十萬斤雖累十年仍未達中心點又多銅礦新疆所用紅銅錢土名普爾實該地所產銅質精良惜未能擴充官廠大加鑄造又新疆各地多煤礦天山聯互峯脈如龍蜿蜒高一皆是煤質間以五金如能大集官民股本開採鑄鑄鐵道以度大戈壁入嘉峪關則為中國開一大富源聞前撫潘中丞於巡視天山南路一帶時已順道查勘礦苗擬即籌款自行辦理

四川 川省礦務局以開鑄銅元需銅甚夥惜購用洋銅利源外溢因查得甯遠雷波天全蘆山等處銅礦雖出產無多而菁英內蘊若能用法開採必有可觀特擬先就蘆山天全兩處開辦如有成效再行逐漸擴充 四川西南山石華礪礦脈極豐多在各土司境內近有甯遠土司覓得紅銅佳礦呈報川督請准開辦奉錫清帥歸併瓜別礦局但給與該土司紅股淨銅千斤聞近來各土司報告礦產者頗形踴躍云

廣東 大埔銀溪公坑等處產煤極富近有邑紳廖君省樵等購地開採 欽州旺關錫礦苗綠暢旺有離石寸許即見苗綠者其錫灰青色帶有硫質前經東省洋務委員東奉開採嗣因匪患未平事遂中止近有州紳漢彙股本作為官

實 業

六 十

二 月

督商辦京經善後局核准開採 曲江縣之東硬嶺向有煤礦一區係由馮姓開採旋爲省憲查悉以該礦出煤極旺火力亦甚大馮姓獲利已厚且未領有部頒執照應即改歸官辦已派員前往查勘云

貴州 黔省華商普安公司承辦人賀觀察秉鈞前稟請開採正安州龍女洞黑鉛礦產後因費本不繼呈請大吏作爲華洋合辦適同洋商來福公司經理人蔭福宜妥訂合同華公司亦一面陸續添股洋公司認籌資本二百萬兩由兩公司經理查押開辦近聞黑鉛出產甚旺內含銀砂甚多一噸可提銀二十八兩有奇云

蒙古 蒙古翁牛特都某王<sup>按翁牛特左右兩旗</sup>地近<sup>按翁牛特左右兩旗</sup>查放境有晶石煤等礦且有現露五金質苗線之地擬即由本旗自行籌款開辦已聘訂礦師查察山脈一俟勘畢即當繪具圖說呈報理藩院並請商部立案



哈哈。惡批亞。便怎樣。就是死也便怎樣。俺夫婦。兩箇性命。早已屬了愛德華。任是千刀萬剮。那理義。依然似金鐵般堅牢。不能打破。難道就怕那些奸詐的奴才們不成。這件事。若是別的黑人。却難預料。這西查。是箇英雄豪傑。那便墮入他們奸計之中。被那種奸怪妖巫。前來播弄。這倒罷了。只可恨這無罪的克拉拉。倒平白地受了苦。遭那狐羆狗黨的惡戲。

海克道。若果然懂得理義。就該哀憐我的意志。任威斯薩能行那樣左道之術。也只索遠而避之。如今却拋棄多年交情友誼。要來索我的命。這究竟何苦來。可知惡批亞。總是妖魔。我總是守著道德。難道妖還能勝過德麼。海克道。你若將著刀劍來。俺們也只索將性命交付於你罷了。若是惡批亞。他須不是能斫我夫婦骨頭的斧鉞。我爲何怕他。想了幾回。禁不住流下幾點英雄熱淚。

克拉拉見西查這種情形。更是著急張皇。想西查難道也沒有法子。惟有哭泣麼。

「夫君若不聽威斯薩言語時。這七天之內。我兩人就沒了命。他要說的什麼話。雖則不知。但你只須聽從。自然逃生有路。我也不致於死。那不好嗎。」  
說著。更是嚶嚶啜泣。幾乎大哭失聲。

「賢妻威斯薩他要說什麼話。你難道一些兒不知嗎。」

「我雖聽他恁地說。但他說你只對西查說。他自然知道。却不將實情告我。」

「恁地時。你原來不知麼。」

克拉拉很不耐煩。又問。

「想你必然知道了。」

西查忽然正色。厲聲數說。

「克拉拉死了罷了。」

「這是怎麼說……」

這聲氣非常淒切。叫人難聞。

西查依舊坦然。

「我已預備死咧。」

克拉拉那時也和半死一樣。

「那箇到底爲什麼事情……」

「如此大恩人愛德華老爺。就不致被殺了。」

「嚶嚶」

克拉拉臉色眼光和紙上的畫兒一般釘著一些不動。只呆望著丈夫的臉。

「恁地說來。威斯薩說的就是那箇老爺……」

「不光是殺喇。海克道爲首。威斯薩做他軍師。約在本月二十那天晚間。島中的黑人一齊起事。定要殺盡白人方休。他們原是要鬧箇潑天大亂啊。但他們知道這家的奴隸都懷著主人的恩。甘心情願。做那勞役。不能做他們的幫夥。起先他不叫別人知道。不料被我探著了。他還要勸我入夥。是不聽從。因此他們懷了恨。求請威斯薩前來作法。使你受苦。我看了必然害怕。回心轉意。降服他們。但我須不是朝三暮四的那些卑鄙小丈夫。克拉拉聽了這箇緣由。立時咬牙切齒。

「原來如此。那海克道……」

「這件事雖不是海克道一人的主意。却也不是威斯薩一人的所爲。」

「海克道不是和你和弟兄一般嗎。本來素爲相好啊。」

「如今却變了心了。」

「恁地時。我却有箇方法。我前去……」

「不要慌。不要亂。我有句話問你。克拉拉。你還是愛惜你的命啊。還是主人命要緊呢。」  
克拉拉陡然被一下當頭棒喝。這纔想起主人來。立刻把憤恨之心。變做悲哀之態。又流下幾點淚。

「這是怎講。俺們被仇狠特憎惡。要將你賣與他人。夫婦幾乎永別。幸虧這裏主人的恩情。」

「是啊是啊。」

「恁地。俺夫婦在一夥兒過活。我也不忘你的恩。」

「說得好啊。」

「我若變做你情願死了罷休。」

西查很爲高興。很爲滿足。

「情願死嗎。」

「死了強得多。」

「強！強！強的話說得更好。那纔真是西查的妻子。」

西查一面雙淚交流。一面還是稱贊。克拉拉却只是悲傷。只是哭泣。一會。克拉拉勉強支撐

起來。略略喫些早飯。商量依舊上場做工。於是兩人振一振精神。走出小屋子之外。

五

愛德華除了平日施恩行善之外。又常常安慰奴隸們的心。道他們作客他鄉。不勝其苦。又怕他們習於懶惰。常常勸勵他著。使他們勤儉執業。常言道。弗以小善而不為。愛德華連小善也要行使。不肯將就。

這一天。為因西查夫婦住的小屋子。處處有了破損。意欲前來修理。趁他們夫婦不在屋裏。帶來幾箇工人。親自到場指點照料。到得正午時候。西查做工歇息回來。見主人在著。監督修理屋宇。不覺趕一步上前。撲的跪倒在地。

「老爺。小人害怕。論理該小人前來修理。只因日常工忙。把這事拋落在後。却要老爺自己駕臨過目。真是大大不該。」

「西查說那裏話。我來修理。和你修理。不是一樣。嗎。這幾時你也幹得勞苦了。連不該你做的事。你也幫著做了。如今鄰家的老爺。諒必後悔也來不及咧。」

「老爺說那沒來由的事。到底老爺和貝禮先生。哀憐小人們。真是銘心刻骨。萬一有什麼事情時候。情願一齊拋擲性命。報答你老一生的大恩。哈。那纔是小人們的快樂咧。」

西查一面說。一面又逼出無數淚珠來。愛德華很爲詫異。

「你爲何哭泣。」

「是啊。都是小人們罪過。想起老爺垂救之恩。禁不住要下淚啊。」

「沒有那樣事。你胡亂想著那些。却反叫我迷惑。西查聽說你妻子克拉拉害了病。可曾出來做工嗎。」

「是。並沒什麼大工事。」

「雖則沒有大工。但既是害病。還出來做工。那却不好。不服藥却便如何。病勢若輕。還不要緊。第一克拉拉苦得可憐見的。叫他凡事丟開。休息休息。就是睡箇那麼五天十天。俺這裏工事。也不見耽誤了什麼。你快些找箇醫生。叫他服藥。早些兒診治好了纔得啊。」

西查咽著淚。伏在地上。擡不起頭來。好一會。勉強舉首。望著愛德華後影。目送而去。回身將窗下木匠鏢下的木屑。捧過來積做一堆。

「好好。越發不要活了。」

隨後克拉拉也趑趄走了回來。西查將方纔主人在此的事。告訴於他。兩人重又悲傷一回。只恨除了身體性命之外。再沒有別的報恩之物。

西查仔細思索一番。想我雖則爲了理義不入黑人作亂的夥兒。但若將這件機密事對主人愛德華說。知愛德華必然立刻通報同胞的白人。使他們大家關心。警備黑人的密計。全然敗露。從此以後。全島的黑人更做了白人囚虜。比前虐待得更加利害。白人的同胞。果然得計。俺的黑人同胞。這便如何。這等苦楚。真箇還是死了強得多。我雖則應當酬報白人。但對我至友。並沒有什麼冤讎。對我同胞。更當要盡些責任。啊。如何是好。如何是好。這時候西查心裏說不出的苦衷。真是難對人言。痛心慘目。

叛黨起事之期。本豫定二十那天半夜。但因人心不齊。團體未結。空言的人很多。不免有議論多成功少之慮。那爲首的見了這箇怕衆人離心。特地又起了主意。要將起事之期。拔早。挪非里的奴隸。有一天在那裏熬煎砂糖。因爲火氣過熱。頭眼昏眩。不覺僵倒在地。以外沒有人看守。那砂糖儘著猛烈。枯焦得和煤炭一樣。

砂糖焦後。一會火也殺了。奴隸蘇醒過來。看見這箇情形。大爲喫驚。幾乎發狂。登時噪嚷擾亂。旁邊人聚會攔來。雖則看了可憐。但實沒有援救之策。正在沒了擺佈。却好仇狠特走了。入來。見奴隸出了大亂子。那臉色登時憤怒。如金剛夜叉一般。立喝手下人將他拖翻。照例打了五十大棍。血流滿面。涌涌如波濤。身上的肉。有好幾處開裂。只差得一命歸陰。任是遠

處聽了這種悲喚哀鳴。身上汗毛也要直豎。

奴隸想著我受五十棍責罰。不能抵抗。只索忍耐。但滿肚子怨憤。如火般焚燒。仇狼特還提著血流漂杵的鞭子。向後趕逐。奴隸一磣碌拚命跳起來。嘴裏淒淒慘慘咕嚕著。

「天哪。我生生世世不忘你這大恩。我總要報答纔罷。」

奴隸喊着。不料無端入了仇狼特的耳門。被他聽見。又見海克道立在一傍。和奴隸遞眼色。更加怒從心起。登將兩人帶到小屋庭前。嚴加拷問。

鄰菲里見仇狼特常行非道。也曾屢次勸諭。叫他改變行爲。無奈仇狼特再也不聽。說黑人是生成下等動物。若不將蠻力去壓制。到底不能服從。壓制的手段。只有鞭撻棍打一法。仇狼特既恁地固執。鄰菲里也沒有法子。從此以後。索地不去置喙。仇狼特於是更加上幾百倍威風。要食盡奴隸的肉。方肯罷止。

這一天鄰菲里知道又有這件事。忍不住親自過去觀看。呀。只見兩箇奴隸。血淋淋被綁縛在茅柱上。氣息奄奄。幾乎變成僵屍。無奈又對仇狼特道。

「他們犯了什麼罪。要恁地處治。難道竟不能寬恕些兒。釋放他麼？」

仇狼特大爲不自在。



「寬恕些兒。……你不知萬萬不能寬恕。那厮們都是十惡不赦的奴才。將你主人价的工事玩視。」

仇狠特隨將工場熬砂糖的情形。並奴隸所說報答的話。詳細告知。都菲里大為驚懼。

「我却不想他們居心叵測。直到恁地。原來他們真是十惡不赦的大罪人。我也要考問一番。看是怎樣。」

都菲里坐在判官椅子。想出許多說話來詰問。誰知他二人緊閉著口。只答不知。此外一言也不發。不覺也是怒從心上起。喝令責打。那鞭管不知有多少下。

剛強勇幹的海克道。究竟身非鐵石。那裏受得住。只見遍身皮肉破爛。從前不曾收口的創傷。好幾次被打。又潰裂得不堪。哀呼慘號之餘。一時發昏厥了過去。

當時裏邊昏天黑地。屋外邊許多奴隸。却都聚集攏來。隱身牆外。窺望裏邊模樣。啊。只見海克道性命危迫。白人暴虐無以復加。也有吶喊的。也有憤怒的。單恨手頭沒有寸鐵。不能立刻殺盡白人。內中有幾箇身上帶著小刀的。意欲就此闖闖入去。當經旁人阻止。說時節未到。不可鹵莽。衆人無奈。暫且耐下一口氣。沒精打采而散。這一天幸喜沒有激成變故。海克道等兩人。到得夜間。也就無罪釋放。

第二天鄒菲里的妻子。騎在藤編寢榻上。隨侍左右的一班黑人女婢。把著團扇替主母搖風。他自己却舉杯獨酌。正在喝得高興。外面報道英京倫敦有捆載東西寄送前來。原來是裁縫做好的衣服。

這島中前來移住的民人雖多。但千百女子之中。要算鄒菲里妻子姿色最好。再沒有人勝過似他。鄒夫人既有姿色。又加是富貴門第之身。因此上鬪麗爭華。窮奢極欲。身子雖住在西印度孤島。那榮耀顯煥模樣。簡直和在倫敦一般。真可謂金玉錦繡。天上人間。因此上島中人齊聲稱他是哲美加島的女皇。委實當之無愧。

鄒菲里對著這等美麗佳人。怎不歡喜。不必說是寵愛非常。凡是妻子說出的話。如神仙降諭一般。沒一句不銘心刻骨。依照奉行。你道這是什麼結果。喚說起來。叫人傷心。那些被虐待的黑人。第一次變成仇狼特鞭棍上的精血。第二次變成鄒菲里囊裏的黃金。第三次化做了鄒菲里妻子身上的金玉錦繡。

鄒菲里妻子。聽說等用的衣服。已經運到。喜得幾乎跳躍起來。立命搬運進內。不一刻。只見那黑人膏血染成的衣服箱子。擡到榻牀之前。

女婢等爭着過去。解了箱捆。將內中衣服一件一件取出來。有一箇高高興興。正在捧着一

件羅裙望上抬身。不料被那箱邊杈枒突出的鐵釘鋒尖。一下鈎住。勢力過猛。聽的一聲。把衣袖裂下一大片。猶如梁山伯蝴蝶兒飛揚。

女婢這一下子。早已寸心如死。沒了生氣。撲的跌倒地上。哭得地轉天旋。鄰菲里妻子那能罷休。直氣得眼中出火。鼻裏生煙。做聲不得。見女婢跌倒在地。又趁勢過去很命蹙踢一下。變成箇五嶽朝天。踢得女婢動彈不得。

恁地。他心裏還沒滿足。肆口毒罵不休。更又交付仇狠特帶去。照例責罰。那最喜暴虐的仇狠特。得了此命。猶如奉了諭旨。又如餓虎獲到羶羊。立刻拖曳到管事刑房裏。和先前兩箇黑男子。同綁在一處。不知又受了幾多鞭棍之刑。

你道那女婢是誰。原來是叛亂首領海克道最恩愛的妻子。

自從首領夫婦兩箇都受了責罰重刑。一霎時黑人謀叛的心腸。加了百倍的湧。作亂的氣焰。騰上萬丈的高。全島奴隸。箇箇咬牙切齒。恨不立時將白人碎屍萬段。本是商量妥協。只等到二十那天夜半。一齊起事。却暗地先差人到受刑屋裏。將海克道夫婦兩人的血。爬撈些起來。致祭軍神。後又議定。未到二十以前幾天。拔早起事。一聲吆喝。兩人起。三人應。一霎時。十百千人。洶洶涌涌。聚集前來。隱隱見一團殺氣。佈滿了全島。啊。大家都道。今天夜間。乃

是。黑。人。重。見。天。日。的。時。期。

小 說 續 集

三十二

二月

海克道創傷也漸好了。想今宵是俺海克道伸冤雪憤之時。抬頭看那月影也似對著我含笑點頭一樣。預備停安。上布利由山頂傳令四方。那些慄悍的奴隸都早已刀是刀。槍是槍。只等號令。

再說那西查呢。不知他們起事之日。已經拔早。本要幾句話說破海克道。不料事勢逼迫到如此。知道萬難挽回。任是想了多少的方法。終是無用。枉空獨自一心煩惱。

下期續印

雜俎

光緒三十一年十二月中國事紀補遺

△為記者知此事之見於近日也  
△為記者以見報之在是日也

十二月十一日。△奉天改釐金為餉場稅。△考察政治大臣戴鴻慈編方至美。△奏定裁撤黑龍江副都統四缺。△各省銅元局歸戶部管轄。十六日。△西藏巴塘教案議結。二十九日。△互換中日條約。△署外務部右侍郎唐紹儀與俄使璞科第開議中俄新約。

光緒三十二年正月中國事紀

正月初一日。△考察政治大臣戴澤向其享李盛鐸謁見日皇。初二日。△奏定巡警都察章程。初四日。△北海萬善殿災。△財政處奏設官報局四處於京師。△外務部議准雲南省城自開商埠。△廣東官紳因籌辦粵漢鐵路衝突。諭派署江督周馥查辦。初五日。△嚴備奉天剿辦馬賊。△議准廣東息借外款五百萬。△河

雜俎

十七

丙午

南汝州匪亂平。初六日。△京張鐵路第一段成。△令各省督撫示禁人民私售田地於外人。△土耳其人馬杜利希羅人巴爾發在湖南長沙一帶滋事。並槍斃英捕頭客立斯。湘撫羅鴻膏因其為無約國人。電詢外務部辦法。△上海租界罷市交涉。經外務部暨江督力爭。不允英人賠償。初七日。△俄國海參崴兵官將亂兵調至哈爾濱等處。吉黑兩省將軍電告外務部。請示辦法。△諭令考察政治五大臣注意政治。不必過問關涉權利之事。△戶部議准撥河南練兵經費十萬兩。△署江督周馥奏派徐振鵬為南洋海軍統領。初八日。△大學堂總監督張亨嘉辭差。△復與英國開議廢約。△駐杭英領事照請浙撫張會敷會勘蘇杭甬鐵路。拒之。初九日。△鄂督張之洞電請統派鄂省練兵經費。△安慶古王公於保和殿。△諭嚴定保舉章程。採御史劉汝璜奏也。初十日。△用外人脫拉為南北洋海軍參贊。△戶部銀行訂定代收國民捐章程。△粵省紳

商大集於總商會。籌議粵漢鐵路股分。△吉林將軍達春。署黑龍江將軍程德全。特派道員方朋等入京。參議俄約。十一日。△外務部向俄使索還東清鐵路股本五百萬兩。十二日。▲以唐紹儀為太常寺卿。仍署外務部右侍郎。△俄政府允賠海參崴華商損失五百萬兩。聲明於庚子賠款內扣抵。△直督袁世凱。署江督周馥。署粵督岑春煊。鄂督張之洞。電請外務部轉商英使。減少進口印土。△召前閩浙總督魏光燾至京。十三日。△俄使抗議開放哈爾濱。△北京警察改服西裝。▲上海會審公廨。遵照新章。准原被兩造。皆立而不跪。△英使聲覆限制印土進口事。須俟中國自限裁種罌粟有效。始允照辦。△福建漳浦縣教堂被毀。並殺難教士五人。△粵人鄭憲因作併日論。經日使照請外務部查禁。十四日。△粵省加抽三成糧捐。以為粵漢鐵路經費。十五日。△署江督周馥。派遣員徐乃斌。中書汪鍾霖等。籌辦自開上海商場事宜。△政府照請法國撤退

雷州駐兵。注另索海州一帶之內河航利。以為抵禦。十六日。▲禮部右侍郎朱祖謀因病開缺。△英印度總督摩登堅索西藏路權。議約專使張蔭棠。仍與力爭。十七日。△署江督周馥。奏派蘇泉袁樹勛赴粵。查辦官紳衝突事件。▲以胡燏芬為禮部右侍郎。伍廷芳為刑部右侍郎。唐紹儀補外務部右侍郎。▲諭給軍機處津貼。△外務部奏准增加駐各國使臣經費有差。△俄使因伊犁將軍議借比款辦理伊蘭鐵路。向外務部力爭。外務部電止其查押。△飭川督錫良。密查西藏班禪自印度歸藏後舉動。△在湖南槍斃英捕頭之土耳其人馬杜利希羅人巴爾發。均按西律處以槍斃之刑。△旅鄂粵人集議官紳衝突事。並電致軍機處外務部力爭。十八日。▲以胡燏棠兼署工部左侍郎。△直督袁世凱奏設高等師範學堂於天津。魯豫秦晉奉天等省。均可派生附學。△贛撫胡廷幹咨報商部。設立鐵路銀行。舉在籍內閣侍讀學士秦鈞為總理。十九日。△署

江督周馥咨報外務部。聘用美員古納為顧問官。二十日。△江西南昌縣令江召棠。擅釋辛丑年在港開教。要犯五名。追緝未獲。二十一日。△考察政治大臣載澤。李盛鐸。向其事自日本啟程赴美。酌留隨員錢恂等。駐日考察一切。△連州教案賠款了結。△奉天將軍趙爾巽。電請外務部轉商日使。速撤在奉天境內之民政廳。△外務部電告滇督丁振鐸。勿許英人承築緬甸至騰越鐵路。△以張慶雲為永州鎮總兵。張士翰為重慶鎮總兵。△美國派兵赴斐列濱防我國民亂也。△北洋撥陸軍一協歸江北訓練。二十二日。▲賞李家駒四品京堂。充大學堂總監督。△奉天將軍趙爾巽。電請外務部轉商日使。從速收回軍用手票。二十三日。▲廣東粵漢鐵路代表員福建候補道黎國廉得釋。仍責成籌辦鐵路。▲上諭整頓屬從各員。▲西安將軍長春開缺。▲考察政治大臣載鴻慈端方自美赴德。△練兵處招奉天新兵兩鎮。△浙江士紳集議於杭州。籌商

雜選

撤廢蘇杭甬鐵路草約事宜。二十四日。△接收滿洲電報局。▲三年京察屆期。慶親王交部從優議敘。鹿傳霖。羅鴻禔。榮慶。徐世昌。饒良。王文韶。孫家鼐。袁世凱。周馥。張之洞。岑春煊。均交部議敘。徐。鄒。李。昭。焯。貴。昌。印。啟。奕。欽。均。休。致。劉。恩。溥。陸。元。鼎。均。開。缺。▲上海租界華商公會舉定董事。▲以松淮為西安將軍。△日軍在奉天擅伐森林。奉天將軍趙爾巽電請外務部向日使商阻。日使謂俟日軍建造兵房材料敷用後。即不再伐。△直督袁世凱。奏設礦務總局於天津。委津海關道梁敦彥為監督。嚴禁私售礦產於外人。△駐蕪湖英領事。照請皖撫。撤換關道童德璋。皖撫不允。二十五日。▲以陳夔龍為江蘇巡撫。張人駿為河南巡撫。恩壽為山西巡撫。▲以松壽為工部尚書。清銳為兵部尚書。戴鴻慈為禮部尚書。先以陸寶忠署理。▲以陳璧為戶部右侍郎。唐文治為商部左侍郎。劉永亨為工部右侍郎。▲以吳重熹為倉場侍郎。▲以載卓為荊州將軍。▲浙江

十九

丙午

按察使王仁寶因病開缺。△停放學差。△署黑龍江將軍程德全電告東清鐵路公司。迫脅庫倫土人。強買要地。外務部據之以與俄使交涉。△德人因山東紳士創設漁業公司。與膠州漁利有妨。特向外務部抗議。△外務部因英人堅不允廢銅官山礦約。特電告皖撫誠勳。轉勸皖紳讓之。△贛撫胡廷幹。因英艦司乃昔。仍未駛出鄱陽湖。電請外務部再詰英使。二十六日。△以外務部尙書羅鴻禔協辦大學士。▲以紹昌為刑部左侍郎。伊克坦為都察院左副都御史。▲以顏鍾騷為浙江按察使。繼昌為湖南按察使。△順天府府尹李希杰開缺。△署黑龍江將軍程德全。奏設全省裁判所。並擬定章程十四條。△英商員納賜。在長沙城內違約開闢行棧。湘紳楊紹曾。以二萬五千金購之。案遂結。△義商要求滬甯鐵路。二十七日。▲以袁樹勛為順天府府尹。△戶部派郎中薩蔭昌。主事曾習經。赴日本考查幣政。△英使照請外務部。開南甯為商埠。以防法國獨占利

益。△美使藉口抵制美約事。抗議京津撤兵。△滬督丁振鐸電告駐蒙自英領事。擅派工程師測量緬騰鐵路。向阻不理。外務部照詰英使。△甯波護商船在金雞山洋面捕盜受傷。管帶都司鄭壽死之。盜首旋緝獲正法。二十八日。▲以朱家寶為江蘇按察使。△太后面諭學部。實與女學。△俄使要索在新疆蒙古任便貿易。外務部拒之。二十九日。△署贛撫吳引孫電告外務部。沙軍界連英俄。有哈薩克人借地遊牧。恐釀交涉。已責遣出境。